

## Júu<sup>^</sup> e too<sup>~</sup> fí ni<sup>~</sup> jì quiá'<sup>-</sup> Paa<sup>-</sup> e catíng<sup>-</sup> dsea<sup>`</sup> seeng<sup>`</sup> fí ROMA

<sup>1</sup> Jnea<sup>~</sup> Paa<sup>-</sup> lín<sup>n</sup> jaang<sup>`</sup> dsea<sup>`</sup> i jmóo<sup>`</sup> lajii<sup>~</sup> e iing<sup>~</sup> Dsea<sup>`</sup> Jmáang<sup>-</sup>. Jo Fidiée<sup>~</sup> bing<sup>'</sup> i cató<sup>^</sup> jnea<sup>~</sup> e laco<sup>'</sup> ca'uín<sup>-</sup> jaang<sup>`</sup> dsea<sup>`</sup> apóo<sup>^</sup> i óo<sup>`</sup> ta<sup>~</sup> quiá'<sup>r-</sup> jogui caguñ<sup>'</sup> jnea<sup>~</sup> e laco<sup>'</sup> niguiaa<sup>-</sup> júu<sup>^</sup> quiá'<sup>-</sup> Dsea<sup>`</sup> Jmáang<sup>-</sup> quiá'<sup>-</sup> jial laang<sup>`</sup> dsea<sup>`</sup> jee<sup>~</sup> jalé<sup>'</sup> dsee<sup>-</sup> quiá'<sup>r-</sup>.

<sup>2</sup> Jo nicajméeb<sup>`</sup> Fidiée<sup>~</sup> júu<sup>^</sup> quiá'<sup>-</sup> jalé<sup>'</sup> e júu<sup>^</sup> quiá'<sup>-</sup> Dsea<sup>`</sup> Jmáang<sup>-</sup> na lamí<sup>~</sup> jéeng<sup>'</sup> gui la'eáang<sup>'</sup> cóo<sup>'</sup> jalé<sup>'</sup> jì e cajme<sup>'</sup> jaléng<sup>'</sup> dsea<sup>`</sup> i nicafé<sup>'</sup> cuaiñ<sup>~</sup> quiá'<sup>r-</sup> mali<sup>~</sup> gui eáang<sup>'</sup>. <sup>3-4</sup> Jo e júu<sup>^</sup> jo fé<sup>'</sup> cuaiñ<sup>~</sup> quiá'<sup>-</sup> Fí'naa<sup>'</sup> Dsea<sup>`</sup> Jmáang<sup>-</sup> i líng<sup>'</sup> Jóo<sup>'</sup> Fidiée<sup>~</sup>. Jo dsea<sup>`</sup> do cajar<sup>-</sup> fí jmigü<sup>^</sup> la e líiñ<sup>'</sup> jaang<sup>`</sup> dsea<sup>`</sup> jmigü<sup>^</sup>, dsuco<sup>'</sup> líiñ<sup>'</sup> dsea<sup>`</sup> siju<sup>~</sup> dseata<sup>~</sup> Daví<sup>^</sup>. Dsu<sup>'</sup> cajmijnéeng<sup>'</sup> Fidiée<sup>~</sup> e la'eáang<sup>'</sup> cóo<sup>'</sup> Jmigu<sup>^</sup> quiá'<sup>r-</sup> 'ñia<sup>'</sup> bre e Fí'naa<sup>'</sup> Dsea<sup>`</sup> Jmáam<sup>-</sup> bing<sup>'</sup> líng<sup>'</sup> i Jóor<sup>'</sup> camíng<sup>'</sup> i dsíng<sup>'</sup> 'gøng<sup>'</sup> do. Jo cajmijnéeiñ<sup>'</sup> lajo<sup>'</sup> ie<sup>~</sup> lamí<sup>~</sup> cajmijí<sup>~</sup> tur<sup>'</sup> i Jóor<sup>'</sup> do jee<sup>~</sup> jaléng<sup>'</sup> 'lí<sup>~</sup>.

<sup>5</sup> Jo la'eáang<sup>'</sup> cóo<sup>'</sup> Dsea<sup>`</sup> Jmáang<sup>-</sup>, jogui uí<sup>'</sup> e eáang<sup>'</sup> guiúng<sup>-</sup> Fidiée<sup>~</sup>, joba<sup>'</sup> cacuø<sup>'</sup> r' jnea<sup>~</sup> e ta<sup>~</sup> laniing<sup>-</sup> la e ca'uín<sup>-</sup> jaang<sup>`</sup> dsea<sup>`</sup> apóo<sup>^</sup> quiá'<sup>r-</sup>. Jo lín<sup>n</sup> lajo<sup>'</sup> e laco<sup>'</sup> niguiaa<sup>-</sup> júu<sup>^</sup> quiá'<sup>-</sup> jee<sup>~</sup> jaléng<sup>'</sup> dsea<sup>`</sup> jmigü<sup>^</sup>, jo lajoba<sup>'</sup> nijá'<sup>-</sup> líng<sup>'</sup> dsea<sup>`</sup> jogui ni-jmér<sup>-</sup> náu<sup>'</sup> r<sup>~</sup> e júu<sup>^</sup> quiá'<sup>-</sup> dsea<sup>`</sup> do. <sup>6</sup> Jo jee<sup>~</sup> jaléng<sup>'</sup> i dsea<sup>`</sup> í quíim<sup>'</sup> 'nú<sup>'</sup> cajo, dsea<sup>`</sup> i cató<sup>^</sup> Fidiée<sup>~</sup> e laco<sup>'</sup> ca'uíng<sup>-</sup> na<sup>'</sup> dsea<sup>`</sup> quiá'<sup>r-</sup>. <sup>7</sup> Jo e jì la catíng<sup>-</sup> 'nú<sup>'</sup>, dsea<sup>`</sup> rú<sup>'</sup> naa<sup>'</sup> dsea<sup>`</sup> quiá'<sup>-</sup> Dsea<sup>`</sup> Jmáang<sup>-</sup> i seeng<sup>`</sup> fí na fí Roma. Jo eáam<sup>'</sup> 'neáang<sup>'</sup> Fidiée<sup>~</sup> 'nú<sup>'</sup>

jogui nicaguíñ' 'nú' e ni'uíng-na' dseáng'- dsea` quiá'r-. Jo m̄i' Tiquí'ii' Fidié' cóo' gui Fí'naa' Dsea` Jmáang- e ni'í'r- güea'^ quiá'r- jee~ jaléng' 'nú', jogui e nicuó'r- 'nú' e seeng'na' juguiá- júu` røø`.

*Lajee' e iing~ Paa- dsi'eer~ dsea` quiá'- Dsea` Jmáang- i seeng'fí Roma*

8 Jo la'uii` júu` quié'- e e fí'-guí' 'nú', dsea` rú'naa' dsea` quiá'- Dsea` Jmáang-, quiá'- e cuøø`ø` gui'máang' Fí'i Fidié' uii` quií'-na' lajüng'na' la'eáang' cóo' Fí'naa' Dsea` Jmáang-, dsuco' fí' la fí' na fé' dsea` jial e já'- líng'na' júu` quiá'- Dsea` Jmáang- e car` ngocáng` óó'na'. 9 Jo guiáb- niñí' Fidié' e laco` yá' m̄' fón'nre, m̄'ire uii` quií'-na'. Jo jnea~ jmóo'o dseáng'- e ngocáng` dsii- lajü' e iing~ dsea` do e guiaa- e júu` quiá'- i Joor' Dsea` Jmáang- do. 10 Jogui m̄'í' b̄' yejí' Fidié' cajo e song e íáang' dsír' e nicuó'r- jnea~ fí', joba' ninii~i e ni'ee'e 'nú' jóng. 11 Jo eám' iin~n e nijmee~ e lajo e laco' cuøøng' e nijmicóo'~o 'nú' cóo'~ jalé' e guiá' e ngüng'naa' e cuø' Fidié' jneaa'aa' la'eáang' cóo'~ Jmiguí' quiá'r-. Jo la'eáang' cóo'~ jalé' e joba' e nisíng'-gui' teá' fí' guiá- cóo'~ Dsea` Jmáang-; 12 jo laco' cuøøng' fá'a e nijmicóo'~gui rú'naa' la'eáang' e já'- lí'naa' júu` quiá'- Dsea` Jmáang-.

13 Jo eám' iin~n e ñí'na', dsea` rú'naa' dsea` quiá'- Dsea` Jmáang-, e jmiguiab' yá' nica'í' dsii- e ninii~i fí' na e ni'ee'e 'nú', dsu' cartí' lana jmiguiab' e nicajníng' quié'e, joba' ja` m̄' calí- fa' e nicagá-a fí' na. Jo uüing~ quiá'- e ninii~i fí' na e laco' nijmicóo'~o jaléng' i dsea` na e laco' ni'uíñ- dsea` quiá'- Dsea` Jmáang- lí' laco' jü' e nicalí- fí' góo`

dsea` li~ jíé'. 14 Co' 'né- e niguiaa~baa júu^ quiá'- Dsea` Jmáang~ jee~ jaléng' dsea` i neáang' fí' góo` dsea` cóo~gui jaléng' dsea` i neáang' fí' jee~ mó' li~ huí~, jogui jee~ jaléng' dsea` i tñng' jì cóo~gui jee~ dsea` i ja` líng' lajo; 15 joba' dsíng' iin~n e ninii~i fí' na fí' Roma e laco' niguiaa~ júu^ quiá'- Dsea` Jmáang~ jee~ jaléng' 'nú', dsea` neáang'na' fí' na.

### *Jial 'gøng' júu^ quiá'- Dsea` Jmáang~*

16 Jo fíi~guíi 'nú', dsea` rú'naa' dsea` quiá'- Dsea` Jmáang~, jnea~dseáng' eáam' nita~ dsii~ cóo~ júu^ quiá'- Dsea` Jmáang~, co' la'eáang' cóo~ e júu^ 'gøng' do niquíi~ Fidié~ jmíi~ e nileáiñ~ jaléng' dsea` jee~ jalé' dsee~ quiáñ'. Jo la'uii~ catíng~ lajo jaléng' dsea` Israel, jogui lajobi cajo jaléng' dsea` i ja` líng' lajo. 17 Jo e júu^ quiá'- Dsea` Jmáang~ na e' jneaa~aa' e nica'íng' Fidié~ jneaa~aa' e líi'naa' dsea` i ja` røøng` dsee~ fí' quinir~ la'eáang' e já'- líi'naa' júu^ quiá'r~, jo jo` ee` 'né- jmó'guíi' e jíé'gui, co' lalab fé' fí' ni~ jì quiá'r~: “Jo la'eáang' e já'- líng' jaang` dsea` júu^ quiá'- Fidié~, joba' Fidié~ íñ' i dsea` î e líiñ' jaang` dsea` i ja` røøng` dsee~ fí' quinir~.”

### *Jalém' dsea` jmigüi` óor` dsee~*

18 Jo ninee~ jøø`baa' e Fidié~ i guiing~ fí' ñíí~, íb` i guíng~ quiá'- jalé' e ja` dseeng` cóo~gui jalé' e 'li' e jmóo` dsea`, dsuco' cóo~ jalé' e 'li' e jmóo` jaléng' i dsea` î, jnñiñ' quiá'- jaléng' dsea` rúñ' i iing~ nilicuíi` júu^ sea` contøøng~ quiá'- Fidié~. 19 Co' lajalé' e cuøøng` niliñi' dsea` quiá'- Fidié~, guiáb~ niñi' jaléng' i dsea` î, co' 'ñiab' Fidié~ nicajméer` e nicaliñi' jaléng' dsea` jmigüi` lajalé' e jo. 20 Co'

lajjú'~ lati' mi~ canaang` uuiñ~ jmigüi', lajúi'~ e líng' Fidiéé' e ja' quíi'~ dsea' jmíi~ niliñir', fa' la e 'gøiñ' e sea` lata~ jogui e dseáng'~ júi'~ íbre líiñ' Fidiéé', jo lajalé' e jo cuøøng` niliñi' dsea' la'eáang' cóo'~ jalé' e nicajméer` fí' la'úng~ fí' jmigüi'. Joba' jaléng' i dsea' í ja' cuøøng' fa' e nifé'r' e ja' caliñir' e seeng` Fidiéé'. <sup>21</sup> Jo nañi' fa' niñi'bre e seeng` Fidiéé', dsu' ja' cajmi'gór` dsea` do laco' catúng~, o'gui cacuø'r' dsea` do gui'máang'~ cóo'~ jalé' e guiá' e nicajmée` dsea` do. Dsu' o' lajo, co' lí' lí' í dsír' jmang'~ júu^ e ja' uuing~ seab, jogui nicajniñb~ moguir~ fa' e ni'í' dsír' jalé' e guiá'. <sup>22</sup> Co' fé'r' yaaiñ~ e líiñ' dsea' i tíng' eáang', dsu' o' já' lajo, co' íb' líiñ'. <sup>23</sup> Dsaco' jo' jmiféiñ' Fidiéé' i 'gøng' i seeng` car` ngongíi' jmíi~, jo nicanaaiñ` cajmeáaiñ` diéé~ quiá'r~ cóo'~ guoor` i líng~ la líng' dsea' jmigüi' osi i líng~ la líng' tá' é, osi i líng~ la líng' jó' quiá' tíi' é, osi i líng~ la líng' jaléng' jó' i dsijñúung` uø' é; jo lajaléng' íb' i cajmiféiñ' e lafa' e nijmiféiñ' Fidiéé'.

<sup>24</sup> Jo uíi'~ e jmóo` i dsea` do jalé' e 'li'^ do, joba' Fidiéé' nicatiúum~bre jaléng' í e laco' nijméiñ'~ do jalé' e 'li'^ jo e lí' dsír', co' eám' ga' beáng' dsee~ yaaiñ~ lajee' la'ó' yaaiñ~. <sup>25</sup> Dsu' lafa' e nijmitir~ lajúi'~ e júu^ quiá'~ Fidiéé' e sea` contøøng~, jo lico' jmitir~ lajúi'~ júu^ e o' jáb'~, jogui jmi'gór' jogui jmiféiñ' lajúi'~ e sea' fí' jmigüi' e cajmée` Fidiéé' e lafa' e nijmiféiñ' 'ñia' Fidiéé' i cajmée` jalé' e jo. Co' júi'~ dsea' íb' i catúng~ i nijmiféng' dsea` car` ngongíi' jmíi~. Jo lajob 'né' lí'.

<sup>26</sup> Jo uíi'~ e jmóo` jaléng' i dsea` do lajo, joba' Fidiéé' nicatiúum~breiñ' do e laco' nijméiñ'~ jalé' e 'li'^ e lí' dsíiñ' do e qui'~ tíiñ` jmóor'. Dsaco'

la quie' carti' jaléng' dseamî nicatúbre lajii~ e catíng- jmóor` cóo'~ jaléng' dseañu', jo nicanaaiñ` jmóor` lajo lajee` la'ó' dseamíiñ-. <sup>27</sup> Joguì lajobi cajo cajmée` jaléng' dseañu', nicatúbre lajii~ e catíng- jmóor` cóo'~ jaléng' dseamî, jo nicanaaiñ` e jo` téeiñ- yaaiñ~, co' nijmóor` lajii~ e ja` catíng- nijmér- lajee` la'ó' dseañuiñ'. Jo la'ó' dseañum'bre nijmóor` lajii~ e 'li^ rúíñ', joba' fí ngúu' táam` jaléng' i dsea' la'í iñ' iihuí' e jáa' quíá'- Fidiée` uíi~ e jmóor` jalé' e 'li^ lajo.

<sup>28</sup> Jo co' jo` iing~ guí dsea` fa' e nijmicuíñ` Fidiée`, joba' Fidiée` nicatiúum- bre jaléng' í, jo jo` jnáiñ` quíaiñ'- do e ni'í- dsíiñ' jalé' e 'li^ e já- dsíiñ', jo cóo'~ jalé' e í dsíiñ' do canaang` jmóor` jalé' e ja` dseeng` e ja` catíng- nijmér-. <sup>29</sup> Jo jaléng' i dsea` í jmóor` laji` íing'~ e ja` dseeng` e sea` fí jmigüí, joguì jmóor` laji` íing'~ e lí dsí' ngúu' táaiñ', joguì eáam' jmáiñ' ga` jaléng' dsea` rúíñ', joguì eáam' dsihuíiñ' quíá'- jaléng' dsea` rúíñ', joguì jmóor` ta~ jngang' jaléng' dsea` rúíñ', joguì jmóor` ta` tíng', joguì jmigóoiñ` dsea` rúíñ', joguì contøøm- í dsíir' e ga` quíá'- dsea` rúíñ', joguì jmóor` ta` quie' adsee`, <sup>30</sup> joguì fé'r` júu^ ga` quíá'- jaléng' dsea` rúíñ', joguì 'ní' níim- bre Fidiée`, joguì ja` í' líiñ- cóo'~ jalé' e ga` e jmóor`, joguì fé'r` júu^ róo- uii~ quíá'r- yaaiñ~, joguì eáam' jmiyløng'^ yaaiñ~ jee~ jaléng' dsea` rúíñ', joguì 'nó'r' jial nijmi'uíñ- jalé' e ja` dseeng`, joguì ja` jmóor` náu'r~ lajii~ ta` quíu' dsea` cóøng'~ quíá'r-, <sup>31</sup> joguì ja` iíñ~ e ningáiñ' lí^ doñí ee' e guíá-, o'guì jmitir~ jalé' júu^ e fé'r', joguì ja` 'neáaiñ` jaléng' dsea` rúíñ', joguì ja` tiiñ` iíñ- dsee- quíá'- jaléng' dsea` rúíñ' o'guì fí' líiñ- jíi~ jaang'

dsea` rúññ` cajo. <sup>32</sup> Jo jaléng` i dsea` la'í` ññi'bre guiá- e Fidiéé` ñicacuør` júu` quiá'r- e doñi'` i` dsea` i` jmóo` lajo, dseáng'- 'né- e nijúum-bre. Dsu' ja` ee` lí' e ññir' lajo, dsu' mí' 'noo`bi` jmóor` jalé' e ja` dseeng` lajo, jo` ji`gui` cartí` iáang` dsíi'bre` mí` jmóo` jaléng` dsea` jiéng` e ga` lajo.

## 2

*Fidiéé`bing' i` quidsi'` í' laco'` catñng-` quiá'-` la-jaléng` dsea` jmiçüi'*

<sup>1</sup> Joba' fñ-guñi` 'nú', dsea` rú'naa', i` 'nú' cuø'na' dsee- dsea` rúng'na', ja` e lí' i` líng'na', dsu' mí` jmoo'na' lajo, yaam`ba' cuø'na' dsee- yaang`na' jóng, dsuco' 'nú'` jmoo'na' ga` lí'^ laco' la` jmóo` i` dsea` íb` cajo. <sup>2</sup> Jo ñine`baa' røø` e laco'` catñm-` quidsi'` Fidiéé` í'` quiá'-` lajaléng` dsea` i` jmóo` e ga` lajo. <sup>3</sup> Dsu' 'nú', dsea` cuø'na' dsee- jaléng` dsea` rúng'na', ja` güi'f'` óo'na' fa' e ja` ñiquidsi'` Fidiéé` í'` quíi'`na' laco'` catñng-, co' 'nú', røøb` jmoo'na' cajo laco'` jmóo` jaléng` i` dsea` i` jmóo` e ga` lajo. <sup>4</sup> Jo eáam'` guiúng-` Fidiéé` cõo'` 'nú', jogui` eáam'` féng'` dsír' cajo. Jo` uíi'` e eáam'` guiúññ` do, joba'` ñisijeeiñ` 'nú'` cartí` ñiquí'-` jíing'` yaang`na' fí` quinir`. Dsu' 'nú', ja` iing`na'` jmée'`na'` cuente` jial` tí'` guiúññ` cõo'` 'nú'. <sup>5</sup> Jo co'` jaléng` 'nú'` eáam'` ue'` óo'na'` jogui` ja` iing`na'` fa' e ñiquí'-` jíing'` yaang`na'` fí` quini'` Fidiéé`, joba'` eáam'` ñijmi'mñng'`na'` jalé'` iihuñ` e catñng`na'` mí` ñití-` í' e ñiquidsi'` Fidiéé` í'` laco'` catñng-` quiá'-` lajaang` lajaang` dsea` jmiçüi'. <sup>6</sup> Co'` ie` jmiñ` job` mí` ñiquír-` quiá'-` lajaang` lajaang` dsea` lí'^` jialco'` jii'` e nica'ée` dsea` lajee` e seeiñ` fí` jmiçüi'` la. <sup>7</sup> Jo jaléng` dsea` i` 'no'` jial` e ñifé'` Fidiéé`

guiá- uii~ quiá'r- jogui jial e niñiñ` quiá- dsea` do jalé` e jlo^ e catiñ` jogui jial e niliseeiñ` lata~ uii~ e cuø' dsír' e jmóor` jalé` e guiá-, joba' lajaléng` dsea` i jmóo` lajō, Fidiée` nicuø'-bre jaléng` í e niliseeiñ` cøøng` cōo'r~ lata~. <sup>8</sup> Jo dsu' lajaléng` dsea` i jmóo` lajii~ e lí dsír' yaaiñ` jogui ja` núu'r~ jalé` ta~ huí', co' lí^ lí tí'gui dsír' e jmóor` jalé` e ja` dseeng`, jō uii~ joba' Fidiée` eáam' nisiguíñ^ quiá'- jaléng` í, jō iihuí' e eáam' nicuø'-reiñ'. <sup>9</sup> Joba' jaléng` i dsea` i jmóo` jalé` e ga` lajō, eáam' fi'í` niliñ` cōo'~ jalé` iihuí' e ni'íñ` e jáá quiá'- Fidiée`, jō jee~ jō quiéng` jaléng` dsea` i líng' dsea` Israel jogui dsu' lajobi cajo jaléng` dsea` i ja` líng' dsea` Israel. <sup>10</sup> Dsu' jaléng` i dsea` i jmóo` jmang'- jalé` e guiá-, 'ñiab' Fidiéeb` nicuø'r- jaléng` í jalé` e jlo^ e catiñ`, jogui nifé'r` guiá- uii~ quiáñ'-, jogui nicuø'r- e niliseeiñ` juguiá- contøøng- cajo. Jō jee~ jō quiéng` jaléng` dsea` Israel, jogui dsu' lajobi cajo jaléng` dsea` i ja` líng' dsea` Israel. <sup>11</sup> Co' Fidiée` ja` cár` cuente jial líng' dsea`, co' røøb` lí'naa' lajii- naa' fi' quinir`.

<sup>12</sup> Jō jaléng` dsea` i ée` dsee- e ja` mí calicuír` e júu^ quiu' ta~ quiá'- Moi~, joba' mi~ nití- í' e júuiñ` ja` ni'í- í' quiá'r- la'eáang' cōo'~ e júu^ quiu' ta~ do; jō dsu' jaléng` dsea` i ée` dsee- nañí' fa' nicuí'bre jial fé' e júu^ quiu' ta~ do, joba' mi~ nití- í' e júuiñ-, cōo'~ e júu^ quiu' ta~ dob ni'í- í' quiá'r- laco' catíng-. <sup>13</sup> Co' ja` ni'íng` Fidiée` jaléng` i dsea` i lico' núu' e júu^ quiu' ta~ do e líiñ` dsea` i ja` røøng` dsee- fi' quinir~, dsuco' lajii~ dsea` i jmóo` núu' laco' fé' e júu^ jō, jíi~ í'bing' i ni'íng` Fidiée` e líiñ` dsea` i ja` røøng` dsee- fi' quinir`. <sup>14</sup> Jō jaléng` dsea`

i ja` lúng` dsea` Israel ja` sea` quiá'r- e júu^ quiu' ta` do; dsu' mi~ jmóor` laco' fé' e júu^ quiu' ta` do, jmóor` júi' laco' í dsíir' yaam~bre, joba' lafa' yaam~bre sea` júu^ quiu' ta` quiá'r- jóng. <sup>15</sup> Dsuo' cóo' lajalé' e jmóor` do cuø li~ quiá'r- e dseáng'- fí dsíi'bre sea` jalé' e júu^ quiu' ta` do. Co' cóo' júi' e í dsíir' yaaiñ` do nija' júu^ quiá'- jalé' e jo, jogui cajo cóo' jalé' e í dsíir' do ni'níng- ír' osi nijmi'óng' ír' é. <sup>16</sup> Jo nidsijé' lajalé' e jo lí' laco' cafa'- a na mi~ niguiéé' jmi~ e Fidiéé' ni'ír- í' lí' jialco' ca'í dsíi' dsea` jogui jialco' cajméer' lí' ja` ní dsea` jíéng'. Jo nijmér- lajo la'eáang' cóo' Fí'naa' Dsea` Jmaang- lí' laco' júi' lí' e júu^ e guia' jnea`.

*Jial seeng` dsea` Israel cóo' e júu^ quiu' ta` quiá'r- e cajme' Moi`*

<sup>17</sup> Jo fíi- guíi jaléng' 'nú', dsea` fó'na' e lúng'na' dsea` Israel jogui e teá teáang'na' cóo' júu^ quiu' ta` quiá'- Moi` jogui e jmi'jløng'^ yaang'na' dsu' uíi' e lúng'na' dsea` siguáng' quiá'- Fidiéé'; <sup>18</sup> jogui fó'na' cajo e niñí'bi' lajúi' e iing~ Fidiéé' e nijméé'na', jogui e júu^ quiu' ta` do jmicóo' 'nú' e niguii'na' jnang~ e guíi- e nijméé'na', <sup>19</sup> jogui e dseáng'- nitab~ óo'na' e nilí'ba' nijmicóo'na' jaléng' dsea` i lafa' tiuung- uíi' e ja` já- líiñ` e seeng` jaang` Fidiéé', jogui fó'bi' cajo e lí'bi' nijmicóo'na' jaléng' dsea` i seeng' fí lí' nuu` só' uíi' e eáang' beáng' dsee- yaaiñ'; <sup>20</sup> jogui fó'na' cajo e nitab~ óo'na' e lí'ba' é'na' jaléng' dsea` i ja` lí' gui' jnang' jalé' e guíi- e nijmér-, jogui e tíim'ba' jméé'na' lajo cajo cóo' i dsea` i tá caliñí' e júu^ quiu' ta` quií'na' do, dsuo' e fí ni~ júu^ quiu' ta` do í óo'na' e fí job lí' sea` uing~ e laco'



tíng'na' ngáng'na' jogui e laco' líñí'na' jalé' júu<sup>^</sup> já'-. <sup>21</sup> Joba' fíi' jaléng' 'nú' e 'núb' e'na' jaléng' dsea' jiéng', jo dsu' eáang'gui 'né' e nijmitíng'na' yaang'na'; jogui 'nú' guia'na' júu<sup>^</sup> jee' jaléng' dsea' e ja' dseeng' e jmoo' dsea' ii, jo dsu' cuóøng' 'nú'bi' jmoo'na' ii quiá'- dsea' rúng'na'; <sup>22</sup> jogui fi'na' dsea' e ja' dseeng' e 'léé' dsea' e güiñ' cóo' i o' quiá'r-, jo dsu' cuóøng' 'nú'bi' jmoo'na' jalé' e ja' dseeng' lajo; jogui 'ní' máang'na' jaléng' diéé' i jmáang' dsea' cóo' guóor', dsu' cuóøng' 'nú'bi' jmoo'na' ii jalé' e sea' fí' sinúu<sup>^</sup> guá'- quiá'- jaléng' i diéé' do; <sup>23</sup> jogui eáang' jmijløng<sup>^</sup> yaang'na' quiá'- e júu<sup>^</sup> quiu' ta' quiá'- Moi' do, jo dsu' ja' jmi'goo'na' 'ñia' Fidiéé', co' ja' jmoo'na' núu'na' jalé' e júu<sup>^</sup> quiu' ta' do. <sup>24</sup> Co' e jáb'- e líng' uim'ba' e fé' fí' ní' jì' quiá'- Fidiéé' lala: "Jaléng' dsea' i ja' líng' dsea' Israel gab' fé'r' uii' quiá'- Fidiéé' uii' cóo' jalé' e ga' e jmoo' 'nú', dsea' líng'na' dsea' Israel."

<sup>25</sup> Dsuo' e jáb'-, doñí' ii 'nú' i núu' e júu<sup>^</sup> quiu' ta' quiá'- Moi' do, seab' lí' íng' ta' quií'na' e tóo' lí' fí' ngúu' táang'na' lí' laco' la lítíng'naa', dsea' lí'naa' dsea' Israel. Jo dsu' song ja' núu'na' e júu<sup>^</sup> quiu' ta' do, joba' ja' e ta' íng' quií'na' jóng e tóo' lí' fí' ngúu' táang'na' do. <sup>26</sup> Jo song ii 'nú' ja' mí' cató' lí' fí' ngúu' táang' jo dsu' jmití'ba' lajii' e júu<sup>^</sup> quiu' ta' do, joba' Fidiéé' ím'bre 'nú' jóng lafa' jaang' dsea' i nicató' lí' fí' ngúu' táang', nañí' fa' ja' mí' calí're lajo. <sup>27</sup> Jo i dsea' i ja' tóo' lí' fí' ngúu' táang' dsu' jmití'bre e júu<sup>^</sup> quiu' ta' do, joba' cóo' i dsea' í' cuø' lí' e jaléng' 'nú', dsea' líng'na' dsea' Israel, oo'ba' dsee' fí' quini' Fidiéé'. Co' nañí' fa' nicatób' e lí' do fí' ngúu' táang'na' jogui e seab' quií'na' e júu<sup>^</sup>

quiá' ta~ do, dsu' ja` jmití'na' laco' fé' e júu^ jo.

<sup>28</sup> Dsuo' e jáb'~, lajob líí, júi'~ jaang` dsea` líiñ` dseáng'~ dsea` Israel dsu' uíi'~ e jmóor` júi'~ e quí'~ tíng` dsea` áang' quiá'r~ fa' e tóor' lí~ fí' ngúu' táaiñ`. <sup>29</sup> Dsuo' i dsea` i dseáng'~ já'~ líng' dsea` Israel, fí' dsí'bre lí~ líiñ` lajo, jogui e quí'~ tíiñ` e jmóor' lí~ fí' ngúu' táaiñ` do, o' fí' jo lí~ 'né~ jmér~ lajo, co' lafa' fí' dsí'bre lí~ nitóo` e lí~ do lana, co' dsea` quiá'~ Dsea` Jmáang~ nilíiñ', jo Jmiguí quiá'~ Fidiéeb` dsea` jmóo` lajo, jo o' júu^ quiá' ta~ quiá'~ Moi e jmóo` lajo. Jo i dsea` i líng' lajo, Fidiéeb'ing' i fé' guiá'~ uii~ quiá'r~ jo o' dsea` jmigüi i fé' lajo.

### 3

<sup>1</sup> Joba' ¿su guiá'~ gui e lí'naa' dsea` Israel, jogui su e quíng'gui quí'~ii' e tóo' lí~ fí' ngúu' táang'naa' lí' laco' quí'~ tí'naa'? <sup>2</sup> E jáb'~, lajob líí, co' jmiguiab' uiiñg~ sea` e guiá'~ e lí'naa' dsea` Israel, jo e laba' e niing~gui e jneaa'bing' i nicangíng` júu^ quiá'~ Fidiéeb'. <sup>3</sup> Jo dsu' e jáb'~, i líng'~ la'ó' dsea` góo'naa' dsea` Israel nicatú'bre e já'~ líiñ` júu^ quiá'~ Fidiéeb'. Dsu' Fidiéeb' contøom~ jmitir~ júu^ quiá'r~ nañí fa' i líng'~ dsea` góo'naa' ja` cajméer` já'~ líiñ` e júu^ jo. <sup>4</sup> Co' e jáb'~, contøom~ fé' Fidiéeb' júu^ já'~, nañí fa' dsea` jmigüi contøom~ quier' júu^ ta~ júu^ . Co' lalab fé' fí' ni~ jì quiá'~ Fidiéeb' lí~ fé' cuaiñ` quiá'r~: Jo mí~ núu` dsea` júu^ quí'~

conguiab' líiñ' e jmang'~ júu^ já'~ba' fó' 'nu', jo contøom~ lí' mí~ cuø' dsea` 'nu' dsee~. Jo lanab fé' fí' ni~ jì quiá'~ Fidiéeb'.

<sup>5</sup> Jo dsu' song jalé' e ga` e jmoo~naa' íng` ta~ e laco' eáang'gui nilíli' dsea` jialco' jmóo` Fidiéeb' jmang'~ jalé' e guiá'~, joba' ¿e~ nife'ee' jóng? ¿Su e

gab`jmóo` Fidiée` mi~ cuør' iihuí' uí'~ jalé' e ga` e jmoo`naa' do? (Dsú' fá'~a e júu^ la lí'^ lacó' la fé' doñí' ii` dsea` jmigüí'.) <sup>6</sup> Dsú' Fidiée` júi'~ cõõ` e ga` jmóor`. Co' facó' ja` cuør' iihuí' mi~ jmóo` dsea` e ga`, joba' çjial lí'r` e ni'ír` í' røø` quiá'~ lajaléng' dsea` jmigüí'? <sup>7</sup> Jo seem` dsea` i fé' e cóõ'~ jalé' júu^ e o' já'~ e fé'r`, eáang'gui nililí'^ dsea` jial fé' Fidiée` jmang'~ júu^ já'~, jo lajoba' nijmi'gó` dsea` ír`. Jo song lajob líí, joba' çjiali' ngíng` i dsea` í` dsee` e lííiñ` jaang` dsea` dsee` dsea` qui'? <sup>8</sup> Jo song lajob líí cajo, joba' cuøøng` fe`ee' jóng, çjiali' ja` jmóo'oo' e ga` e lacó' ni'uíng` jmang'~ e guiá'~? Jo lanab fé' i líing` dsea` e cuør' jnea` dsee~, co' fé'r` e e júu^ lanaba' ée` jnea` dsea` rún'n, jo dsú' dseáng'~ o' lajo. Jo jaléng' i dsea` i fé' ga` lajo lí' catíiñ` e ni'íñ' lajúi'~ iihuí' quiá'~ jalé' e ga` e jmóor` do.

*Jalém' dsea` røøiñ` dsee`*

<sup>9</sup> Joba' çsu jneaa`aa', dsea` líí'naa' dsea` Israel, guiúng` guí' fí' quini` Fidiée` lacó'gui i dsea` i ja` líng' lajo? ¡U~, dseáng'~ o' lajo! Dsúco' nicafí' baa 'nú' e lajalém' dsea` i líng' dsea` Israel jogui lajalém' dsea` i ja` líng' lajo dseáng'~ røøb` lííiñ', co' jalé' dsee` quiá'~ bre silí'~ ír'. <sup>10</sup> Co' lalab fé' fí' ni` jì' quiá'~ Fidiée`:

¡Ja` seeng` júi'~ jaang` dsea` fa' e éer` røø` contøøng`! ¡Co' dseáng'~ júi'~ jaang` dseáng'~ ja` ii` seeng` i jmóo` lajo!

<sup>11</sup> Jogui ja` seeng` dsea` i quí'~ jmíi` ningáng', o'gui i iing` ni'náng' Fidiée` cajo.

<sup>12</sup> Co' lajím` dsea` nicacár` fí' ga`, jogui lajím` cajo ja` ee` uíng` sea` quiá'r` júi'~ cõõ`.

¡Cò' ja` seeng` jaang` dsea` fa' i` ée` røø`!  
 ¡Cò' dseáng'~ jíi'~ jaang` dseáng'~ ja` ii` seeng` i` jmóo`  
 lajò!

13 Jò jalé' júu` e fé'r`, j mang'~ júu` lib'` líí'.

Jò eáam' jmigóøiñ` dsea` rúíñ'` còo'~ jalé' e fé'r`.

Jò jalé' e júu` jò eáam' `léé',  
 lí'` laco' líí' e nó` quiá'~ jaang` mi'` i` guíng`~.

14 Jò lajalé' e fé'r` do j mang'~ júu` guíib`~,  
 jò còo'~ jalé' e jò eáam' bíiñ`~ jaléng'` dsea` rúíñ'`.

15 Jò contøøng` guíng`~ dsíir' e nijngáiñ'~ dsea`  
 rúíñ'`.

16 Jò lajíi'~ fí' teáaiñ'~ dseáng'~ j mang'~ lajíi'~ e  
 `lé'~ bre dseáng'~.

Jò cuør' iihuú' jaléng'` dsea` rúíñ'`.

17 Jò dseáng'~ jíi'~ capí'` ja` ñir' jial dseáng'~ e seeiñ`  
 juguiá'~ còo'~ Fidiéé`.

18 Jogui dseáng'~ jíi'~ capí'` ja` ñir' e `né` e nijmi'gór`  
 Fidiéé`.

Jò lanab líí' júu` quiá'~ Fidiéé`.

19 Jò nine`baa' røø` e lajalé' e júu` quiu' ta` e  
 cajme' Moi` jaléng'` dsea` Israelbing' catíng`~ ni-  
 jmiti`~ jò lajòba' jíi'~ jaang` dsea` jmigüi` cuøøng` fa'  
 nijíñ'~ e ja` røøiñ` dsee` fí' quini` Fidiéé`~ cò' dsea`  
 í'bing' i` íí' í' laco' catíng`~ quiá'~ lajaléng'` dsea`  
 jmigüi`. 20 Cò' Fidiéé` ja` ni'íñ'` jíi'~ jaang` dsea` e  
 líiñ'` jaang` dsea` i` ja` røøng` dsee` fí' quinir` dsu'  
 uíi'~ e jmitir` e júu` quiu' ta` do. Dsucò' jíi'~ lí' íng`  
 ta` e júu` quiu' ta` do e lico' line`naa' e líí'naa' dsea`  
 røøng` dseeb`~.

*Jial íng'` Fidiéé` jneaa`aa' la'eáang' e já'~ líí'naa'  
 júu` quiá'~*

21 Jo dsu' lana Fidiée' nicacuø'r' jneaa~aa' e nine~naa' jial e íñ' jneaa~aa' e lí'naa' dsea` i ja røøng` dsee- fí' quinir'. Jo jmóor` lajo dsu' o' uíi' e jmití'naa' júu^ quiu' ta~ e cajme' Moi'. Jo røøb` cøøng` e júu^ na laco'gui e fé' e fí' ni~ e júu^ quiu' ta~ do jogui laco' e café' jaléng' dsea` i café' cuaiñ` quiá' Fidiée' mali~gui eáang'. 22 Jo røøb` íng' Fidiée' lajaléng' dsea` jmigüi' e liiñ' dsea` i ja røøng` dsee- fí' quinir' la'eáang' e já' líiñ' júu^ quiá' Dsea` Jmáang-. 23 Co' lajim` dsea` jmigüi' nica'éer` dsee-, jo uíi' e joba' ja' catíiñ- e nitíiñ~ e niliseeiñ` cøo' Fidiée' fí' lí' niing- 'gøng' dsea` do. 24 Dsu' uíi' e Fidiée' eám' 'neáaiñ` jneaa~aa' e jii' ja' catíi~naa' lajo, joba' calíñ' jneaa~aa' e lí'naa' dsea` i ja røøng` dsee- fí' quinir'. Jo cajméer` lajo la'eáang' e nicaleáang` Dsea` Jmáang- jneaa~aa' jee~ jalé' dsee- quí-ii' ie~ lamí~ cajúíñ- fí' dse' crúu^. 25 Jo Fidiée' cacuøøiñ` Dsea` Jmáang- e laco' cajúng- dsea` do fí' dse' crúu^. Jo la'eáang' cøo' e jmi'øøng- Dsea` Jmáang- e catuu' fí' jo, calíiñ- dsee- quiá' dsea`. Jo Fidiée' cacuøøiñ` dsea` do e laco' cuø' lí' e contøøm- jmóor` jmang'- e guiá- jogui e eám' féng' dsíir' cajo, dsuco' ja' iu~ dsíir' jalé' dsee- e ca'ée' dsea' lamí~ jéeng'gui. 26 Jo cajméer` lajo e laco' niliñí' dsea' jmi~ na e ím'bre dsea' e líiñ' dsea` i ja røøng` dsee- fí' quinir'. Jo e na cuø' lí' e jii' íb' dsea` i jmóo' jmang'- jalé' e guiá-, jogui jii' íb' cajo i íng' doñí' ii' dsea` i já' líng' júu^ quiá' Dsea` Jmáang- e líiñ' dsea` i ja røøng` dsee- fí' quinir'.

27 Jo lana jii' coo` fa' e nijmijløng'^ yee~naa' fí' quini' Fidiée' e í' dsí'naa' e ni'íñ' jneaa~aa' dsu' uíi' e jmití'naa' e júu^ quiu' ta~ do, co' ni'ím'bre

jneaãaa' dsu' uí' e já' lí'naa' júu^ quiá' Dsea` Jmáang-. <sup>28</sup> Jo lanaba' nicaline`naa' røø e Fidiéé` ni'ím'bre dsea` e liiñ' dsea` i ja` røøng` dsee- fí' quinir` dsu' uí' e já' líiñ' júu^ quiá' Dsea` Jmáang-, dsu' o' uí' e jmitir` e júu^ quiá' ta` do. <sup>29</sup> Dsu' Fidiéé` ja` liiñ' jí' Fidiéé` quiá' dsea` Israel, co' lím'bre cajo Fidiéé` quiá' lajaléng' dsea` jmígüf. <sup>30</sup> Co' dseáng'- jaam` Fidiéé` dseáng'- i seeng`, jo jí' í'bing' i íng' dsea` i já' líng' júu^ quiá' Dsea` Jmáang- e liiñ' dsea` ja` røøng` dsee- fí' quinir`, nañ' su liiñ' do dsea` Israel osi ja` liiñ' lajo é. <sup>31</sup> Jo dsu' uí' e já' lí'naa' júu^ quiá' Dsea` Jmáang-, joba' dseáng'- ja` cuøøng` fa' e ni'náng` ca' lají' e fé' e fí' ni` júu^ quiá' ta` do. Co' lí' lí' jmi'goo`bñ' jial tí' niing- e fé' e júu` jo.

## 4

*Jo lí' laco' cajméé' 'lí' yúu' Abraham, lajob 'né' jmó'oo'*

<sup>1</sup> Jo lana, dsea` rú'naa', nisí'naa' capí'^ cuaiñ` quiá' e` calí' cóo' 'lí' yúu' quí-ii' Abraham. <sup>2</sup> Cofa' mi` ca'íng' Fidiéé` 'lí' yúu' Abraham e liiñ' do jaang` dsea` i ja` røøng` dsee- fí' quinir` dsu' uí' jalé' e guiá' e ca'éeiñ', joba' seab` cuøøng` lí' jmi'jlong' 'ñia'r' jóng, dsu' o' fí' quini` Fidiéé` faco' lajo. <sup>3</sup> Dsuco' lalab fé' fí' ni` jí' quiá' Fidiéé': "Jo 'lí' yúu' Abraham jáb'- calíñ' júu^ quiá' Fidiéé`, joba' Fidiéé` ca'íñ' dsea` do e liiñ' do jaang` dsea` i ja` røøng` dsee- fí' quinir`."

<sup>4</sup> Jo lajob lí', fa' jaang` dsea` jmóor` ta~, joba' e 'léeiñ' do ja` ngúíñ' lí' ta~ ngúíñ', co' quiá' lají' ta~ e jmóo`bre quiá' e joba' ngúíñ'. <sup>5</sup> Jo dsu'

fa' jaang` dsea` já'- líiñ` júu` quiá'- Fidiée`, joba' Fidiée` ím`bre dsea` do e líiñ` do jaang` dsea` ì ja` røøng` dsee- fí` quinir` nañí' fa' ja` mí` cajméeiñ` do jíí~ cōō` e guiú~. <sup>6</sup> Co' caféb` dseata~ dsea` féng' Daví'^ ie~ malíi~gui do quiá'- jial tíí` juguiú~ quiá'- lí'^ doñí' ìi~ dsea` mí~ jo` íi~ dsíí' Fidiée` cōō~ lajalé` e nicajméer` lamí~ jéeng` gui, jōgui e nica'íng` neiñ' e líiñ` do jaang` dsea` ì ja` røøng` dsee- fí` quinir`. <sup>7</sup> Jo lalab cajíng'- ì dseata~ do ie~ malíi~gui do:

jō eáam` juguiú~ quiá'- jaléng` dsea`  
 mí~ Fidiée` nica'íiñ` dsee- quiá'- lajalé` e ga` e  
 nicajméeiñ`,  
 jōgui e nica'leáang` neiñ' jee~ jalé` dsee-  
 quiáiñ'!

<sup>8</sup> Jo eáam` juguiú~ quiá'- jaléng` dsea`  
 ì jo` íi~ dsíí' Fí`naa' Fidiée` jalé` dsee- e  
 nica'éeiñ`.

Jo lanab jíí~ líí` júu` quiá'- dseata~ dsea` féng' Daví'^.

<sup>9</sup> Jo e juguiú~ na ja` catíng- jíí~ dsea` Israel ì quií'- tíng` tōō' lí~ fí` ngúu' táang`, co' catíim- cajo jaléng` dsea` ì ja` líng` dsea` Israel dsea` ì ja` quií'- tíng` lajō. Co' lí'^ laco' la nicasíi'~naa' 'nú' e Fidiée` ca'ím`bre 'líi~ yáa~ Abraham e líiñ` do jaang` dsea` ì ja` røøng` dsee- fí` quinir` dsu' uíi~ e já'- calíng- dsea` do júu` quiá'- Fidiée`, <sup>10</sup> jō ¿lí~ ca'íng` Fidiée` ì 'líi~ yáa~ Abraham do e líiñ` do lajō? ¿Su nú'-gui e catō- lí~ fí` ngúu' táaiñ` osi mí~ cangî jō é? Mól'^ nú'-gui e catō- lí~ fí` ngúu' táam`bre ca'íng` Fidiée` ír` e líiñ` do jaang` dsea` ì ja` røøng` dsee- fí` quinir`. <sup>11</sup> Jo mí~ cangî e ca'íng` Fidiée` ì 'líi~ yáa~ do, jōguiba' catō- lí~ fí` ngúu' táaiñ` do e laco' cuø' lí~ e nica'ím` Fidiée` ír` e líiñ` jaang` dsea` ì ja` røøng` dsee- fí`

quinir<sup>v</sup> dsu<sup>l</sup> uí<sup>l</sup> e ja<sup>l</sup>- calíñ<sup>l</sup>- do júu<sup>^</sup> quiá<sup>l</sup>- Fidié<sup>v</sup>. Jo uí<sup>l</sup> e joba<sup>l</sup> i<sup>l</sup> 'lii<sup>~</sup> yáuu<sup>l</sup> Abraham do ca<sup>l</sup>uúíñ<sup>l</sup>- lafa<sup>l</sup> tiquiá<sup>^</sup> jaléng<sup>l</sup> dsea<sup>l</sup> i<sup>l</sup> ja<sup>l</sup>- líng<sup>l</sup> júu<sup>^</sup> quiá<sup>l</sup>- Fidié<sup>v</sup>. Co<sup>l</sup> Fidié<sup>v</sup> bing<sup>l</sup> i<sup>l</sup> íng<sup>l</sup> dsea<sup>l</sup> i<sup>l</sup> ja<sup>l</sup>- líng<sup>l</sup> júu<sup>^</sup> quiá<sup>r</sup>- e laco<sup>l</sup> nilíñ<sup>l</sup>- do dsea<sup>l</sup> i<sup>l</sup> ja<sup>l</sup> røøng<sup>l</sup> dsee<sup>-</sup> fí<sup>l</sup> quinir<sup>v</sup>, jo ja<sup>l</sup> ee<sup>l</sup> lí<sup>l</sup> fa<sup>l</sup> ja<sup>l</sup> mí<sup>l</sup> cató<sup>-</sup> lí<sup>l</sup> fí<sup>l</sup> ngúu<sup>l</sup> táaiñ<sup>l</sup> do. <sup>12</sup> Jo gui<sup>l</sup> i<sup>l</sup> 'lii<sup>~</sup> yáuu<sup>l</sup> Abraham do lám<sup>l</sup>bre cajo lafa<sup>l</sup> tiquiá<sup>^</sup> jaléng<sup>l</sup> dsea<sup>l</sup> Israel i<sup>l</sup> nicató<sup>-</sup> lí<sup>l</sup> fí<sup>l</sup> ngúu<sup>l</sup> táang<sup>l</sup>. Jo i<sup>l</sup> 'lii<sup>~</sup> yáuu<sup>l</sup> do líiñ<sup>l</sup> lafa<sup>l</sup> tiquiá<sup>^</sup> jaléng<sup>l</sup> í<sup>l</sup> dsu<sup>l</sup> o<sup>l</sup> uí<sup>l</sup> e nicató<sup>-</sup> lí<sup>l</sup> fí<sup>l</sup> ngúu<sup>l</sup> táaiñ<sup>l</sup> do; co<sup>l</sup> 'né<sup>-</sup> e nijmiti<sup>l</sup> biñ<sup>l</sup> do cajo lí<sup>l</sup> laco<sup>l</sup> cajmée<sup>l</sup> i<sup>l</sup> 'lii<sup>~</sup> yáuu<sup>l</sup> Abraham do ie<sup>l</sup> lamí<sup>l</sup> ja<sup>l</sup>- calíñ<sup>l</sup>- júu<sup>^</sup> quiá<sup>l</sup>- Fidié<sup>v</sup> lajee<sup>v</sup> e nú<sup>l</sup>- gui e cató<sup>-</sup> lí<sup>l</sup> fí<sup>l</sup> ngúu<sup>l</sup> táaiñ<sup>l</sup>.

*Mí<sup>l</sup> cacuø<sup>l</sup> Fidié<sup>v</sup> júu<sup>^</sup> quiá<sup>r</sup>- 'lii<sup>~</sup> yáuu<sup>l</sup> Abraham*

<sup>13</sup> Jo ie<sup>l</sup> malí<sup>l</sup> gui do Fidié<sup>v</sup> cacuø<sup>r</sup> júu<sup>^</sup> 'lii<sup>~</sup> yáuu<sup>l</sup> Abraham có<sup>l</sup> gui jaléng<sup>l</sup> dsea<sup>l</sup> sijur<sup>v</sup> e niñíim<sup>l</sup> biñ<sup>l</sup> do lajalé<sup>l</sup> e sea<sup>l</sup> fí<sup>l</sup> jmígüí<sup>l</sup>. Jo e júu<sup>^</sup> la caliti<sup>l</sup> dsu<sup>l</sup> o<sup>l</sup> uí<sup>l</sup> e 'lii<sup>~</sup> yáuu<sup>l</sup> Abraham cajmээр<sup>l</sup> náuu<sup>r</sup> e júu<sup>^</sup> quiu<sup>l</sup> ta<sup>l</sup> e cajme<sup>l</sup> Moi<sup>l</sup>. Co<sup>l</sup> calí<sup>l</sup> lajo la'eáang<sup>l</sup> e jáb<sup>l</sup>- calíng<sup>-</sup> i<sup>l</sup> 'lii<sup>~</sup> yáuu<sup>l</sup> do júu<sup>^</sup> quiá<sup>l</sup>- Fidié<sup>v</sup>, jo uí<sup>l</sup> e joba<sup>l</sup> e calíng<sup>l</sup> dsea<sup>l</sup> do ír<sup>l</sup> e líiñ<sup>l</sup> jaang<sup>l</sup> dsea<sup>l</sup> i<sup>l</sup> ja<sup>l</sup> dsee<sup>-</sup> røøng<sup>l</sup> fí<sup>l</sup> quinir<sup>v</sup>. <sup>14</sup> Jo song lajii<sup>l</sup> dsea<sup>l</sup> i<sup>l</sup> jmiti<sup>l</sup> e júu<sup>^</sup> quiu<sup>l</sup> ta<sup>l</sup> do ni<sup>l</sup> íñ<sup>l</sup> lajalé<sup>l</sup> e sea<sup>l</sup> fí<sup>l</sup> jmígüí<sup>l</sup>, joba<sup>l</sup> cuøøng<sup>l</sup> fe<sup>l</sup> ee<sup>l</sup> jóng e ja<sup>l</sup> ee<sup>l</sup> ta<sup>l</sup> íng<sup>^</sup> e ja<sup>l</sup>- líng<sup>l</sup> dsea<sup>l</sup> júu<sup>^</sup> quiá<sup>l</sup>- Fidié<sup>v</sup>, jogui e júu<sup>^</sup> e cacuø<sup>l</sup> Fidié<sup>v</sup> lamí<sup>l</sup> jéeng<sup>l</sup> gui do ja<sup>l</sup> ee<sup>l</sup> quíng<sup>l</sup> cajo. <sup>15</sup> Co<sup>l</sup> song ja<sup>l</sup> jmiti<sup>l</sup> dsea<sup>l</sup> dseáng<sup>l</sup>- røø e júu<sup>^</sup> quiu<sup>l</sup> ta<sup>l</sup> do, joba<sup>l</sup> iihu<sup>l</sup> íñ<sup>l</sup> quiá<sup>l</sup>- Fidié<sup>v</sup> jóng. Jo dsu<sup>l</sup> lí<sup>l</sup> ja<sup>l</sup> sea<sup>l</sup> e júu<sup>^</sup> quiu<sup>l</sup> ta<sup>l</sup> do, joba<sup>l</sup> ja<sup>l</sup> ee<sup>l</sup> cuøøng<sup>l</sup> lí<sup>l</sup> 'lé<sup>-</sup> dsea<sup>l</sup> có<sup>l</sup> e jo.

<sup>16</sup> Jo Fidié<sup>v</sup> cacuø<sup>r</sup> 'lii<sup>~</sup> yáuu<sup>l</sup> Abraham júu<sup>^</sup> quiá<sup>r</sup> uí<sup>l</sup> e ja<sup>l</sup>- calíng<sup>-</sup> i<sup>l</sup> 'lii<sup>~</sup> yáuu<sup>l</sup> do júu<sup>^</sup> quiá<sup>l</sup>-



dsea` do. Jo cajmée` Fidiée` lajo e laco` jaléng` dsea` i líng` siju` 'lii` yúu` Abraham nita` dsír` e dseáng`-nijmitib` Fidiée` e júu` jo la'eáang` e eáang` 'neáaiñ` jaléng` i dsea` í` e júi` ja` catíiñ`- do lajo. Jo lí` laco` cuøøng` fe`ee` e júu` na, e jalé` e jing`- Fidiée` e nicuø`r`- jaléng` dsea`, dsu` o` júi` dsea` i catíng` e júu` quiu` ta` do i nicuø`r`- jalé` e jo, co` nicuø`-bre cajo jaléng` i dsea` i já`- líng` júu` quiá`r` lí` laco` cajmée` i 'lii` yúu` Abraham do. Jo lajoba` i 'lii` yúu` do ca'uiiñ` lafa` tiquiá`^ jaléng` jneaa`aa`, dsea` i já`- lí`naa` júu` quiá`- Fidiée`. <sup>17</sup> Jo lí` laco` la fé` Fidiée` fí` ní` jì` quiá`r` lí` fé`r` lala cuaiñ` quiá`- 'lii` yúu` Abraham: “Nicajmé` e e nilín`- lafa` tiquiá`^ i fíng` 'lé` dsea` jmigüí.” Jo lanab fé` Fidiée` fí` ní` jì` quiá`r`. Jo e júu` la calitib`, co` 'ñiab` Fidiée` dsea` cacuø`. Jogui jáb`- calíng` Abraham e júu` e cangíiñ` quiá`- dsea` do. Jo júi` Fidiée` bing` i quí` jmí` e nijmijí`r` jaléng` 'lii` jogui e nijmér` e nilisea` doñí` ee` e ja` mí` sea` fí` jmigüí`.

<sup>18</sup> Jo lajee` e nidseáam` eáang` i 'lii` yúu` Abraham do, jogui jo` quí`r` jmí` fa` e niliseeng` jóor` co` eám` niyúu`r`, jo dsu` jáb`- caliñ`- do júu` quiá`- Fidiée` e quiá`- niliseem` jóor` nañí` fa` ja` quí`r` jmí` lajo. Jo dsu` lajob calí`, jo “ca'uiiñ` lafa` tiquiá`^ i fíng` 'lé` dsea` jmigüí” lí` laco`gui la nicas`- Fidiée` ír` lami` jéeng`gui ie` lami` cajíng`- dsea` do lala: “Lanab niliseeng` fíng` dsea` sijú`^.” <sup>19</sup> Jo dseáng`- ja` calitúm`- dsíí` 'lii` yúu` Abraham e já`- líiñ` júu` quiá`- Fidiée`, nañí` fa` ie` jo níngoor` jie` ja` cien` jii`, jogui nilí`-bre cóo`- dseam` quiá`r` i sii` Sara do e tí` lí` nijúum`-bre. Jo lajì` gám`-bre ie` jo eám` nidseáaiñ`, joba` jo` quí`r` guir` jmí` fa`

e niliseeng` jóor'. <sup>20</sup> Jo ì 'lii~ yúu~ Abraham do dseáng'- jáb'- calíñ- jógui dseáng'- calitab~ dsíir' e dseáng'- nijmitib~ Fidié~ lajii~ júu^ e cacuø'r' dsea` do, jo eáang'gui já'- calíñ- jógui cajmita~gui dsíir' e dseáng'- nijmitib~ Fidié~ lajii~ e nicajíñ'- lamí~ jéeng'gui do. Jo uí!~ joba' eáam' cajmiféiñ' Fidié~, <sup>21</sup> cõ' dseáng'- nitab~ dsíir' e dseáng'- quíib~ dsea` do jmí~ e nijmitir~ lajii~ júu^ e nicacuø'r' lamí~ jéeng'gui. <sup>22</sup> Jo uí!~ e já'- calíñ'- do e júu^ jo, joba' ca'íng' Fidié~ ír' e liiñ' do jaang` dsea` ì ja` røøng` dsee- fí' quinir~. <sup>23</sup> Jo e ca'íng' Fidié~ ì 'lii~ yúu~ Abraham do e liiñ' do jaang` dsea` ì ja` røøng` dsee- fí' quinir~ o' jii~ quiá'- 'lii~ yúu~ í dseáng'- fé' e júu^ na, <sup>24</sup> dsuco' catím- jneaa~aa' e júu^ na cajo. Cõ' ím' Fidié~ jneaa~aa' e líí'naa' dsea` ì ja` røøng` dsee- fí' quinir~ dsu' uí!~ e já'- líí'naa' júu^ quiá'r-. Jo jáb'- líí'naa' cajo e Fidié~bing' ì cajmijí'tu Fí'naa' Dsea` Jmáang- <sup>25</sup> mí~ cangf' e cacuøøiñ` dsea` do e cajúíñ'- fí' dse' crúu^ uí!~ jalé' dsee- quí-ii'. Jo mí~ cangf' jo, cajmijí'tur Dsea` Jmáang- e laco' la'eáang' í cajméer` cóo!~ jneaa~aa' e nilíí'naa' dsea` ì ja` røøng` dsee- fí' quinir~.

## 5

*Jial íng' Fidié~ dsea` e liiñ' dsea` ì ja` røøng` dsee- fí' quinir~*

<sup>1</sup> Jo lana Fidié~ nica'íñ' jneaa~aa' e líí'naa' dsea` ì ja` røøng` dsee- fí' quinir~ dsu' uí!~ e nijá'- líí'naa' júu^ quiá'r-. Jo cõ' lajob nilíí'naa', joba' juguíú- júu^ røø` nisee~naa' lana cóo!~ Fidié~ la'eáang' cóo!~ jalé' e nicajmée' Fí'naa' Dsea` Jmáang- cóo!~ jneaa~aa'. <sup>2</sup> Jo la'eáang' cóo!~ Dsea` Jmáam~ba' e

nisee<sup>-</sup>naa' lajō cōo'~ Fidiée<sup>~</sup>. Jō nicang<sup>h</sup>ng<sup>-</sup>naa' e jō uí'~ e já' l<sup>h</sup>naa' júu<sup>^</sup> quiá'r<sup>-</sup>. Jō lajōb nisee<sup>-</sup>naa' lana, jogui eáam' iáang` dsì'naa', cō' nitab<sup>~</sup> dsì'naa' e dseáng'~ niliseem<sup>-</sup>baa' cøøng` cōo'~ Fidiée<sup>~</sup> fí' l<sup>h</sup> niing<sup>-</sup> 'gøiñ' m<sup>~</sup> nití<sup>-</sup> e í' jō. <sup>3</sup> Jogui o' quiá'~ jí'~ e na e jmi'iaang` dsì'naa', cō' lajōb cajo jmi'iaam` dsì'naa' cōo'~ jalé' e hu<sup>h</sup>ng' e dsijée' quí'~ii'. Cō' n<sup>h</sup>ne<sup>~</sup>baa' guiá<sup>-</sup> e m<sup>~</sup> ning<sup>h</sup> e dsing<sup>h</sup>ng<sup>-</sup>naa' jalé' e jō, jōba' eáang'gui b niliféng' dsì'naa' cōo'~ doñí' ee' e nid-sijée' quí'~ii' jóng. <sup>4</sup> Jō m<sup>~</sup> jmoo<sup>-</sup>naa' e féng' dsì'naa' cōo'~ jalé' e dsing<sup>h</sup>ng<sup>-</sup>naa' do, jōba' guiáb<sup>-</sup> fé' Fidiée<sup>~</sup> uii<sup>~</sup> quí'~ii' jóng. Jō m<sup>~</sup> jmoo` Fidiée<sup>~</sup> lajō cōo'~ jneaa<sup>~</sup>aa', jōba' eáang'gui lita<sup>~</sup> dsì'naa' e niliseem<sup>-</sup>baa' cøøng` cōo'~ Fidiée<sup>~</sup> fí' l<sup>h</sup> niing<sup>-</sup> 'gøiñ'. <sup>5</sup> Jō e nita<sup>~</sup> dsì'naa' na dseáng'~ nilitib<sup>~</sup>, cō' la'eáang' cōo'~ Jmiguí' quiá'r<sup>-</sup> e nicacuø'r' jneaa<sup>~</sup>aa' e nicaline<sup>~</sup>naa' jial tí' e ja' cøøng` cōo'~ e 'neáaiñ` jneaa<sup>~</sup>aa' do.

<sup>6</sup> Jō dsu' lajee<sup>~</sup> e ja' quí'~guí' jmi<sup>h</sup>~ fa' e nilaang<sup>-</sup> yee<sup>~</sup>naa' jee<sup>~</sup> jalé' dsee<sup>-</sup> quí'~ii', jō dsu' lajee<sup>~</sup> jōb m<sup>~</sup> catí' í' e cagüéng<sup>-</sup> Dsea` Jmáang<sup>-</sup> fí' jmigüí' la e laco' cajáng' 'ñia'r' e cajúíñ<sup>-</sup> cuaiñ<sup>~</sup> quí'~ii', dsea` lí'naa' dsea` dsee<sup>-</sup> dsea` quí'. <sup>7</sup> Dsu' hu<sup>h</sup>m' eáang' nicuøng<sup>-</sup> 'ñia' jaang` dsea` e nijúuiñ<sup>-</sup> uii<sup>~</sup> quiá'~ jaang` dsea` i ée` røø, jō dsu' cōo` jangám<sup>-</sup> seeng` jaang` dsea` i nicuøng<sup>-</sup> 'ñia' e nijúuiñ<sup>-</sup> cuaiñ<sup>~</sup> quiá'~ jaang`gui dsea` i dseáng'~ lajang'~ guiúng<sup>-</sup>. <sup>8</sup> Jō dsu' lajee<sup>~</sup> e lí'naa' dsea` dsee<sup>-</sup> dsea` quí', Fidiée<sup>~</sup> ca'e'r' jneaa<sup>~</sup>aa' jial tí' ja' cøøng` cōo'~ e 'neáaiñ` jneaa<sup>~</sup>aa', cō' casíiñ` Dsea` Jmáang<sup>-</sup> e laco' dsea` do cajúíñ<sup>-</sup> uí'~ dsee<sup>-</sup> quí'~ii'. <sup>9</sup> Jō lana nica'ím' Fidiée<sup>~</sup> jneaa<sup>~</sup>aa' e nilí'naa' dsea` i ja' røøng` dsee<sup>-</sup>

fi' quinir' la'eáang' cóo' e jmi'øøng' Fíi'naa' Dsea' Jmáang'. Jo có' lajob cajméer' cóo' jneaa'aa', joba' lana eáang'guib nita' dsi'naa' e Dsea' Jmáam'bing' i nileáang' jneaa'aa' jee' jalé' iihuí' e nilisea' mi' tí lí' ni'í' Fidiée' í' quiá' lajaléng' dsea' jmigüi'. <sup>10</sup> Jo lajee' e ja' see'naa' røø' cóo' Fidiée' jogui e 'ní' máang'naa're, jo lajee' job cajméer' e caliséng'naa' juguiá' júu' røø' cóo'r' la'eáang' e cajúng' Joor' Dsea' Jmáang' fi' dse' crúu'. Jo có' lajob cajméer' cóo' jneaa'aa', joba' lana eáang'guib nita' dsi'naa' e dseáang' nileám'baa' jee' jalé' dsee' quí'ii' la'eáang' e cají'tu Dsea' Jmáang' mi' cangí' e cajúñ'. <sup>11</sup> Jo o' jí' quiá' e na e jmi'iaang' dsi'naa', có' lajob jmi'iaang' dsi'naa' cajo cóo' lajalé' e nicajméé' Fidiée' cóo' jneaa'aa' la'eáang' cóo' Fíi'naa' Dsea' Jmáang'; dsuco' la'eáang' dsea' dob e nisee'naa' lana juguiá' júu' røø' cøøng' cóo' Fidiée'.

### *Mi' canaang' e sea' dsee' fi' jmigüi'*

<sup>12</sup> Jo lajob lí', dsea' rú'naa'; jo la'uii~, mi' canaang' e caliseá' dsee' fi' jmigüi' la, calí' lajo uí' jaang' dseañu' i calisí' Adán. Jo dsifí' mi' cangí' e ca'éer' dsee~, job mi' canaang' e caliseá' 'mó'; jo có' lajob cajmééiñ' do lami' uii~, joba' lajim' dsea' latí' lana sea' 'mó' quiá'r' uí' jalé' e dsee' e éer'. <sup>13</sup> Jo dsea' dsee' dsea' quib' nilíng' dsea' lajii' ie' nú'gui e niñíng' Moi' e júu' quiu' ta' quiá' Fidiée'. Jo dsu' mi' ja' sea' júu' quiu' ta~, joba' ja' cuøøng' lí' níng' dsea' dsee' e ja' mí' cajmitir' e júu' jo. <sup>14</sup> Jo lajob lí', lajaléng' dsea' i caliséng' jí' ie' lami' cajá' Adán jo ie' cartí' cajá' Moi' caliseáb' 'mó' quiá'r', joba' cajúm-bre. Jo caliñ' lajo uí'

jalé' dsee- e ca'éer', lifa' ja` ca'éer` dsee- e laco' dsee- e ca'ée` Adán, co' i dsea` do ja` cajméer` náu'r` coo` ta` caquiú' Fidiée'. Jo i Adán labing' i líng' coo` e li` quiá'- jaang` i niing` i nijáa' cøøng` gui. <sup>15</sup> Jo ja` cuøøng` cøøng`-naa' røø` e dsee- e ca'ée` Adán jogui e cacuø' Fidiée' jneaa~aa' e iáang` dsiir'. Dsøco' uíi~ e dsee- e ca'ée` i Adán do ie` jo, joba' caliseá' 'mó- fí jmigüí' la, jo mi` calí- lajo, joba' lajim` dsea` júuiñ- jóng. Jogui e cangíng`-naa' quiá'- Fidiée' uíi~ e 'neáaiñ` jneaa~aa' do cajmilir` lajo cóo'~ jíi~ 'ñia' Dsea` Jmáang-. Co' e cajmée` Dsea` Jmáang- do dseáng'- ja` sea` e cuøøng` lí cøng- cóo'~ e jo, co' la'eáang' jíi~ cóo'~ íb` fíim` dsea` jmigüí' tíiñ' fí quini` Fidiée'. <sup>16</sup> Jo e cangíng`-naa' quiá'- Fidiée' uíi~ e eáang' 'neáaiñ` jneaa~aa' do ja` cuøøng` lí cøøng`-naa' cóo'~ e dsee- e ca'ée` i Adán do. Co' mi` ca'éeiñ` do dsee-, joba' canaang` e caliseá' 'mó- fí jmigüí', jo uíi~ joba' ca'naam` dsea` jóng e seeiñ` cøøng` cóo'~ Fidiée'. Jo dsu' e cangíng`-naa' quiá'- Fidiée' do jmóo` e íñ' jneaa~aa' e nilíi'naa' dsea` i ja` røøng` dsee- fí quinir'. Jo e jo jmóo` Fidiée' cóo'~ jneaa~aa' la'eáang' cóo'~ Dsea` Jmáang-, co' íbing' i nica'íng- lajalé' dsee- quiá'- dsea` jmigüí'. <sup>17</sup> Jo dsu' e jáb'-, mi` ca'ée` i Adán do la'uii~ dsee-, joba' canaang` e caliseá' bí quiá'- 'mó-, co' dseáng'- lajim` dsea` jmigüí' tíiñ` e jo. Jo dsu' eáang' guib sea` bí quiá'- lajíi~ e cuø' Fidiée' i fíng' dsea` jmigüí' e íng'neiñ' e líiñ` dsea` i ja` røøng` dsee- fí quinir'. Jo jmóo` Fidiée' lajo la'eáang' cóo'~ jíi~ 'ñia' Dsea` Jmáang- uíi~ e eáang' guiúíiñ` cóo'~ dsea` jmigüí'. Jo co' lajob líí, joba' røøb` ni'íiñ'- í' cóo'~ Dsea` Jmáang- mi` nití- í' lajo.

18 Jo cō' la'eáang' cōo'~ e cōo' dsee~ e ca'ée' ì Adán do, job mi~ ca'naang' dsea' e seeiñ' cøøng' cōo'~ Fidiée'. Jo dsu' la'eáang' cōo'~ e cōo' e guiú~ e cajmée' Dsea' Jmáang~ fí' dse' crúu^, joba' lana niseab' fí' e lajaléng' dsea' nilíiñ' dsea' ì ja' røøng' dsee~ fí' quini' Fidiée'. 19 Jo cō' ja' cajmée' gui' ì Adán do núu'r~ lajii'~ ta~ caquiú' Fidiée', joba' lajalém' dsea' jmigüi' ca'uiñ~ dsea' dsee~ dsea' qui'. Jogui lajobi cajo, la'eáang' e cajmée' Dsea' Jmáang~ núu'r~, joba' íng' Fidiée' ì fíim' dsea' jmigüi' e liiñ' do dsea' ì ja' røøng' dsee~ fí' quinir'.

20 Jo mi~ caliseá' e júu^ quiú' ta~ e cajme' Moi~ do, joba' eáang' guib calilí' dsea' e røøiñ' dsee~ jóng. Jo dsu' mi~ calimíng'~ eáang' dsee~ quiá'~ dsea', joba' Fidiée' eáang' guib caliguiúñ~ cōo'~ jaléng' dsea' nañi' fa' ja' catíiñ'~ lajo. 21 Jo dsu' e jáb'~ e dsee~ e ée' dsea' jmigüi' seab' bí' quiá'~, cō' fí' 'mób' sí'. Jo dsu' e eáang' guiúng~ Fidiée' cōo'~ jneaa~aa' do eáang' guib sea' bí' quiá'~, cō' nica'ím' bre jneaa~aa' e lí'naa' dsea' ì ja' røøng' dsee~ fí' quinir'. Jo cajmée' lajo cōo'~ jneaa~aa' e lacō' nilisee~naa' car' ngongí' jmí~ la'eáang' cōo'~ Fí'naa' Dsea' Jmáang~.

## 6

*Lafa' dsea' 'míng~ nilí'naa' la'eáang' cōo'~ Dsea' Jmáang~*

1 Jo fí' guí' 'nú', dsea' rú'naa', e ja' cuøøng' e ni'í'gui dsi'naa' e nibeáang'~gui dsee~ yee'naa' e lacō' eáang' gui niliguiúng~ Fidiée' cōo'~ jneaa~aa'. 2 ¡Cō' dseáng'~ o' lajo! Dsucō' jneaa~aa' lafa' nicajúm~baa' uí'~ e nica'náng'naa' jee~ jalé' dsee~ e lamí~ quie' nifí' quí'ii'. Jo cō' lajob nilí'naa',

joba' jo` cuøøng` fa' e nibeáang`~gui dsee` yee`naa'.  
<sup>3</sup> Dsucō' nine`baa' guiú` e ie` mi` cajgáang`naa'  
 jmii` uii`~ e nilí`naa' dsea` quiá`- Dsea` Jmáang` ,  
 joba' lafa' e cajúm`baa' jóng`cōo`~ dsea` do fí` dse`  
 crúu`. <sup>4</sup> Co' ie` mi` cajgáang`naa' jmii` do lí' lafa'  
 e røøb` ca`áng`naa' cōo`~ Dsea` Jmáang` mi` cangf`  
 e cajúin`. Jogui mi` cají`tu Dsea` Jmáang` la'eáang`  
 cōo`~ e güea`^ 'gøøng` quiá`- Tiquiá`r` Fidié` , joba'  
 lafa' cajíb`tu jneaa`aa' cajo e laco' nilisee`naa' e  
 nilí`naa' lafa' dsea` 'míing`.

<sup>5</sup> Jo cō' lafa' cajúm`baa' ie` lami` cajúng` Dsea`  
 Jmáang` , joba' lana lafa' jaam` dsea` nilí`na' cōo`r` .  
 Jo cō' cajíb`tu Dsea` Jmáang` mi` cangf` jo, joba'  
 jneaa`aa' cajo nijíb`túu' ie` jo e laco' nilisee`naa'  
 cøøng` cōo`r` . <sup>6</sup> Jo nine`baa' guiú` e ie` mi` catáng`  
 Dsea` Jmáang` fí` dse` crúu` , cacó`bre lajalé` e ja`  
 dseeng` e lami` jmoo`naa' do, jo lajoba' ca`ím` e si`  
 fí` qui`ii' e ni`ee`naa' dsee` do. Jo cō' lajob` calí` ,  
 joba' lana jo` qui`gui ta` jneaa`aa' jalé` dsee` .  
<sup>7</sup> Dsucō' fa' mi` júung` jaang` dsea` , joba' jo` cuøøng`  
 fa' e nijmirøøng`gui 'ñia`r` dsee` .

<sup>8</sup> Jogui cō' jneaa`aa' lafa' nicajúm`baa' røø` cōo`~  
 Dsea` Jmáang` , joba' nitab` dsi`naa' e dseáng`-  
 nilisee`baa' cøøng` cōo`r` car` ngongí` jmii` . <sup>9</sup> Jo cō'  
 cajíb`tu Dsea` Jmáang` mi` cangf` e cajúin` , joba'  
 guiáb` nine`naa' e jo` cuøøng`gui fa' e nijúung`tur  
 calé` catú` , cō' jo` sea` bí` quiá`- 'mó` fa' e  
 niquiú`-gui ta` ír` . <sup>10</sup> Jo cōo` ya`ba' cajúng` Dsea`  
 Jmáang` fí` dse` crúu` uii`~ jalé` dsee` qui`ii' , jo  
 lajoba' ca`íin` car` ngongí` jmii` e bí` quiá`- jalé`  
 e dsee` jo. Jo mi` cangf` jo, cají`tur calé` catú` e  
 laco' lana niseeiñ` cøøng` cōo`~ Fidié` car` ngongí`

jmíĩ. <sup>11</sup> Jo lajob jaléng' 'nú' cajo 'né' í óóna' e lafa' nicajúm'ba' uíi' e jo' quiu'gui ta' 'nú' jalé' dsee' quíi'na'. Co' lanagui 'né' í óóna' e seeng'na' cøøng' cõo' Fidié' la'eáang' e nilíng'na' jaang' dsea' cõo' Dsea' Jmáang'.

<sup>12</sup> Jo co' lajob líí, dsea' rú'naa' dsea' quiá' Dsea' Jmáang', joba' fíi'guí 'nú' e ja' cuø'gui fí yaang'na' fa' e dsee' quíi'na' quiá'gui ta' 'nú' e laco' nijmití'na' lajii' e lí óóna' yaang'na'. <sup>13</sup> Jo ja' jáang' yaang'na' fí ni' dsee' e laco' nilisea' fí quíi'na' e nijmée'na' jalé' e ja' dseeng' e lí óóna' yaang'na', dsaco' o' lajo e 'né' jmée'na' lana; co' lí' lí' 'né' jmée'na' e nijáang' yaang'na' fí jaguó' Fidié', co' lana nilíng'na' dsea' i lafa' nicajúng' jogui i lafa' nicají'tu calé' catú'. Jo co' lajob nilíng'na', joba' 'né' jmée'na' e nijáang' yaang'na' fí jaguó' Fidié' e laco' dsea' do nijmér' cõo' 'nú' jialco' iĩĩ e nijmée'na' jmang' jalé' e guiá'. <sup>14</sup> Jo jo' 'né'gui fa' e quiu'gui ta' 'nú' jalé' dsee' quíi'na', co' lana niseeng'na' uíi' e eáang' 'neáang' Fidié' 'nú', jo' jo' seeng'na' fa' e quiu'gui ta' quíi'na' e júu' quiu' ta' e cajme' Moi' do.

*Jial laang' dsea' e seeĩĩ' e jo' quiu' ta' dsee' í'*

<sup>15</sup> Jo co' lana nisee'naa' uíi' e eáang' 'neáang' Fidié' jneaa'aa' jogui e jo' quiu'gui ta' quíi' e júu' quiu' ta' do, joba' ja' dseeng' fa' e nibeáang'gui dsee' yee'naa'. <sup>16</sup> Jo guiáb' niĩí' 'nú' e song' nijáang' yaang'na' e nijmée'na' ta' quiá' jaang' dsea', joba' 'né' jmití'ba' jóng jalé' ta' e niquiá' i dsea' do, co' lafa' dsea' si'níim' nilíng'na' quiá' i dsea' i líng' fíi'na' do. Jo lajob líí e la, song' 'nú' jmití'na' lajii' ta' quiu'



dsee- quíi-na', joba' lafa' dsea` i nisijúum- líng'na' jóng, cõ' nisi'naam'ba' cóõ'~ Fidiée~. Jo dsu' song 'nú'gui jmoõ'na' núu'~na' júu^ quiá'- Fidiée~, joba' ni'ím'bre 'nú' jóng e líng'na' dsea` i ja` røøng` dsee- fí' quinir~. <sup>17</sup> Dsu' lana gui'máam'~ Fidiée~ uii~ quíi-na', cõ' ie~ lami~ jéeng'gui do dsee- quíi-ba' silíi'~ 'nú', jo dsu' lanagui nicajmití'ba' e ngocáng` óõ'na' lajii'~ e júu^ quiá'- Fidiée~ e nica'íng'~na' do. <sup>18</sup> Jo cõ' jo` silíi'~gui 'nú' jalé' dsee- quíi-na' lana, joba' nicajáng'~ yaang~na' e nijmée'na' jmang'~ lajii'~ e guiá'-. <sup>19</sup> Jo nifá'a e júu^ la cóõ'~ júu^ e fé' doñi' ii' dsea` jmigüi' e laco' ningáng'na' røø' e júu^ la, cõ' fing ja` nijmee~ e lajo, huím'jiu lí' quíi-na' e ningáng'na'. Cõ' 'nú', ie~ lami~ jéeng'gui do, dseáng'~ cajáng'~ yaang~na' e cajmee~na' jmang'~ jalé' e 'lí' e ja` dseeng'; jo dsu' lajob lana cajo' 'né- e nijáng'~ yaang~na' fí' jaguó` Fidiée~ e laco' nijmée'na' jmang'~ lajii'~ e guiá'- e iing~ dsea` do e nijmée'na'.

<sup>20</sup> Jo lajee~ e silíi'~ 'nú' jalé' dsee- quíi-na', ja` cajáng'~ yaang~na' fa' e cajmée'na' lajii'~ e iing~ Fidiée~. <sup>21</sup> Jo jii'~ cõõ' e guiá'- cadsé'na' quiá'- jalé' e ja` dseeng` e cajmée'na' ie~ lami~ jéeng'gui do, cõ' lanagui ni'i' líim-ba' cuaiñ~ quiá'- jalé' e jo. Cõ' mi~ jmóõ' dsea` jalé' e jo, jii'~ fí' 'mób- si'. <sup>22</sup> Dsu' lanagui jo` silíi'~gui quíi-na' jalé' dsee-, cõ' lanagui nicajáng'~ yaang~na' fí' jaguó` Fidiée~. Jo cõ' lajob nicajmee~na', joba' lana dseáng'~ jmang'~ lajii'~ e guiá'- e iing~ Fidiée~ nijmoõ'na' jogui e niliseeng'na' cøøng` cóõ'~ dsea` do car` ngongíi' jmi~. <sup>23</sup> Jo lajob líi', dseáng'~ jii'~ 'mó'ba' íng' dsea` mi~ éer` dsee-. Jo dsu' la'eáng' e eáng' 'neáng` Fidiée~ jneaa~aa',

jòba' cacuør' e iáang` dsíir' e nilisee`naa' cøøng`  
còo~ Fíi'naa' Dsea` Jmáang` car` ngonghí` jmíi`.

## 7

*Júu` quiu' ta~ quiá'- dsea` sicúng'^ guó`*

<sup>1</sup> Jò jaléng` 'nú`, dsea` rú`naa' dsea` quiá'- Dsea` Jmáang~, nicuí`ba' røø` jial lí' jalé` júu` quiu' ta~ quiá'- Fidiée~, jøgui niñí`bi' cajo e e júu` quiu' ta~ do quiu' ta~ dsea` júi~ lajee` e seeng` dsea` fí` jmigüí`b. <sup>2</sup> Cò' facò' jaang` dseamí` cacúng'^ guór`, jòba' dseáng'- ja` cuøøng` fa' e nitiúuiñ` ì dseañu' quiá'r- do lajee` e seeiñ` do fí` jmigüí, cò' lajòb fé` e fí` ni` e júu` quiu' ta~ do. Jøgui fíng song cajúng- ì dseañu' do, jòba' ì dseamí` do jo` catíng- fa' e nijmiti~guir laco' fé` e fí` ni~ júu` quiu' ta~ do cuaiñ~ quiá'- dsea` sicúng'^ guó`. <sup>3</sup> Jò song ì dseamí` do 'léer' e güiñ` còo~ dseañu' ì jiéng` lajee` e seem`bi ì dseañu' quiá'r- do, jòba' dseeb` éer` jóng` fí` quini` Fidiée`. Jøgui song cajúng- ì dseañu' quiá'r- do, jòba' jo` catíng- guir fa' e nijmitir~ laco' fé` e fí` ni~ júu` quiu' ta~ do cuaiñ~ quiá'- dsea` ì sicúng'^ guó`. Jòba' ja` dsee- ni'éer- fí` quini` Fidiée` song nicuíñ` guóor` còo~ ì dseañu' ì jiéng` do.

<sup>4</sup> Jò lajòb lí' còo~ jaléng` 'nú`, dsea` rú`naa' dsea` quiá'- Dsea` Jmáang~, cò' la'eéang` còo~ e cajúng- Dsea` Jmáang- fí` dse` crúu` do, lí' lafa' e cajúm- 'nú' cajo. Jò lana jo` quiu'gui ta~ 'nú' e júu` quiu' ta~ quiá'- Fidiée` do. Jò calí- lajò e laco' nilíng`na' dsea` quiá'- Dsea` Jmáang-. Jò cò' dsea` quiá'- ì dsea` ì cají`tu calé` catú- nilíng`na', jòba' lajüi~ e iing~ Fidiée` nijmoo`na' lana. <sup>5</sup> Jò ie~ lamí~ jmití`naa' jalé` e ja` dseeng` e lí` dsíi` ngúu`

táang`naa', e júu^ quiu' ta~ do cali'ling^ ta~ e laco' eáang`gui lî dsi'naa' e nijmó^naa' jalé' e ja`dseeng` do. Jo jalé' e jo dseáng'- jii'~ fi' 'mób- si'. <sup>6</sup> Jo dsu' lana jo` quie`gui nifi' qui'-ii' lajii'~ e fé' e júu^ quiu' ta~ do, co' nilíng`naa' lafa' dsea' i sijúum-, co' jo` silí'gui jneaa~aa' jalé' dsee- qui'-ii'. Jo co' lajob nilí', joba' lana fi' 'múb- nitée~naa' e nijmoo~naa' la'eáang` cóo'~ Jmiguí' quiá'- Fidiée~ lajii'~ e iing~ Fidiée~ e nijmó'oo', jo o' la'eáang` cóo'~ e júu^ yáa' quiu' ta~ do.

### *Lajii'~ dsee- e sea`quíe-*

<sup>7</sup> Jo e laba' iin~n fíî'î 'ná', dsea` rú'naa' dsea` quiá'- Dsea` Jmáang-, e o' dsee- e júu^ quiu' ta~ do. ¡Co' dseáng'- o' lajo! Dsuo' faco' mi~ ja` mí sea` e júu^ quiu' ta~ do, joba' ja` tóo` jmíî caliñi jnea~ jóng e ee~e dsee-. Co' mi~ cajme' jnea~ júu^ e júu^ quiu' ta~ do mi~ fé' lala: "Ja` jmoo" e lî o' jalé' e sea` fi' jmigüí", joba' la'eáang` cóo'~ e júu^ jo caliñi jnea~ e lî dsii- jalé' e sea` fi' jmigüí. <sup>8</sup> Jo la'eáang` cóo'~ e júu^ quiu' ta~ do cali'ling^ ta~ e laco' jnea~ caliñii- e eáam' ee- dsee- fi' jmigüí la uíi' e eáang` lî dsii- jalé' e sea` fi' jo. Dsu' mi~ ja` sea` júu^ quiu' ta~, joba' ja` lí' dsea` e éer` dsee- jóng. <sup>9</sup> Jo ná'gui e ningán'n lajii'~ ta~ huí' quiá'- e júu^ quiu' ta~ do, lín-n e seen- juguiá- júu` røøb. Jo dsu' mi~ cangán'n røø lajii'~ e júu^ jo, joba' eáang`gui casi' fi' quíe- e jóng e iin~n ni'ee~e dsee-, jogui e jii'~ 'mób- nisijée' quíe- e uíi' e jmóo'o jalé' e jo. <sup>10</sup> Jo lajob calí-, co' e júu^ quiu' ta~ do e lamí lín-n e sí'í' e nijmicóo'~ jnea~ e laco' jial niliseen- juguiá- júu^ røø, dsu' ja` calí- lajo, co' ca'léeb' quíe- e lafa' cajúm~baa uíi' jalé' dsee- e ca'ee~e do. <sup>11</sup> Dsuo'

la'eáang' cóo~ e júu^ quiu' ta~ do cali'ling^ ta~ e laco' jnea~ caliñii~ e jmigóob` jalé' dsee~, co' dseáng'- jii' fi' 'mób- si'.

12 Jōba' fii~i 'ná', dsea` rú'naa', e güeam'^ jalé' e júu^ quiu' ta~ do, jōgui lajob líí cajo laco~ e júu^ ta~ huí' do, jōgui røøb` quiu' ta~ quiá'- dsea~, jōgui guiá~bi cajo. 13 Co' e laba' líí e lí^ laco' calilí e dseáng'- lajam'^ba' líí dsee- jalé' dsee- quié-e. Jo e dsee- quié-e do cajmeáng' ta~ e júu^ ta~ huí' quiá'- Fidié~ do e laco' casíng' jnea~ fi' 'mó-. Jo lajoba' la'eáang' cóo~ e júu^ ta~ huí' do caja' júu^ e dseáng'- lajam'^ba' 'lí^ jalé' dsee- quiá'- dsea`.

14 Jo nine~baa' røø e Fidié~bing' cacuø' e júu^ quiu' ta~ do, jo dsu' jnea~gui lín'n jii' dsea` jmigülb`, jōgui jaang' i jmiti~ lajii' ta~ quiu' dsee- quiá'- . 15 Jo jii' 'ñiá'a ja` ngán'n ee` jalé' e jmóo'o, dsuco' ja` jmóo'o jalé' e iin~n 'ñiá'a, co' jalé' e 'ní' máam'baa, e jōba' jmóo'o. 16 Jōgui song jmóo'o jalé' e ja` iin~n jmee~e do, jōba' cóo~ e jo cuøø~ lí e eáam' guiá~ e júu^ quiu' ta~ do. 17 Jo lajob líí, dsuco' o' 'ñiá'a dsea` jmóo` jalé' e ja` dseeng` do, dsuco' dsee- quié~baa e quiu' ta~ e jmóo'o jalé' e jo. 18 Co' nicuíim` 'ñiá'a e dsea` dsee- dsea` quib' lín'n, jōba' jii' co~ e guiá~ lí'i jmee- nañí fa' eáam' iin~n e nijmee~e jalé' e guiá~, lifa' dseáng'- ja` lí'i e nijmee~e jalé' e jo. 19 Dsu' ja` jmóo'o jalé' e guiá~ e iin~n jmee~e, co' jmang'- jalé' e ga` e ja` iin~n jmee~baa, dseáng'- e jōba' jmóo'o. 20 Jo song jmóo'o jalé' e ja` iin~n jmee~e do, jōba' o' 'ñiá'a dsea` jmóo` jalé' e jo, dsuco' dsee- quié~baa quiu' ta~ jnea~ e jmóo'o jalé' e lajo.

21 Jōba' nicalilí^i e nañí fa' iim~baa jmee~e jalé'

e guiá⁻, dsu' j mang'⁻ jalé⁻ e ga'ba' lí'i jmóo'o.  
 22 Dsuo' eáam' iin~n e nijmitii^ jalé⁻ júu^ quiu' ta~  
 e cajme' Moi'; 23 lifa' e dsee⁻ quié⁻ e do eáam' quiu'  
 ta~ jnea~ jogui eáam' silíi' jnea~ cajo, co' 'ní' níim⁻  
 rúng' cõo'~ lajii'~ e í dsii⁻ e iin~n nijmee~e.

24 jE ngi~ fiib^ jnea~! ¿I~ i nileáng⁻ jnea~ jee~ jalé⁻  
 dsee⁻ quié⁻ e e laco' ja' nijúun~n uíi'~ e jo? 25 Jo  
 dsu' jnea~ í dsii⁻ e nijmitii⁻ e júu^ quiu' ta~ do, dsu'  
 jnea~, dsea` dsee⁻ dsea` quib' lín'n, joba' ja' lí'i  
 nijmee~e lajo, co' dsee⁻ quié⁻ baa quié' nifi' quié⁻ e.  
 Jo lajob hí', lifa' gui'máang'⁻ Fidiéé' e nicaleáaiñ`  
 jnea~ jee~ jalé⁻ e jo la'eáang' cõo'~ Fíi'naa' Dsea`  
 Jmáang⁻.

## 8

*Jial seeng` dsea` e Jmiguí` quiá'- Fidiéé' quié' nifi`  
 quiá'r-*

1 Joba' fiigui' 'ná', dsea` rú'naa' dsea` quiá'-  
 Dsea` Jmáang⁻, e lajaléng'⁻ jneaa~aa', dsea` líi'naa'  
 dsea` i seeng` cõong` cõo'~ dsea` do, jo' qui'~ jmii~  
 fa' e cuo'⁻gui dsea` dsee⁻ jneaa~aa'. 2 Jo lajob  
 nilíi'naa', co' e bí' 'gõng' quiá'- Jmiguí` quiá'-  
 Fidiéé' cõo'~ e cuo' e see~naa' cõong` cõo'~ Dsea`  
 Jmáang⁻, e joba' e nicaleáang` jneaa~aa' jee~ bí'  
 quiá'- dsee⁻ jogui jee~ bí' quiá'- 'mó' cajo. 3 Jo  
 e júu^ quiu' ta~ do ja` caquii'~ jmii~ fa' e caleáang`  
 jneaa~aa' jee~ bí' quiá'- dsee⁻ qui'ii'. Co' e júu^ jo  
 ja` sea' bí' quiá'- fa' e cajmée` lajo uíi'~ e quiu' ta~  
 quiá'- dsea` i línng' dsea` dsee⁻ dsea` qui'. Jo dsu'  
 lana Fidiéé' nicajmée`bre jalé⁻ e ja' caquii'~ jmii~  
 cajmée` e júu^ do. Co' nicasiíñ` i Jóor' camíng'~ do  
 e líiñ' do jaang` dsea` jmigüi' i sea` ngúu' táang` la

jneaa~aa'. Jo cajmée` Fidiée` lajo e laco' cajáin' i Jóor` do e cajúin' do fí dse` crúu^, jo lajoba' ca'liin` congua' e bí quíá'- jalé` dsee- quíá'- dsea` jmigüí. 4 Jo cajmée` Fidiée` lajo e laco' jneaa~aa' quíá'- naa' jmí~ e nijmití^naa' laco' catíng- e júu^ quíu' ta~ do. Co' jo` see- naa' fí jmigüí la e jmoo- guí jalé' e lî dsí' ngúu' táang`naa', dsu' lana nisee- naa' e nijmoo- naa' lî^ laco' la iing~ Jmiguí quíá'- Fidiée` e nijmó^naa'.

5 Jo jaléng' dsea` i seeng` e guing~ dsír' lajii~ e lî dsí' ngúu' táain' lico' seein` e jmitir~ dseáng'- lajii~ e job dseáng'- . Jo dsu' jaléng'gui dsea` i seeng` lî^ laco' la iing~ Jmiguí quíá'- Fidiée` e seein`, joba' dseáng'- jii~ e iing~ e Jmiguí do guing~ dsír' e jmóor'. 6 Jo dseáng'- jii~ fí' mób- dseáng'- si' quíá'- jaléng' dsea` i jmóo` lajii~ e lî dsí' ngúu' táain'. Jo dsu' jaléng'gui i jmóo` lajii~ lî^ laco' la iing~ Jmiguí quíá'- Fidiée`, joba' jaléng' í juguiá- júu^ røøb` niliseein` lata` cóo~ Fidiée`. 7 Jo jaléng' dsea` i guing~ dsí' e iin~ jmér- lajii~ e lî dsí' ngúu' táain', joba' i dsea` í 'ní' níim- bre Fidiée`, dsuco' ja` iin~ o'gui quí'r~ jmí~ fa' e nijmér- náu'r~ lajii~ júu^ quíu' ta` quíá'- dsea` do. 8 Co' jaléng' dsea` i jmiti~ lajii~ ta` quíu' e lî dsír' yaain~ ja` quí'r~ jmí~ fa' e nilí'íang` dsí' Fidiée` cóo'r~.

9 Jo dsu' 'nú'gui, dsea` nilíng`na' dsea` quíá'- Dsea` Jmáang-, jo` seeng`na' fa' e jmití^gui' lajii~ e lî óó'na' yaang~na', co' lana niseeng`na' e nijmoo`na' lajii~ e iing~ Jmiguí quíá'- Fidiée` e nijmée`na'. Jo lí' lajo, co' seeng` Jmiguí quíá'- Fidiée` cóo~ 'nú'. Jo i dsea` i seeng` e ja` seeng` Jmiguí quíá'- Dsea` Jmáang- cóo'r~, joba' i dsea` í ja` líin' dsea` quíá'-

dsea` do jóng. <sup>10</sup> Jo ja` ee` lí' e nisi'líng` e ni'líng`  
ngúu' táang`na' mi` nití` í' e nijúung`na' uíi'~ e  
líng`na' dsea` dsee` dsea` qui', dsucó' seem` Dsea`  
Jmáang` cóo'~ 'nú', jogui seem` jmiguí` quií`na'  
cajo. Jo lí' lajo uíi'~ e nica'ím` Fidiéé` 'nú' e  
ni'líng`na' dsea` i ja` røøng` dsee` fi` quinir`. <sup>11</sup> Jo  
la'eáang' cóo'~ Jmiguí` quiáb'~ Fidiéé` cajméer` e  
cají'tu Jesús mi` cangí` e cajúíñ`. Jo e Jmiguí`  
job cajo seeng` cóo'~ 'nú' lana, joba' ñiab' Fidiéé`  
nijmér` e nijí'tu 'nú' calé' catú` mi` nití` í' lajo.  
Jo nijmér` lajo cóo'~ 'nú' la'eáang' cóo'~ Jmiguí`  
quíá'r` e seeng` cóo'~na' lana.

<sup>12</sup> Jo lajob lí', dsea` rú'naa' dsea` quiá'~ Dsea`  
Jmáang`, dseáng'~ lajam'`ba' 'né` e see`naa' e  
jmoo`naa' lajíi'~ e iing` Jmiguí` quiá'~ Fidiéé`  
e nijmó'oo', jo dseáng'~ ja` catíng`naa' e ni-  
jmó'guí' lajíi'~ e lí` dsi'naa' yee`naa'. <sup>13</sup> Jo dsu'  
song mí' 'noo`bi' seeng` 'nú' e jmoo`na' lajíi'~ e  
lí' óo'na' yaang`na', joba' dseáng'~ conguiab' jóng  
ni'náng`na' cóo'~ Fidiéé`. Jogui dsu' song la'eáang'  
cóo'~ Jmiguí` quiá'~ Fidiéé` niquiung'`na' conguiá'  
e jmoo`na' jalé' e jo, joba' latab` niliseeng`na' cóo'~  
Fidiéé` jóng.

<sup>14</sup> Jo jaléng` dsea` i seeng` e Jmiguí` quiá'~  
Fidiéé` quié` nifi' quiá'r`, joba' í'bing' dseáng'~  
i líng' jóo' Fidiéé`. <sup>15</sup> Dsucó' Fidiéé` nicacuø'r'  
'nú' Jmiguí` quiá'r` e laco' ni'uíng`na' jóor' jo  
o' laco' e nisi'líi'~tu 'nú' cóo'~ jalé' e 'gó'na' con-  
tøøng`. Dsucó' la'eáang' cóo'~ e Jmiguí` quiá'~  
Fidiéé` do see`naa' e cuøøng` lí' sií`naa' cóo'r`  
jogui e síi'~naa'r lala: "¡Tea~!" <sup>16</sup> Jo e Jmiguí`  
quíá'~ Fidiéé` do røøb` síng` cóo'~ jmiguí` qui'`ii'

e laco' nita~ dsi'naa' e dseáng'- já'-ba' e nilí'naa' jóo' Fidiée'. 17 Jo uí'~ e dseáng'- nilí'naa' jóo' Fidiée', joba' ni'íim'~baa' jalé' e catí'naa' e si'í nicuø'r~ jaléng' jóo' lí' laco' jíí'~ júu^ e nicacuø' lami~ jéeng'gui. Jo jalé' e jo conrøøb` qui'~ii' cóo'~ Dsea` Jmáang~ song dseáng'- lajang' ni'íing'naa' jalé' iihuí' uí'~ e lí'naa' dsea` quiá'r~. Jo song nijmé^naa' lajo, joba' conrøøb` nilisee~naa' cóo'r~ fí' lí' niing~ 'gøiñ' mi~ nití' í' lajo.

*Eáam' jlo'^ jalé' e niñíng'na' quiá'- Fidiée'*

18 Jo fí'~guí' 'nú', dsea` rú'naa' dsea` quiá'- Dsea` Jmáang~, dseáng'- nitab~ dsii~ e lajalé' iihuí' e dsingíng'naa' lajee~ lana fí' jmigüí' la ja' ee' tí' song nicøøng'naa' cóo'~ mi~ tí' lí' nilisee~naa' cøøng` cóo'~ Fidiée' fí' ñíí' quiá'r~. 19 Jo lajalé' e cajmée` Fidiée' dseáng'- eáam' nisijeeng' e jmí' e nijmijnéeng` Fidiée' jaléng' dsea` quiá'r~ í' líng' jóo'r'. 20-21 Jo ni'íim~ lajalé' e sea' fí' jmigüí', co' jmang'- e cuøøng` ni'íim~ba' sea`. Jo lí' lajo dsu' ofa' e lajo iing~ e lí', co' lí' lajo uí'~ e lajo cali'íing~ Fidiée'b'. Jo ja' ee' lí' lí' lajo, co' nitab~ dsí' e jmang'- jalé' e 'mí' e jlo'^ niing~ nilisea' ie~ jo lí' laco'gui nilíng~ jaléng' dsea` quiá'- Dsea` Jmáang~. 22 Jo guiáb~ nine~ee' e cartí' lanab lajalé' e cajmée' Fidiée' e sea' fí' jmigüí' eáam' quie' iihuí' jogui dsíng'- seáang` dsí' cajo dsu' uí'~ e nisijeeng' e nileáng' jee~ jalé' iihuí' lí' laco' lí' cóo'~ jaang` dseamí' í' tí' lí' niliseeng' jiuung~ quiá'- 23 Jogui o' jíí'~ e sea' fí' jmigüí' dsingíng~ lajo, co' lajob dsingíng~ jneaa~aa' cajo, dsea` nicangíng'naa' Jmigüí' quiá'- Fidiée' jéeng'gui e laco' cuø' lí' quiá'- jalé' e niñíng'naa' cøøng'gui. Jo dseáng'- eáam'



nisijeeng`naa' ie~ jmi~ mi~ dseáng'- ni'ng' Fidié~  
 jneaa`aa' e lí'naa' dseáng'- jóor'. Jo ie~ jo nileáin-  
 jneaa`aa' conguaí, co' nijmisím-bre jialco' lí'  
 ngúu' táang`naa'. <sup>24</sup> Jo co' nicalaam`baa' jee~ jalé`  
 dsee- quí-ii', joba' nitab~ dsí'naa' e ni'ím'`baa'  
 lajii~ e nisijeeng`naa' do e catí-`naa' quíá'- Fidié~.  
 Jo song nijøø`baa' lajii~ e nisijeeng`naa' do, joba'  
 jo` ee` ta`gui jóng e sijeeng`guí' e jo. Co' doñí` ee`  
 e niní` dsea, jo` 'né-gui fa' e nijéng-guir e ni'íñ' e  
 jo. <sup>25</sup> Jo co' ja` mí` jøø-guí' lajii~ e nisijeeng`naa' e  
 ni'íng'`naa' quíá'- Fidié~ do, joba' 'né- e dseáng'-  
 ja` nilitúng- dsí'naa' e sijeeng`naa' e jo.

<sup>26</sup> Jogui e Jmiguí` quíá'- Fidié~ e nicangúng-`naa'  
 do, e joba' e jmicóo'~ jneaa`aa' uíi~ e ja` quíi'`naa'  
 jmi~ jmé'naa' yee`naa'. Co' faco' mi~ ii`naa'  
 sñng`naa' cóo'~ Fidié~, ja` quíi'`naa' jmi~ jmé'naa'  
 laco' sí'í'. Joba' e Jmiguí` quíá'- Fidié~ e seeng`  
 cóo'~ jneaa`aa' do, e joba' e mí` uíi~ quí-ii' laco'  
 sí'í' fí` quini` Fidié~. Jo jmóo` lajo dseáng'- e jii~  
 ja` sea` júu` jial nifé' e mí` uíi~ quí-ii' e Jmiguí` do.  
<sup>27</sup> Jo Fidié~bing' dseáng'- i niñi' jialco' jii~ í` dsí'  
 lajaang` lajaang` dsea, jogui niñi`bre guíá- cajo e~  
 jmi'ee` mí` e Jmiguí` quíá'r- do. Co' e Jmiguí` do mí'  
 jmi'ee` uii~ quíá'- lajaléng'` dsea quíá'- Fidié~ lí`  
 jialco' la iing` dsea` do 'ñia'r' e nilí'.

### *Dseáng'- lí`baa' jee~ jalé' iihuí'*

<sup>28</sup> Jo guíab-`nine`naa' e lajaléb' e dsingí-`naa'  
 fí` jmiguí` la, jmóo` Fidié~ lajo e laco' ni'uíng-  
 guíá- quí-`naa', dsea` lí'naa' dsea` quíá'r- i 'neáng`  
 ír'. Co' dsea` do nicaguíñ'` jaléng'` jneaa`aa' e laco'  
 nijmó-`naa' jialco' iñ~ 'ñia'r' e ni'uíng-. <sup>29</sup> Jo lajii~  
 latí` mi~ uíing~ niñi' Fidié~ i` jaléng' i` nilíng-

dsea` quiá'r-. Jo lajii~ latí ie~ jo cajo cali'iiñ~ e lajaléng' í ni'uiiñ~ dseáng'- laco' líng' í Jóor' Dsea` Jmáang- do, jo lajoba' í Jóor' camíng'~ do ni'uiiñ- jaang` í niing-gui jee~ lajaléng' í rúiiñ" do. <sup>30</sup> Jo jaléng' dsea` í nisi'íng^ quiá'- Fidiée~ jii~ latí mi~ uiiing~ do, nicató'-bre jaléng' í e laco' ni'uiiñ'- do dsea` quiá'r-. Jo jaléng' dsea` í nicató'r- do nica'íng'neiñ' e nilíiñ' dsea` í ja` røøiñ' dsee- fí quinir~. Jogui jaléng' í nicangíiñ' quiá'- dsea` do e nicuøøng` e niliseeiñ` cóo' dsea` do fí ñiff- quiá'r- fí lí~ niing- 'gøiñ'.

<sup>31</sup> Jo có' lajob líí, joba' ¿e~ cuøøng` lí fé'gui jóng? Jo có' Fidiée~bing' í sing' uii~ quí-ii', joba' jii~ jaang` jo` ii` quíi~gui jmi~ nijme'^ guiáa' jneaa~aa'. <sup>32</sup> Jo Fidiée~ ja` ca'áaiñ` í', có' cacuøøm`bre í Jóor' Dsea` Jmáang- do e laco' cajáiiñ' e cajúiiñ'- do fí dse' crúu^ uii~ quí-ii', dsea` líí'naa' dsea` quiá'r-. Jo có' lajob cajméer, joba' lana cuøøng` lí fe'ee' e nicuø'-bre cajo e iáang` dsír' lajalé' e 'né'naa'. <sup>33</sup> Jo jaléng' jneaa~aa', dsea` í nicaguíng' Fidiée~, jii~ jaang` cuøøng` lí cuø'-gui jneaa~aa' dsee- fí quinir~. Có' 'ñiab' Fidiée~ dsea` nica'íñ' jneaa~aa' e laco' lana nilí'naa' dsea` í ja` røøng` dsee- fí quinir~. <sup>34</sup> Jo uii~ e nilí'naa' lajo, joba' jo` ii` quíi~gui jmi~ fa' í nijmi'náng'gui jneaa~aa' cóo' Fidiée~. Có' Dsea` Jmáam-bing' í cajúng- fí dse' crúu^ uii~ dsee- quí-ii', jogui dsea` íb` cajo í cají'tu calé' catú- mi~ cangí jo; jo dsu' lana dob niguiiñ' fí ñiff- lí' lí dsée' laco' guiiing~ Tiquiá'r^ Fidiée~ e mir' uii~ quí-ii', dsea` líí'naa' dsea` quiá'r-. <sup>35</sup> Joba' lana dseáng'- nitab~ dsí'naa' e jii~ jaang` o'gui jii~ cóo` cuøøng` lí jníng- quí-ii' e 'neáang` Dsea` Jmáang-

jneaa~aa' nañí' fa' e íng'~naa' iihuí' osi e huíng' dsijéé' quí'~ii' é, osi e jmáng'~ dsea`jneaa~aa' ga`dsu' uí'~ e lí'naa' dsea`quíá'~ Dsea`Jmáang~ é, osi e ja`'ga' lí' sea` e quiee~naa' é, osi e nijngám'~bi dsea`jneaa~aa' é. Jo lajalé' e na jí'~ coo`cuøøng` lí`jníng~ e 'neáang` Dsea`Jmáang~ jneaa~aa'. <sup>36</sup> Jo dseáng'~ lajob lí' lí'^ laco' fé' fí' ní' jì' quiá'~ Fidiée' lí' fé' lala:

Jo uí'~ e lí'naa' dsea`quí'~

joba' contøøm~ dseáng'~ see~naa',

co' gab`jmáng'~ dsea`jneaa~aa'

lí'^ laco' la dsingúng~ jaang` jo'se' i tí' lí' ni-jngáng'~ dsea`.

Jo lanab fé' júu^ quiá'~ Fidiée'.

<sup>37</sup> Jo lajalé' e dsingú'~naa' lajee' see~naa' fí' jmígüî' la ja`jmóo` guíáá' jneaa~aa', co' Dsea`Jmáam~bing' i jmicóo'~ jneaa~aa' uí'~ e eáang' 'neáaiñ` jneaa~aa'. <sup>38-39</sup> Joba' fí'~i 'nú', dsea`rú'naa', e dseáng'~ lajam'^ nita~ dsii~ e jí'~ coo`quí'~ jmíi~ e nijmi'náng`jneaa~aa' e eáang' 'neáang` Fidiée' jneaa~aa'; co' ja`quí'~ jmíi~ jmé~ lajo 'mó~, o'gui jalé' e dsingúng~naa' lajee' see~naa', o'gui jaléng'~ ángeles quiá'~ Fidiée', o'gui jalé' guí' e í' fí' guíá'^ güî, o'gui jalé' e dsingú'~naa' lajee' lana osi lí' dsé^gui é, o'gui jalé' e sea` fí' yá'^ jmígüî, o'gui jalé' e sea` fí' nú'~ uø~, o'gui lí'^ doñí' ee' e cajmée' Fidiée' e sea` fí' jmígüí'. Co' jí'~ coo` ja`cuøøng` fa' e nijmé~ e ni'náng'naa' e eáang' 'neáang` Fidiée' jneaa~aa'. Jo e jo nicajmítar~ dsí'naa' la'eáang' cóo'~ Fí'naa' Dsea`Jmáang~.

*Mi~ caguíng' Fidiée' dsea` Israel e ni'uíñ' dsea` quiá'r-*

<sup>1</sup> Jo fii~guúí 'nú', dsea` rú'naa', e dseáng'- júu` jáb'- fá'- jnea~ la, co' dsea` quiá'- Dsea` Jmáam- lín'n. Jogui e Jmiguí` quiá'- Fidiée' e quie' nifi' quiá'- jalé' e í' dsii-, e joba' tí' ni~ e dseáng'- ja` fá'-baa júu` ta~ júu`. <sup>2</sup> Jo dseáng'- eám' lijiuung~ dsii- jogui dseáng'- contøng- e cu' dsii- jaléng' dsea` góo' dsea` Israel. <sup>3</sup> Co' jnea~ j'gui cartí' iin~n e si'lin'^n fí' quini' Fidiée' e laco' si'naan- cóo'- Dsea` Jmáang- e faco' lajogui e nilí' i e nijmicóo'-o jaléng' i dsea` góo' do e laco' ja` ni'íñ' iihuú' uí' jalé' dsee- quiá'r-. <sup>4</sup> Jo dsea` siju' dsea` Israel líng' jaléng' í' lí' laco'gui la líng' jnea~ cajo. Jo Fidiée'bing' i nicaguíng' jaléng' jnea'^ e laco' nica'uíng-naa' dseáng'- jóor'. Jo contøng- caliséng' Fidiée' fí' jee~ jaléng' dsea` áang' quí' ii' e jmijnéiñ' jial tí' jlo' lúíñ' cóo'~ jalé' e quiá'r~ jmii~ jmóor'. Jogui cajmirør' júu` cóo'~ jaléng' i dsea` í, jogui cacuø'bir cajo júu` quiá' ta~ quiá'r-. Jogui cajím'-bir jial 'né- e nijmiféiñ' do í' laco' catíng-, jogui cajím'-bir cajo ie~ jo e nicuø'-breiñ' do lajee' ngóo'guijia jalé' e catíñ- lí' laco' júu` e nicacuø'reiñ' lami~ jéeng'gui. <sup>5</sup> Jo jaléng' i dsea` í, dsea' siju' 'líi' dsea` cóong'~ quie'-baa lúíñ'. Jo Dsea` Jmáang- fí' jee~ job cagü'íir' cajo ie~ lami~ cajar- fí' jmigüí' la e lúíñ' jaang' dsea` jmigüí'. Jogui Dsea` Jmáang- Fidiéeb' lúíñ' cajo i quie' nifi' quiá'- lajalé' e sea' fí' la'úng- fí' jmigüí'. Jo co' lajob lúíñ', joba' contøm- 'né- e nijmiféng'naa're. Jo lajob 'né- lí.

<sup>6</sup> Dsu' ofa' caje' e ja` cajmiti~ Fidiée' lajúi' júu` quiá'r- e cacuø'r' dsea` Israel; co' cajmiti~bre jalé'

e júu^ jo, lifa' e ja` lajüing` dsea` siju` dsea` Israel dseáng'- já'- líiñ' dsea` quiá'- Fidiée`. 7 Jøgui o' lajüing` dsea` siju` 'lii~ yúu~ Abraham líiñ' dseáng'- joo' dsea` do, dsuco' lamí~ jéeng'gui lalab casí'- Fidiée` i 'lii~ yúu~ Abraham do: “Jaléng` dsea` i dseáng'- já'- i nilíng- siju`^ niliseeiñ` la'eáang` cóo` joo` i sii` Isáa’.” 8 Jø uí!~ e júu^ na, joba' lana cuøøng` fe`ee' e o' lajaléng` dsea` siju` 'lii~ yúu~ Abraham dseáng'- já'- líiñ' joo' Fidiée`, co' dseáng'- o' lajo. Dsuco' lajii~ dsea` i seeng` i já'- líng` lajii~ júu^ e cacuo' Fidiée` i 'lii~ yúu~ Abraham do lamí~ jéeng'gui, lajii~ íbing' i dseáng'- já'- líng` joo' Fidiée`. 9 Dsuco' e lab júu^ e cacuo' Fidiée` i 'lii~ yúu~ Abraham do lamí~ casí'r- lala: “Coo` lajee` lana, lajee` jii` ni'í, nigáa'túu, jo i dseamí quií'- i sii` Sara niliseeng` jaang` yuu` siñuu` quiá'r-.”

10 Dsu' o' jii~ e jo, co' lajob cajméer` cajo cóo` i dseamí i sii` Rebeca do i caliséng` jiuung~ suung~ quiá'- . Jo i tiquiá'^ i jiuung~ í, íb` i líng` 'lii~ yúu~ quií'-ii' i sii` Isáa'. 11-13 Jø ná'-gui e niliseeng` i jiuung~ dsea` suung~ do, lajee` e ná'-gui e ja` mí cajméeiñ` do jii~ coo` e guiá- osi e ja` dseeng` é, jo lajii~ latí` ie~ job cajíng'- Fidiée` lala e casí'r- i Rebeca do: “I jiuung~ dsea` suung~ i niliseeng` quií'- nifí, íbing' i nijmé- ta~ quiá'- i jiuung~ i niliseeng` cøøng`guijia do.” Jø røøb` cøøng` e júu^ na lí'^ laco' la fé' Fidiée` fí` ni~ jì` quiá'r- lí` fé' lala: “Jø eáang` cajmi'neáang` jnea~ i Jacóo^ do, dsu' ja` cajméee` lajo cóo` i Esaú do.” Jø cóo` e júu^ na jmita~ dsi'naa' e 'ñiab' Fidiée` sea` fí` quiá'r- e niguiñ` dsea` i iñ~ i ni'uíng- dsea` quiá'r- lí'^ laco' iñ~ e nijméiñ'- do, jo ja` e líí` su nicajméer` e guiá-

osi e ja` mí cajméer` lajo é.

14 Jo uíi~ jalé` e na ja` cuøøng` lí fe`ee' fa' e Fidiée` ja` ñr` í` røø` laco' catíng~ , jco' dseáng`- o' lajo! 15 Co' lalab cajíng`- Fidiée` ie~ malí~gui do, ie~ lamí~ casí'r~ Moi~ lala: “Guiúm~baa nijmee~e cóo'~ lajaléng` dsea` i iin~n nijmee~e cóo'~ lajo, jogui nilíb` fi` lín~n cajo cóo'~ jaléng` i iin~n i nijmee~e cóo'~ lajo.” 16 Jo lajob líí, co' 'ñiab` Fidiée` i fi` líng` dsea` lí` jialco' iin~ e nijmér~ cóo'~ lajaang` lajaang` dsea`. Co' ja` jmóor` jialco' iing~ dsea` o'gui jialco' bí cuø' yaang~ dsea` cajo. 17 Jo lanab líí e júu` na lí` laco' la fé' fi` ní` jì` quiá'- Fidiée` lí` sí'r` i dseata~ dsea` féng' quiá'- Egipto ie~ malí~gui do, ie~ lamí~ cajíñ'- lala: “Cacuøø`-ø` 'nu` e lín' dseata~ dsea` féng' e laco' nilíñí' dsea` fí' la'úng` fí' jmígüí` jial tíí e 'gøng' jnea~, jogui e nilíñí' dsea` cajo e jíí'~ jneab~ lín`n Fidiée` quiá'- lajaléng` dsea` i seeng` fí' jmígüí`.” 18 Jo lajob líí, co' Fidiée` fi` lím~bre jaléng` dsea` i iin~ nijmér~ cóo'~ lajo, jogui jmóo`bir cajo e ue` dsíí` jaléng` i dsea` i ja` iing~ ninú` júu` quiá'r`.

19 Jo uíi~ e júu` na, joba' cuøøm` sea` lí` jmingíi` 'nu` jnea~ lala: “¿Jialí' cuø' Fidiée` jneaa~aa' dsee~ cóo'~ jalé` dsee~ e ee~naa'? Co' jíí'~ jaang` cuøøng` lí` jníng` jalé` e iing~ dsea` do e nijmér~.” 20 Jo dsu' jnea~ fíi`-i 'nu`, dsea` lín' jíí'~ dsea` jmígüí`, e ja` sea` fí' quiá'- fa' e nífi` Fidiée` e~ uing~ sea` quiá'- jalé` e jmóor`. Cofa' coo` tu' ja` fí' sea` quiá'- fa' e nísi` i dsea` i cajmée` do: “¿Jialí' cajmeaan'- jnea~ lala?” 21 Co' i dsea` i jmóo` tu' do seab` fí' quiá'r` e nijmér~ doñí' ee` iin~ cóo'~ e guóo' e jmáíñ' ta` do. Co' cóo'~ e guóo' job cuøøng` lí` jmér~ coo` tu'

e nijmeáiñ' ta~ jíi' mĩ~ jmĩ~ niing- osi e nijmér-  
cōo'gui e nijmeáiñ' ta~ lacoō' jmĩ~ lacoō' jmĩ~ é.

22 Jo Fidiée' cali'iiñ~ e nijmijnéeiñ' jial tíi' 'gøiñ'  
jogui jial e nicuø'r- iihuí' jaléng' dsea` uíi'~ quiá'-  
jalé' dsee- quiáiñ'-; jo dsu' ja` mí' cajméer' lajo uíi'~  
e eáang' jmóor' té'r' e féng' dsír' cōo'~ jaléng' i dsea`  
i catíng- ni'íng' e iihuí' jo jogui i catíng- ni'íng-  
conguia' fí lí' lí'~. 23 Jo Fidiée' iñ~ e jmili~bre cajo  
cōo'~ jneaa~aa' jial tíi' jlo'~ niing- 'gøiñ' cōo'~ jalé'  
e quí'r~ jmĩ~ jmóor', cō' cali' fí' líiñ~ jneaa~aa',  
joba' latí' mĩ~ uiim~ caguiéeiñ' jneaa~aa' guiá'- e  
laco' nilisee~naa' cōo'r~ fí' lí' niing- 'gøiñ'. 24 Jo  
nicatø'- Fidiée' jneaa~aa', dsea` i eáang' 'neáiñ', e  
laco' nica'uíng~naa' dsea` quiá'r~, jo ja` ee' lí' si  
lí'naa' dsea` Israel osi ja` lí'naa' lajo é. 25 Jo lajob  
lí' lí'~ laco' la fé' Fidiée' fí' ni~ jì' e cajme' Oseas ie~  
malĩ~gui do ie~ lami~ café' Fidiée' lala:

Jaléng' dsea` i ja` mí' calíng' dsea` quié'-e,  
dsu' lana nifíi'ire e dsea` quié'-baa nilíiñ';  
jogui jaléng' dsea` i ja` mí' cajmi'neáan`n lami~  
jéeng'gui,  
dsu' lanagui nijmi'neáam`baa jaléng' í'.

26 Jo fí' ni~ e jì' job cajo fé'gui Fidiée' lala:  
Cartí' lana ja` líng'na' dsea` quié'-e,  
jo dsu' lanagui jóo'baa nilíng'na' quié'- jnea~,  
dsea` lín'n Fidiée' i seeng' car`ngongí' jmĩ~.  
Jo lanab lí' júu^ quiá'- Fidiée' e cajme' Oseas.

27 Jo lalab fé' Saíi^ fí' ni~ jì' quiá'- Fidiée' cuaiñ~  
quiá'- jaléng' dsea` Israel:

Nañí' fa' jialgui la fíng' jaléng' dsea` Israel  
lí' laco'gui la jmigui' tóo'~ e née' fí' 'ni'~ jmĩñí'^,

jo dsu' jíí'~ tú'~ 'ní' mím'~bing' i nilí' nileáng' jee~  
jalé' iihu' e nijaquíéeng'.

28 Co' jo' huøø' nidsé' gui e dseáng'~ nijmiti~ Fidié'~  
laco' sí'í' e 'goo' e nica'íir' lami~ jéeng'gui  
quíá'~ lajaang' lajaang' dsea' jmigüí'.

29 Jo lalab café'gui Saí' ie' malí' gui do cajo:  
Jo faco' Fidié' i quí'~ jmí'~ jmé' doñí' ee'  
ja' caseáaiñ' tú'~ 'ní' m'ing'~ dsea' siju'naa',  
dsea' Israel,  
joba' dseáng'~ conguiab' nica'íiñ'~ jnea'^ jóng  
lí'^ laco'gui cajméer' cóo'~ jaléng' dsea' i  
caliséng' fí' Sodoma cóo'~ gui fí' Gomorra.  
Jo lanab fé' Saí' fí' ni~ jì' quiá'~ Fidié' e cajme'r'  
ie' malí'~ gui do.

*Catím' dsea' Israel júu^ quiá'~ Dsea' Jmáng' cajo*

30 Jo uí'~ quiá'~ jalé' e júu' na, joba' nicuøøng' lí'  
fe' ee' lana e nica'ím' Fidié'~ jaléng' dsea' i ja' líng'  
dsea' Israel e niliñ' do dsea' i ja' røøng' dsee' fí'  
quinir' dsu' uí'~ e já'~ calí'ñ'~ do júu^ quiá'~ dsea'  
do, nañí' fa' ja' cajméeiñ' do quijí' jial e ni'ing'  
Fidié'~ ír'. 31 Jo dsu' jaléng' dsea' i líng' dsea'  
Israel i eáng' cuø' bí' yaang' e jmitir' la'uiing'  
jalé' júu^ quiu' ta' e laco' ni'ing' Fidié'~ ír' e líiñ'  
dsea' i ja' røøng' dsee' fí' quinir', jo dsu' ja' calí'r'  
lajo. 32 Jo dsu' ja' calí'r' lajo uí'~ e cacuø' bí'  
yaañ' e jmitir' laco' catíng' e júu^ quiu' ta' do e  
laco' lajo ni'ing' Fidié'~ ír' e líiñ' dsea' i ja' røøng'  
dsee' fí' quinir'. Jo co' lajob cajmée' dsea' Israel,  
joba' cangongím'~bre e caquiuiñ'^ cóo'~ e cuu' e  
quiung' dsea'. 33 Co' lalab fé' fí' ni~ jì' quiá'~ Fidié'~  
lí' fé' dsea' do lala cuaiñ'~ quiá'~ Dsea' Jmáng':  
Niquiee' e cóo'~ cuu' fí' Sión,



jō cóo'~ e cuu~ jō seem` dsea` ì niquiung'~.  
 Jō dsu' jaléng' dsea` ì já'~ líng` júu^ quiá'~ Fí'naa'  
 Dsea` Jmáang~,  
 jōba' ja` niligøøiñ` cóo'~ e jō,  
 cō' Dsea` Jmáam~bing' líng' lafa' e cuu~ do.

## 10

<sup>1</sup> Dsea` rú'naa' dsea` quiá'~ Dsea` Jmáang~, e labá' iin~n car` ngocáng` dsii~ jōgui mii'~i Fidiéé~, e jaléng' dsea` góó'o dsea` Israel nileáiñ` jee~ jalé' dsee~ quiá'r~. <sup>2</sup> Jō jnea~ fá'^a uí'~ quiá'r~ e eáam' iin~ nijmér~ lajji'~ e iing~ Fidiéé~, lifa' ja` jmóor` dseáng'~ laco' iing~ 'ña' Fidiéé~ e nijmé~ jaléng' dsea` quiá'r~. <sup>3</sup> Dsucō' ì dsea` î ja` iin~ ningáiñ' jial e íng' Fidiéé~ dsea` e liiñ' do dsea` ì ja` røøng` dsee~ fí' quinir~. Jō cō' lajōb líiñ', jōba' yaam~bre 'nó'r jial e ni'íng' dsea` do ír' la'eáang' cóo'~ jalé' e la tiiñ` yaaiñ~, jō cab' 'náaiñ` jalé' e nicagua' Fidiéé~ uing~ e nilí' dsea` lajō. <sup>4</sup> Jō Dsea` Jmáam~bing' ì ca'íng~ bí quiá'~ e júu^ quiá' ta~ do e laco' doñí' ì dsea` ì já'~ líng` júu^ quiá'r~ nilí'r e ni'íng' Fidiéé~ ír' e líiñ` jaang` dsea` ì ja` røøng` dsee~ fí' quinir~.

<sup>5</sup> Jō lalab cajme' Moi~ ie~ malii~gui do cuaiñ` quiá'~ e íng' Fidiéé~ dsea` e líng' dsea` ì ja` røøng` dsee~ fí' quinir~ la'eáang' e jmitir~ e júu^ quiá' ta~ do, jō lalab fé' e júu^ jō: “Jaléng' dsea` ì jmiti~ dseáng'~ røø` contøøng~ e júu^ quiá' ta~ quiá'~ Fidiéé~, jōba' la'eáang' cóo'~ e jōb niliseeiñ` cajo.” <sup>6</sup> Jō dsu' lalab fé'gui cajo fí' ni~ ji' quiá'~ Fidiéé~ cuaiñ` quiá'~ jial ni'íng' Fidiéé~ dsea` e líng' dsea` ì ja` røøng` dsee~ fí' quinir~ uí'~ e nijá'~ calíñ'~ júu^ quiá'~ dsea` do, jō lalab fé' e júu^ jō: “Jie~ mí' í' o' e

júu^ la: ¿I seeng` i cuóøng` nidséng`- fí` ñiff`?” — co' fíng song í' o' lajo, joba' nijmoo` jóng e lafa' nijgiáam` Dsea` Jmáang`- fí` lí` guiiñ` . 7 Osi í`bi o' é: “¿I seeng` i cuóøng` nijgiáang` fí` lí` neáang` jaléng` 'lí`?” — co' fíng song í' o' lajo, joba' nijmoo` jóng e lafa' nijjb'tu` Dsea` Jmáang`- calé` catú` . 8 Co' lalab fé`gui fí` ni` jì` quiá`- Fidiéé` : “Jo quiáb`- seeng` cóo`~ 'nú` e júu^ quiá`- Fidiéé` lí` lacó' la fól`na' jogui lí`^ lacó' í' óó`na' .” Jo e júu^ nab e guia`naa' jee` 'nú` e quiá`- jial já`- líng` dsea` júu^ quiá`- Dsea` Jmáang` . 9 Jo e júu^ job e la, e song fól` fí` quini` dsea` e Jesús líiñ` Fíi` jogui já`- líi` car` ngocáng` o' e Fidiéé` cajmijj`r` dsea` do mi` cangí` e cajúñ` , joba' nileám` Fidiéé` 'nu` jóng jee` jalé` dsee`- quií` . 10 Co' la'eáang` e já`- lí`naa' e car` ngocáng` dsi`naa' e júu^ jo, joba' nilí`baa' e ni`íng` Fidiéé` jneaa`aa' e líi`naa' dsea` i ja` røøng` dsee`- fí` quini` , jogui nileám` Fidiéé` jneaa`aa' cajo jee` jalé` dsee`- quií`-naa' la'eáang` e fé`naa' fí` quini` dsea` e Dsea` Jmáam`-bing` i líng` Fíi`naa' .

11 Jo lalab fé`gui fí` ni` jì` quiá`- Fidiéé` : “Jo dsu' jaléng` dsea` i já`- líng` júu^ quiá`- Dsea` Jmáang` , joba' ja` quií`- jmiñ` fa' e nilitúng`- dsír` e já`- calíñ` e júu^ jo .” 12 Jo røøb` líi`naa' fí` quini` Fidiéé` , ja` ee` líi` su líi`naa' dsea` Israel osi ja` líi`naa' lajo é, co' jaam` Fíi`naa' Fidiéé` seeng` quií`-naa' lajñ`-naa' , jo jlob` cuó` dsea` do mi` ee`gø` mi' dsea` ír` . 13 Co' lalab fé`gui fí` ni` jì` quiá`- Fidiéé` cajo: “Jo jaléng` dsea` i mi' Fidiéé` e nileáang`- neiñ` jee` jalé` dsee`- quiá`r` , joba' lajob` nijmé` dsea` do .” 14 Dsu' ja` cuóøng` lí` mi' dsea` Fidiéé` song ja` mí` já`- líiñ` júu^ quiá`- dsea` do; jogui ja` cuóøng` fa' e nijá`- líng` dsea`

júu^ quiá'- Fidiéé' song ja` mí canú- guir e júu^ jo; jogui cajo ja` cuøøng` lí` núr- e júu^ quiá'- Fidiéé' do song ja` guí iì` seeng` fa' i nini'- e júu^ quiá'- dsea` do; <sup>15</sup> jogui ja` cuøøng` e nini'- e júu^ quiá'- dsea` do song ja` iì` seeng` guí fa' i nisíng- dsea` e nijmér- lajo. Jo lalab fé` fí` ní` jì` quiá'- Fidiéé' cuaiñ` quiá'- e júu^ na: "Dsíng'- ia' mĩ` güilíng- jaléng` dsea` i` quie' júu^ quiá'- Fidiéé'." <sup>16</sup> Jo dsu' jíi'~ tú- 'ní` mím'~ dsea` Israel i` já'- líng` e júu^ jo lí` laco' la fé` Saíi' fí` ní` jì` quiá'- Fidiéé' lí` fé'r` lala: "Fíi', jíi'~ tú- 'ní` míng'~ dsea` i` já'- nicalíng- júu^ quíi' e guía' jnea'." <sup>17</sup> Jo cuøøng` fe'ee' lana e la'eáang' e guía' dsea` júu^ cuaiñ` quiá'- Dsea` Jmáang-, joba' núu` dsea` e júu^ jo; jogui la'eáang' e núu` dsea` e júu^ jo, joba' já'- líiñ` e jo. <sup>18</sup> Jo uíi' joba' jmingii- jnea~ lala: ¿Su ja` mí canúu- dsea` Israel e júu^ cuaiñ` quiá'- Dsea` Jmáang- do? Mól' dseáng'- nicanúu-biñ'. Jo e jáb'- e jo, co' dseáng'- lajob nicalí- lí` laco' guí la fé` fí` ní` jì` quiá'- Fidiéé' lí` fé' lala:

Jo fí' latøøng- jmingüíb` nicanúu- dsea` júu^ quiá'- i` dsea` i` guía' júu^ quiá'- Fidiéé',

jogui fí' dseáng'- tí' lí' huíi' eáang' fí' ní' guóo'~ uó- nicanúu' júu^ quiá'r- cajo.

<sup>19</sup> Jo caléb' catú- jmingii- jnea~: ¿Su ja` mí cangám' bi dsea` Israel jalé' e júu^ jo? Mól' dseáng'- nicanangám' bre, co' lalab cajme' Moi' ie~ malii' guí do e fé' Fidiéé':

Jnea~ Fidiéé' nijmee~ e e jaléng' dsea` i` ja` líng' dsea` Israel ni' uíiñ- dsea` quie' e,

jo lajoba' nilí` dsihuíng' jaléng' dsea` Israel quiá'- jaléng' i` dsea` í.

Jogui nijmee~ e cajo e niligúing~ dsea` Israel quiá'-  
jaléng` i dsea` i` ja` 'goo` ngáng` do.

20 Jo eáam` lahuúing` fé` Saií` e júu` la li` fé` Fidiéé`  
lala:

Jo jaléng` dsea` i` ja` ca'nang`^ jnea~, cadsém`bre  
jnea~.

Jogui jaléng` dsea` i` ja` cajmingúing` jnea~,  
cajmijnéem` 'ñiá` a jee~ jaléng` í`.

21 Jo dsu` lalab cajme`gui Saií` e fé` Fidiéé` cuaiñ`  
quiá'- jaléng` dsea` Israel: “Contøøm~ caníi`~i  
guóo`o e jmicóo`~o` 'nú`, dsea` saang` óó`na` cóo`~  
jnea~ jogui dsea` i` ja` iing~ jmé~ núu`~ júu` quié`e.”

## 11

### *Mi~ cagúing` Fidiéé` jaléng` dsea` Israel*

1 Jo co` lajob líí, joba` lana jmingüi~ jnea~ lala: ¿Su  
Fidiéé` nicatiúum~bre jaléng` dsea` quiá`r~ dsea`  
Israel? ¡U~, dseáng`- o` lajo! Co` téé` óó`na` e dsea`  
Israel líng` jnea~ cajo, jo dsea` siju` 'lii` yúu`~ Abra-  
ham lín`n, jogui jee~ 'lé` quiá'- Mim~ iuun~ cajo.

2 Jo Fidiéé`, lajii`~ lati` mi~ uiim~, caguíñ` jaléng`  
dsea` Israel e laco` ni`uúíñ`- do dsea` quiá`r~, jogui  
cartí` lana jii`~ coo` ya` ja` mí` catiúung~neíñ` do  
cajo. Co` líí` dsii~ e guiáb~ ñí` 'nú` lajii`~ e cajíng`-  
Líí`, jaang` i` café` cuaiñ` quiá'- Fidiéé` ie~ malii`gui  
do, ie~ lamí~ caféíñ` Fidiéé` e ca`nñiñ` jaléng` dsea`  
Israel lala: 3 “Fíi`, nicajngam` dsea` jaléng` i` dsea`  
i` fé` cuaiñ` quií`-, jogui nicajgiéem~bre jalé` nife`  
quií`- li` jmiféng` dsea` 'nu`; jo lajii`~ jneab~ dsea`  
quií`- i` ja` mí` cajngang` dsea`, jo dsu` lajob iíñ`  
nijmér~ cóo`~ jnea~ cajo.” 4 Jo dsu` lalab cañíi`  
Fidiéé` quiá'- i` Líí` do jo casí`-reiñ` do lala: “Líí`,

dsu' o' jii~ 'nu` dsea` quié~ e i seeng`gui lana, co' seem`bi`guié~ milgui dsea` quié~ e i ja` mí` casí` uó~ jni~ e jmiféiñ' i dié~ dseacu~ i sii` Baal.” <sup>5</sup> Jo lajob lí` lana cajo, co' seem`bi`tú~ 'ní` m`ing~ dsea` Israel i nicaguíng` Fidié~ e laco' niliñ~ do dsea` quiá`r~. Jo nicali~ lajo uí~ e eáang`'neáang` Fidié~ jaléng` i dsea` í. <sup>6</sup> Jo Fidié~ nicaguíng`'neiñ' do uí~ e eáang`'neáam`breiñ' jo o' uí~ cóo~ jalé` e nicajméeiñ` do. Co' faco' nicaguíng` Fidié~ jaléng` i dsea` do la'eáang` cóo~ jalé` e nicajméeiñ` do, joba' cuóøng` fe`ee' jóng e e eáang`'neáang` Fidié~ jneaa`aa' do jo` cuø`guir lí` tá~ cuø` e íaang` dsír` jóng.

<sup>7</sup> Jo lalab lí`, ja` calí~ dsea` Israel e ni`uíiñ~ dsea` quiá~ Fidié~ lí` laco`gui jii~ e 'nó`r. Jo dsu' i dsea` i caguíng` Fidié~ 'ñia`r` do, calí~ í e ca`uíiñ~ dsea` quiá~ dsea` do. Jo dsu' jaléng` i dsea` caguiaang`gui do cali`ueb` moguir~, co' ja` iñ~ fa' canúur~ júu` quiá~ Fidié~. <sup>8</sup> Jo calí~ lajo lí` laco' la fé` fí` ni~ jì` quiá~ Fidié~ lí` fé` lala: “Jo Fidié~ cajméer` cóo~ jaléng` dsea` Israel e ue` moguiñ~ e laco' ja` ningáiñ` laco' cat`ng~, jogui cajmée`bre jminiñ~ cajo e lafa' ja` cuóøng` nijóøiñ~ jogui loguaiñ~ cajo e lafa' ja` cuóøng` ninúiñ~.” Jo lanab líng` i dsea` í cartí` lana. <sup>9</sup> Co' lalab fé`gui fí` ni~ jì` quiá~ Fidié~ e cajíng` dseata~ dsea` féng` Daví`:

Mí~ i`nu`, Fidié~, e lajee` e seáng` rúng` dsea` góo`o dsea` Israel e gø`r` ir~ colíng` jii~ laco' quí` t`iñ~,  
jo lajee` jo, lajee` jii~ e ja` lí`bre,

mí~ e ni`uíing` ga` quiá`r~ e laco' nitéiñ` fí` ni~ dsee~,

jo lajoba' ni`iñ` iihu` laco' cat`ng~.

10 Jogui m̄i'î 'nù' cajo, Fidiéē, e lafa' güijnîb̄  
jminir̄ e laco' ja' cuóøng` nijóør̄  
jogui e lafa' nijúm'⁻ mocóo'r̄ congua'.

*Mī caleáng` Fidiéē jaléng` dsea` i ja` líng` dsea`  
Israel jeē jalé` dseē quiáin̄`*

11 Jo lana nijminḡītúu calé` catú⁻: Jo mī  
caquiung` dsea` Israel, ¿su dseáng`⁻ conguiab`  
ca'naaiñ` quiá' Fidiéē? Ū, dseáng`⁻ o' lajo. Jo dsu'  
mī cajmée` dsea` Israel saang` dsír' cóo`⁻ Fidiéē,  
jo e jo cali'íng⁻ ta~ e laco' jaléng` dsea` i ja` líng`  
dsea` Israel nitíin̄⁻ e nileáng⁻ Fidiéē ír` jeē jalé`  
dsee⁻ quiáin̄⁻. Jo lajoba' eám' nilí dsihuúng`  
jaléng` dsea` Israel quiá'⁻ jaléng` i dsea` î uí'⁻ e  
lajo nicajmée` Fidiéē cóoiñ` do. 12 Jo co' saam`  
dsí' jaléng` dsea` Israel cajméer` cóo`⁻ Fidiéē, joba'  
dseeb⁻ ca'éer`. Jo dsu' e jo eám' cali'íng` ta~ e  
laco' ca'uíng⁻ guiá⁻ quiá'⁻ jaléng` dsea` jmigüī. Jo  
nañi' fa' ja' cali'⁻ dsea` Israel e ca'íng` Fidiéē ír',  
dsu' eám' guiá⁻ nica'uíng⁻ quiá'⁻ jaléng` dsea` i ja`  
líng` dsea` Israel. Jo co' lajob lí', joba' cuóøng` lí  
fe'ee' jóng e eáng`gui guiá⁻ ni'uíng⁻ quiá'⁻ jaléng`  
dsea` i ja` líng` dsea` Israel ie~ lamí~ nijá'⁻ líng`  
jaléng` dsea` Israel júu` quiá'⁻ Fidiéē.

13 Jo dsu' sea'bi júu` e 'né` fí'î 'nú', dsea` ja`  
líng`na' dsea` Israel. Jo Fidiéē`bing` i nicasiing`  
jneá~ e laco' niguiaa⁻ júu` quiá'r⁻ jeē jaléng` 'nú'.  
Jo jnea~ eám' jmí'goo` e ta~ e nicangín`n quiá'⁻  
dsea` do. 14 Jo uí'⁻ e jmóo`o lajo cóo`⁻ ta~ quié`e,  
joba' jnea~ iin`n e faco' lajogui nilí'î e ni'íng`  
jaléng` dsea` góo`o dsea` Israel e nileáiñ` jeē jalé`  
dsee⁻ quiá'r⁻. 15 Jo uí'⁻ e nica'náam` 'ñia' Fidiéē  
e seein̄` cøøng` cóo`⁻ dsea` Israel, joba' jaléng` dsea`

ἰ caguaang-gui nicali-bre e niseeiñ`juguiá- júu`  
 røø`còo~ Fidiée`. Jò dsu' mi~ ni'ing'tu Fidiée`  
 jaléng` dsea` Israel, e jò lí' lafa' mi~ jí'tu jaang`  
 'lii~. 16 Jò lajòb lí' e júu` na lí'^ laco'gui la lí' mi~  
 jmóo` dsea` iñi'^; cò' song la'uii~ e iñi'^ e nijmé-  
 dsea` do quiá'- e nicuø'r- Fidiée`, jòba' lajaléb' e  
 ca~ caguiee-gui do güeam'^ cajo. Jøgui song jmó`  
 quiá'- còo` 'ma` catíng- Fidiée`, jòba' güeam'^ cajo  
 e guo` quiá'- e 'ma` do.

17 Jò cuóøng` fe`ee' e ἰ líing` dsea` Israel líiñ`  
 lafa' guo` 'ma` ofii` e cajni` dsea` jò dsu' cahuib`  
 e guo` jò. Jò eáang` quiá'- e guo` e cahuí` do,  
 fi` jòb cajé' e guo` 'ma` ofii` e iáang` 'ñia' fi` jee`  
 mó'. Jò jaléng` 'nú', dsea` ja` líng`na' dsea` Israel,  
 'nú'bing' ἰ líng` lafa' e guo` e 'ma` ofii` jò. 18 Jò cò'  
 lajòb líng`na', jòba' fi~-guíi` 'nú' jie~ mí' í' óó'na' e  
 niing-gui' laco'gui e guo` 'ma` e nicahuí` do, cò'  
 song í' óó'na' lajò, jòba' 'né- e jmiguiéng`' óó'na' e  
 o' 'nú' ἰ se' e jmó` quiá'- e 'ma` do, cò' la'eáang` e  
 jmó` doba' e jí' 'nú', dsea` líng`na' lafa' guo` 'ma`  
 ofii` e ca'iaang` 'ñia' fi` jee` mó'.

19 Jò dsu' jangám- ni'í' o' jò nifo'^ lala: "Cahuib` e  
 guo` quiá'- e 'ma` do e laco' nija` jnea` ée` quiá'- e  
 lí' cahuí` do." 20 Jò e jáb'-, lajòb calí-, dsu' cahuib`  
 jalé' e guo` jò uíi~ e ja` já'- calíng- júu` quiá'-  
 Fidiée`. Jò dsu' 'nu, dsea` ja` lin' dsea` Israel, lafa'  
 casém'-ba' e fi` dse' e 'ma` jò uíi~ e já'- calín'- júu`  
 quiá'- Fidiée`. Jò cò' lajòb calín'-, jòba' ja` 'né- e  
 jmijløng` uø' uíi~ quiá'- e jò, cò' lí'^ lí' 'né- e ñiing`  
 o'. 21 Jò cò' ja` cajmée` Fidiée` féng`' dsír' còo~ e  
 guo` 'ma` e guita~ cajni` dsea` jòba' caquiá'bre, jò  
 cò' lajòb cajmée`guir còo~ e guo` jò, jòba' dseáam`

e nijmér- lajō cóo'~ 'nú' cajo. <sup>22</sup> Jō có' lajōb líí, jōba' ne~naa' jial tíí e guiúng- Fidiée~ lifa' híbre í' laco' catíng- mí~ eēgō jmóo' dsea` e ja` dseeng`. Jō có' lajōb líííñ, jōba' iihuíb' cacuø'r' jaléng' i dsea` i cajmée` saang` dsíí cóo'r~. Jō dsu' eáam' guiúíñ- cóo'~ 'nú', dsea` ja` líng'na' dsea` Israel, lifa' 'né- e seeng'na' e contøøng- já'- líng'na' júu^ quiá'-bre. Jō dsu' song ja` jmoo'na' lajō, jōba' dseáam'~ jóng e lafa' nihuíng'na' e fí dse' e 'ma' jō. <sup>23</sup> Jō song já'- nilíng' jaléng' dsea` Israel júu^ quiá'- Fidiée~ jogui e niqúí'- jíng'tu yaaiñ~ fí quini' dsea` do, jōba' caléb' catú- ni'uúíng-tur lafa' guo' quiá'- e 'ma' e lí~ cahuíñ' do. Có' quíib'~ Fidiée~ jmíi~ e nijmé-tur e niséng'-tur e guo' quiá'- e 'ma' e caquiur' do. <sup>24</sup> Jō có' 'nú', dsea` ja` líng'na' dsea` Israel, lafa' cahuíng'na' fí cóo' 'ma' ofíi e ca'íáang' 'ñia' fí jee~ mó', jō lafa' caséng'-na' fí cóo' 'ma' ofíi e guita~ cajní dsea` nañí fa' ja` jmóo're dsea` lajō, dsu' lajōb calí- cóo'~ 'nú'; jō có' lajōb calí- cóo'~ 'nú', jōba' eáang'guib ja` huíng' e lafa' niséng' tu Fidiée~ e guo' e nicaquiur' do quiá'- e 'ma' e guita~ cajní dsea`. Jō jalé' e guo' jō, íb' lafa' jaléng' dsea` Israel, jō ie~ mí~ nilí lajō, jōba' nisém'tu calé' e guo' quiá'- dseáng'- e 'ma' e guita~ cajní dsea`.

*Nileám'jaléng' dsea` Israeljee~ jalé' dsee- quiá'r- mí~ nití- e í' jō*

<sup>25</sup> Dsea` rú'naa' dsea` quiá'- Dsea` Jmáang-, iim~baa e ñí'na' e júu^ la quiá'- Fidiée~ e ja` mí ca- jmijnéeiñ lamí~ jéeng'gui e laco' lajō ja` nijmíjlong'^ yaang'na' e tíng'na' eáang'. Jō e lab e júu^ jō, e i lííng~ dsea` Israel eáam' nicajméer' laaiñ' cóo'~ júu^ quiá'- Fidiée~, jō dsu' calí- lajō e lí'^ laco' ni'íé' jíé'



jíi'~ si'í' 'né' tí' i dsea` i ja' líng' dsea` Israel i nijá'~ líng' júu^ quiá'~ Fidiée'. <sup>26</sup> Jo mi~ ningf e nidsijée' jalé' e jo cóo'~ jaléng' dsea` i ja' líng' dsea` Israel, joguiba' nileáng' jaléng' dsea` Israel jee~ jalé' dsee~ quiá'r'. Jo e na lí' lí' laco' la fé' fí' ni~ ji` quiá'~ Fidiée' lí' fé'r' lala:

Jo fí' Sión lí'~ nijáa' i dsea` i nileáng' dsea` jee~ jalé' dsee~ quiáin'~.

Jo íb' i nijé' jalé' e ja' dseeng' jee~ jaléng' dsea` siju' líi~ yáa'~ Jacóo'.

<sup>27</sup> Jo e nab e júu^ e nijmirøø- cóo'~ jaléng' í' mi~ nití' í' e ni'íin~n jalé' dsee~ quiá'r'.

Jo lanab jíi'~ lí' júu^ quiá'~ Fidiée'.

<sup>28</sup> Jo latí' jmíi~ na, i fíim' dsea` Israel 'ní' ním-bre Fidiée', có' ja' mí' calíin' júu^ quiá'~ dsea` do e quiá'~ jial laang' dsea` jee~ jalé' dsee~ quiá'r'. Jo lí' lajo e lí' laco' cuøøng' nijá'~ líng'na' júu^ quiá'~ Fidiée', 'nú' dsea` ja' líng'na' dsea` Israel. Jo dsu' mí' 'noo'bi 'neáng' Fidiée' jaléng' dsea` Israel dsu' uí' e caguíin' jaléng' dsea` áang' quiáin'~ do jogui e cajméer' júu^ tigua' cóoiin'~ do cajo. <sup>29</sup> Co' jalé' e cuø' Fidiée' lí' doñí' ii` dsea` jo` qui'~ jmíi~ fa' e niguí-tur calé' catú-, o'gui fa' e nitiúung-tur jaléng' i dsea` i nicatø'r- i nilíng' dsea` quiá'r'.

<sup>30</sup> Jo lami~ jéeng'gui jaléng' 'nú', dsea` ja' líng'na' dsea` Israel, eáam' cajmee~na' e saang' óona' cóo'~ Fidiée'. Jo dsu' lanagui, uí' e lajob nicajmée' cajo jaléng' dsea` Israel, joba' Fidiée' lana nifi' líiin' 'nú'. <sup>31</sup> Jo lajob nicajmée' dsea` Israel cóo'~ Fidiée' lana, jo dsu' calí- lajo cajo e lí' laco' lana nilí fi' líng- Fidiée' 'nú', dsea` ja' líng'na' dsea` Israel, jogui calí- lajo cajo e lí' laco' lajo nilí fi' líng-

Fidiée˘ jaléng˘ i dsea` Israel do. 32 Jo lajüim` dsea` jmiügüi` nicajméer` saang` dsíir` cóo˘~ júu` quiá˘- Fidiée˘, có˘ lajob si'í` quiá˘- dsea` do. Jo calí˘ lajo e lí˘ laco˘ mi~ nilicøøng`gui, nilí˘ fi˘ líng˘ Fidiée˘ lajaléng˘ i dsea` í˘.

33 Jo dseáng˘- ja` cøøng` cóo˘~ jial tíí e guiúng˘ Fidiée˘ cóo˘~ lajaléng˘ dsea` jmiügüi˘, jogui lajob cajo ja` cøøng` cóo˘~ jial tíí e tiiñ` ngáiñ˘. Jo jíi˘~ jaang` dsea` jmiügüi` quí˘r~ jmí~ fa' e ningáiñ˘ jial laco˘ jíi˘~ e í` dsíí dsea` do cóo˘~ jalé˘ e nijmér˘, jogui jial e nijmér˘ lajalé˘ e jo.

34 Co˘ lalab fé˘ Fidiée˘ fi˘ ni~ jì quiá˘r˘:

Jíi˘~ jaang` dsea` jmiügüi` quí˘r~ jmí~ fa' e niliñir` jialco˘ í` dsíí Fidiée˘

o˘gui cajo fa' e nijíñ˘ e~ jalé˘ e 'né˘ nijmé˘ dsea` do.

35 Jogui jíi˘~ jaang` dsea` jmiügüi` ja` ee` mí cacuø˘r` Fidiée˘ jéeng`gui

e laco˘ dsea` do nijmér˘ qui'` táa` cóo˘~ dsea` jmiügüi˘. Jo lanab líi` júu` quiá˘- Fidiée˘ e tóo˘ fi˘ ni~ jì quiá˘r˘.

36 Dsüco˘ lajaléb˘ e sea` fi˘ jmiügüi` Fidiée˘bing˘ i cajmée˘, jogui la'eáang` íbre e sea` jalé˘ e jo, jogui e quiá˘-bir líi` lajalé˘ e jo cajo. jJoba' car` ngongíi` jmíib~ 'né˘ e nijmiféng`naa' Fidiée˘!

Jo lajob 'né˘ nilíti˘.

## 12

*Jáang˘ yaang˘na' fi˘ jaguó` Fidiée˘ lafa' coo` feá˘-*

1 Dsea` rú˘naa' dsea` quiá˘- Dsea` Jmáang˘, uíi˘ e eáang` fi˘ líng˘ Fidiée˘ jneaa˘aa', jJoba' míi˘i` 'nú˘ jmi˘ee˘ e nijáang˘ yaang˘na' fi˘ jaguór` e líng˘na' lafa' coo` feá˘- e jíi˘, jogui e güeang˘na' e líng˘na' dseáng˘- jíi˘ e quiá˘-bre, jogui e jlo˘ nití˘ dsíir`

cajo; co' e nab feá' e 'né- nijí'~na' fí' quini` Fidiéé` e laco' nijmiféng'~naa're. <sup>2</sup> Jogui jie` mí' síng'~yaang'~na' e fí' ja` dseeng` lí' ngí' dsea` jmígüü` ñ seeng` jmíí` na, co' ja` 'né- jmée'~na' lajo. Co' lí' lí' 'né- e nicuø'~ fí' yaang'~na' e nilisíng`~ jialco' í' óó'na', jo lajoba' nilisíng`~ jialco' ee'~na' fí' jmígüü` la, jogui cajo e quíí'~na' jmíí` e niliñí'~na' e` e iing`~ Fidiéé` e nijmée'~na' lí'~ lajalé` e guiá'~ jogui e jlo'~ e tí' dsíí' dsea` do jogui cajo e røø` e ja` cøøng` cøø'~.

<sup>3</sup> Jo Fidiéé` nicacuø'r' jnea` cøø` ta` uíí'~ e lajo cali'íáang` dsír' cajméer` cøø'~ jnea`. Jo co' lajob cajmée'~guir, joba' fíí'~ í' 'nú', dsea` rú'~naa' dsea` quiá'~ Dsea` Jmáang~, e jíí'~ jaang` 'nú' 'né- ni'í'~ áá'na' e niing`~gui eáang` laco' jíí'~ e catíng`~ ni'í'~ áá'na' cuaiñ`~ quíí'~na'. Co' 'né- e ni'í'~ áá'na' jíí'~ laco' catím`~ lí'~ laco' jíí'~ tíí' e cangíng'~na' quiá'~ Fidiéé` e já'~ líng'~na' júu` quiá'r'. <sup>4</sup> Dsuco' la- jaang` lajaang` jneaa`~aa' seab` jmini`~naa' cøø'~gui loguá'~naa' jogui e jíé'~gui cajo, jo lacøø` e jo qui'~ii' jmaquíim' ta` íng`~ lacøø`. <sup>5</sup> Jo lajob líí' jneaa`~aa' cajo, dsea` líí'~naa' dsea` quiá'~ Dsea` Jmáang~, co' nañí' fa' fíím'~baa' eáang`, dsu' lafa' jaam` dsea` líí'~naa' ñ já'~ líng`~ júu` quiá'~ Dsea` Jmáang~. Jo ja` ee' líí' líí'~ líí'~naa' jmaquíing`~ lajaang` lajaang'~naa', dsu' lafa' jaam` dsea` líí'~naa' lajaléng'~naa'.

<sup>6</sup> Jo e cuø' Fidiéé` jneaa`~aa' e íáang` dsír' jmaquíim' nicangíng'~naa' lajaang` lajaang'~naa'. Joba' song nicacuø'r' jneaa`~aa' e tíí'~naa' guíá'~naa' júu` quiá'r` fí' quini` dsea` jíéng', joba' lajob 'né- jmó'~oo' lí'~ laco' jíí'~ tíí' e nicangíng'~na' e já'~ líí'~naa' júu` quiá'r'. <sup>7</sup> Jogui song nicacuø'r' jneaa`~aa' e nijmé'~naa' ta` e nijmicøø'~naa' dsea`

rú'naa', joba' lajob 'né- jmó'oo'. Jogui song nicangíng'naa' quiá'r- e tii'naa' e ni'é'naa' dsea` rú'naa' júu^ quiá'- Dsea` Jmáang-, joba' lajob 'né- jmó'oo' jóng. <sup>8</sup> Jogui song nicangíng'naa' quiá'r- e tii'naa' e nicuó'^naa' bí dsea` rú'naa', joba' lajob 'né- jmó'oo'. Jogui song nicangíng'naa' quiá'r- e nijmicóo'~naa' dsea` rú'naa' cóo'~ jalé' e sea` qui'naa', joba' lajob 'né- jmó'oo' e ngocáng` dsinaa'. Jogui song nicangíng'naa' quiá'r- e oo'naa' cóo' ta~, joba' eáam' 'né- e ñiing~ dsinaa' e nijmó'naa' e ta~ jo. Jogui song nicangíng'naa' quiá'- Fidiéé` e nijmicóo'~naa' jaléng' dsea` rú'naa' i li~ 'né- quiá'- lajo, joba' lajob 'né- jmó'oo' e iáang` dsinaa'.

*Jial 'né- seeng` dsea` quiá'- Dsea` Jmáang-*

<sup>9</sup> Jo fii-guúí 'nú', dsea` rú'naa' dsea` quiá'- Dsea` Jmáang-, dseáng'- e ngocáng` óo'ba' 'né- ni-jmi'neáang`na' dsea` rúng'na', jo o' lí'^ júu^ e fó'na' e jmoo'na' lajo. Jogui 'né- e 'ní' máam'ba' jalé' e ja` dseeng', có' lí'^ lí' dseáng'- jíí'~ e guiú'ba' 'né- ni-jmée^na'. <sup>10</sup> Jogui jmi'neáang`na' dsea` rúng'na' lí'^ laco'gui catíng- e jmóo` dsea` quiá'- Dsea` Jmáang-, jogui nijmi'goo` rúng'na' cajo.

<sup>11</sup> Jo ja` 'né- jmée^na' fíng'-na', có' lí'^ lí' 'né- e nicuó'^ bí yaang`na' e nijmée^na' jalé' ta~ e nicangíng'na' quiá'- Fidiéé`.

<sup>12</sup> Jo e iáang` óo'ba' 'né- seeng`na' la'eáang' e dseáng'- nitab~ óo'na' e niliseem'ba' cøng` cóo'~ Fidiéé` fí' ñiff- quiá'r- mi~ nití- e í' jo. Jogui 'né- e jmée^na' féng' óo'ba' cóo'~ jalé' fí'í' dsí' e dsingíng'-na', jogui cajo ja` 'né- tú'na' e fóng'na' Fidiéé`.

13 Jo jaléng<sup>l</sup> dsea` rúng<sup>l</sup>na' dsea` quiá<sup>l</sup>- Dsea` Jmáang<sup>-</sup> i li<sup>-</sup> sea`gò fi'í<sup>^</sup> dsíí<sup>l</sup> quiá<sup>l</sup>-, joba' 'né<sup>-</sup> e nijmicóo<sup>l</sup>~baa're jóng. Jogui íng<sup>l</sup>na' cóo<sup>l</sup>~ júu<sup>^</sup> røø` jaléng<sup>l</sup> dsea` i guilíng<sup>-</sup> fi' quií<sup>-</sup>na'.

14 Jogui mhí<sup>~</sup>na' Fidiéé<sup>~</sup> cóo<sup>l</sup> e guiá<sup>-</sup> uíí<sup>~</sup> quiá<sup>l</sup>- jaléng<sup>l</sup> dsea` i jmáng<sup>l</sup> 'nú<sup>l</sup> ga, jo dseáng<sup>l</sup>- lajob 'né<sup>-</sup> jmée<sup>^</sup>na' cóo<sup>l</sup>r~ jogui jie<sup>~</sup> mi<sup>~</sup> fó<sup>l</sup>na' júu<sup>^</sup> 'lí<sup>^</sup> uíí<sup>-</sup> quiá<sup>r</sup>-.

15 Jo jmi'íáang<sup>l</sup> óo<sup>l</sup>na' cóo<sup>l</sup>~ jaléng<sup>l</sup> dsea` rúng<sup>l</sup>na' dsea` quiá<sup>l</sup>- Dsea` Jmáang<sup>-</sup> i íáang<sup>l</sup> dsíí<sup>l</sup>, jogui jmee<sup>-</sup>na' fi'í<sup>^</sup> fíng seeng<sup>l</sup> i líng<sup>l</sup> lajo.

16 Jo røøb<sup>l</sup> 'né<sup>-</sup> seeng<sup>l</sup>na' jee<sup>~</sup> la'ó<sup>l</sup> 'nú<sup>l</sup>), dsea` líng<sup>l</sup>na' dsea` quiá<sup>l</sup>- Dsea` Jmáang<sup>-</sup>. Jo ja<sup>l</sup> 'né<sup>-</sup> e jmijløng<sup>l</sup> yaang<sup>~</sup>na', có<sup>l</sup> lí<sup>^</sup> lí<sup>l</sup> 'né<sup>-</sup> e seeng<sup>l</sup>na' e røøb<sup>l</sup> líng<sup>l</sup>na' laco<sup>l</sup>gui líng<sup>l</sup> i dsea` i ja<sup>l</sup> jmijløng<sup>l</sup> yaang<sup>~</sup> jee<sup>~</sup> jaléng<sup>l</sup> 'nú<sup>l</sup>. Jogui ja<sup>l</sup> güi<sup>l</sup>í<sup>^</sup> óo<sup>l</sup>na' e dseáng<sup>l</sup>- líng<sup>l</sup>na' dsea` i tiing<sup>l</sup> ngáng<sup>l</sup>. 17 Jo ja<sup>l</sup> jmoo<sup>l</sup>na' qui<sup>l</sup> táa<sup>l</sup> cóo<sup>l</sup>~ dsea` rúng<sup>l</sup>na' song ee`gò ca'léer<sup>l</sup> quií<sup>-</sup>na', có<sup>l</sup> 'nú<sup>l</sup> 'né<sup>-</sup> nijmi'úung<sup>l</sup>na' e nijmée<sup>^</sup>na' dseáng<sup>l</sup>- jmang<sup>l</sup>- e guiáb<sup>-</sup> cóo<sup>l</sup> doñí<sup>l</sup> i dsea` rúng<sup>l</sup>na'. 18 Jo jié<sup>l</sup> jíí<sup>l</sup> cartí<sup>l</sup> lí<sup>~</sup> quíí<sup>~</sup>na' jmíí<sup>~</sup> jmee<sup>-</sup>na' e niliseeng<sup>l</sup>na' juguiá<sup>-</sup> júu<sup>^</sup> røø` cóo<sup>l</sup>~ la-jaléng<sup>l</sup> dsea` rúng<sup>l</sup>na'. 19 Jo e laba' iin<sup>~</sup>n fí<sup>-</sup>guíí<sup>l</sup> 'nú<sup>l</sup>), dsea` rú<sup>l</sup>naa' dsea` quiá<sup>l</sup>- Dsea` Jmáang<sup>-</sup> i 'neáan<sup>n</sup> eáang<sup>l</sup>, e mi<sup>~</sup> ee`gò ca'lée<sup>l</sup> dsea` quií<sup>-</sup>na', ja<sup>l</sup> 'né<sup>-</sup> fa' e nicó<sup>^</sup>na' quií<sup>-</sup>na', có<sup>l</sup> ja<sup>l</sup> dseeng<sup>l</sup> e jmée<sup>^</sup>na' lajo; có<sup>l</sup> lí<sup>^</sup> lí<sup>l</sup> 'né<sup>-</sup> e nisée<sup>^</sup>na' fi' jaguó<sup>l</sup> Fidiéé<sup>l</sup> e júu<sup>^</sup> jo, có<sup>l</sup> íbing<sup>l</sup> i níí<sup>l</sup> í<sup>l</sup> laco<sup>l</sup> catíng<sup>-</sup>; có<sup>l</sup> lalab fé<sup>r</sup> fi' ní<sup>~</sup> jí<sup>l</sup> quiá<sup>r</sup>-: “Jneab<sup>~</sup> Fidiéé<sup>~</sup> dsea` catí<sup>n</sup>-n e níí<sup>~</sup> í<sup>l</sup> laco<sup>l</sup> catíng<sup>-</sup>, jo jnea<sup>~</sup>bing<sup>l</sup> i níqui<sup>l</sup> táa<sup>l</sup> dseáng<sup>l</sup>- laco<sup>l</sup> síí<sup>^</sup>.” Jo lanab jíí<sup>l</sup> líí<sup>l</sup> júu<sup>^</sup> e jíng<sup>l</sup>- Fíí<sup>l</sup>naa' Fidiéé<sup>l</sup> fi' ní<sup>~</sup> jí<sup>l</sup> quiá<sup>r</sup>- . 20 Jo lalab

fé'gui cajo fí ni~ jì quiá'r~: “Jō song jaang` dsea` ì 'ní' níng~ 'nũ` mî'r' 'nũ` e nidó'r~ osi e ni'í'r` é, jōba' 'né~ cuø`^ba're lajii'~ e mî'r' 'nũ` do. Jō mî~ nijme'` lajō, lajōba' nilî` í'` líng~ ì 'ní' níng~ 'nũ` do cóo'~ lajii'~ e jmóor` cóo'~ 'nũ` do.” <sup>21</sup> Jō jie~ mî~ cuøng` uø' fa' e jalé' e ja` dseeng` nilí' 'nũ`, co' la'eáang` e jmoo' jalé' e guiá~, lajōba' nilí' jalé' e ja` dseeng` do.

## 13

<sup>1</sup> Jō e laba' iin~n fii-guú 'nú', dsea` rú'naa' dsea` quiá'~ Dsea` Jmáang~, e lajiim` 'nú' 'né~ jmée^na' núu'na' jalé' ta~ quiu' dseata~ ì seeng`. Dsũco' Fidiée`bing' ì nicacuø' e ta~ jō quiá'~ jaléng` dseata~, jōgui cajo 'ñiab' Fidiée` dsea` nicaguiar` uing~ e seeng` jaléng` í. <sup>2</sup> Jō co' lajōb líí, jōba' jaléng` dsea` ì jmóo` laang` cóo'~ lajii'~ ta~ quiu' dseata~, jōba' ja` jmóor` núu'r~ jóng lajii'~ ta~ e nicaguiu' Fidiée`. Jō jaléng` dsea` ì jmóo` lajō, jōba' yaam~bre 'nó'r` e nidsijée` huúng` quiá'r~, co' iihuú'b` ni'íñ'. <sup>3</sup> Dsũco' jaléng` dseata~ ja` seeiñ` fa' e niféiñ` jaléng` dsea` ì jmóo` jalé' e guiá~, dsũco' jaléng` dsea` ì jmóo` ga`bing' ì nijmeáiñ` lajō. Jō song 'nũ` iin'~ e niliseen' e ja` 'gón` dseata~, jōba' 'né~ e ni'ee'~ e guiáb~ jóng, jō lajōba' nifé' dseata~ guiá~ uii~ quí'-. <sup>4</sup> Co' Fidiée`bing' ì caguíng` jaléng` dseata~ e laco' nijmicóo'r~ 'nũ`. Jō dsu' song jmoo' jalé' e ja` dseeng`, jōba' 'né~ jme'` 'gó'ba' cóo'r~ jóng; co' e líng~ ta~ba' e quie' dseata~ 'ma'u` quiá'r~, co' cóo'~ e jōba' e cuø' li` ee` ta~ óor`, co' 'ñiab' Fidiée` dsea` cacuø'r` dseata~ e óoiñ` do ta~ e laco' nicuø'r~ iihuú' jaléng` dsea` ì jmóo` laang` lajii'~ ta~ quiu'r'. <sup>5</sup> Jō uí'~ e lajōb líí, jōba' dseáng'~

lagúim`'né- e nijméé`^núu`~ jalé`'ta~ quiu`' dseata~, dsu`' o`' fa' e laco`' ja` ni`ín`~ iihuú`', co`' uóø`'ba' 'né- e ni`í` o`' e dseáng`- e guiá`-ba' e nijméé`^ lajo. <sup>6</sup> Jo uing` e lajob cajo, joba' quú`' 'nu` cuu- e mí` dseata~; dsuco`' Fidiée`'bing`' i caguíng`' jaléng`^ dseata~, joba' júi`~ jo ta~ quiá`-bre e quiá`- e quiu`'r` ta~.

<sup>7</sup> Joba' fí`-guú`' 'ná`, dsea` rú`'naa' dsea` quiá`- Dsea` Jmáang`-, jmití`'na' lajúi`~ e catúng`-na'; joba' cuóø`'na' jaléng`^ i dsea` i óo`go ta~ lajúi`~ e catúíñ`- e ni`íñ`-, fa' jaléng`^ i catúng`- e ni`íng`^ jalé`^ cuu- e soo` fí`, joba' qui`na' e jo; jogui jalé`^ e cuu- e quiá`- ee`go ta~ jmoo`na' osi ee`go sea` qui`na', joba' qui`na' e jo cajo. Jogui jmi`goo`na' jaléng`^ dsea` i óo`go ta~, co`' lajob catúng`- e nijméé`^na', jogui jmfíéng`^na' lajaléng`^ dseata~ laco`' catúng`- cajo.

<sup>8</sup> Jo ja` jmirøøng` yaang`na' cóo`~ júi`~ jaang` dsea`, co`' lí`^ lí` 'né- e nijmi`neáang`na' dsea` rúng`^na'; dsuco`' i dsea` i jmi`neáang` dsea` rúng`^ ni`cajmiti`-bre røø` lajúi`~ júu`^ quiu`' ta~ e cajme`' Moi. <sup>9</sup> Jo lalab fé` e júu`^ quiu`' ta~ do: "Ja` 'lee`^ e nigüín`^ cóo`~ dseam`^ osi dseañu`^ i o`' qui`- , jogui jie` mí` jngán`^ dsea` rún`^, jogui ja` jmoo`^ ñ, jogui ja` fó`^ júu` ta~ júu`^ e laco`' ni`léé`~ quiá`- dsea` rún`^, o`'gui jmoo`^ dsihu`#n`^ quiá`- jaléng`^ dsea` rún`^ cajo." Jo jalé`^ e júu`^ quiu`' ta~ na cóo`-gui jalé`^gui e júu`^ quiu`' ta~ e caguíee`-gui do dseáng`- lalab júi`~ lí` cóo`~ e júu`^ quiu`' ta~ e fé`^ lala: "Jmi`neáang`^ jaléng`^ dsea` rún`^ lí`^ laco`'gui jmi`neáan`^ uø`'." <sup>10</sup> Dsuco`' i dsea` i jmi`neáang`^ jaléng`^ dsea` rúng`^, jmang`- jalé`^ e guiáb`- jmóor` cóo`~ jaléng`^ i dsea` í. Co`' mí` jmi`neáang` dsea` rúíñ`^ dseáng`- laco`' sí`í`^, joba`

jmiti~bre laco' fé' jalé' júu^ quiu' ta~ e cajme' Moi~.

11 Jo sea`bi uing~ quiá'- e nijmé^naa' lajo, co' dseáng'- 'né- e ñí^baa' guiá- jialco' nilí' e see~naa' jmí~ na, jogui cajo 'né- e ñí^baa' e nicatib` í' e nijmijnée` dsinaa' contøøng-. Co' dseáng'- nijaquiéem' e jmí~ e nijáa`tu Fíinaa' Dsea` Jmáang- fí' jmigüí la e laco' nitøør` jneaa`aa', dsea` i nicaleáaiñ` jee~ jalé' dsee~ quiá'- . Dsuo' lana dseáng'- niquiá'-gui e jmí~ jo laco'gui ie~ lamí~ já'- calí-naa' júu^ quiá'r-. 12 Co' lana nilí' lafa' e tí lí~ nijneá, co' nijaquiéem' e jmí~ jo; joba' 'né- e nitá^baa' jalé' e ja` dseeng` e lamí~ jmoo~naa' e quí' títng` dsea` jmóor` fí' lí~ nuu, co' ja` 'né- jmó`oo' lajo. Co' lí' lí' 'né- e nijmó`oo' jalé' e quí' títng` dsea` jmóor` fí' lí~ jneá, e jmáang~naa' ta` jalé' e nicacuø' Fidiée` jneaa`aa' e laco' nijmi'øng` yee~naa' lí' laco'gui jalé' e jmáang~naa' ta` jaang` 'lée- mi~ dséer' fí' jee~ 'nií. 13 Jo contøøm- 'né- ee~naa' røø laco' catítng- lí' laco'gui la jmóo` dsea` i seeng` fí' lí~ jneá; co' ja` 'né- e jmó`oo' fa' e seáng'- rú'naa' e nidsi'né^naa' méé` osi e nidsé`ee' lí~ tí jmí~ e ta' dsea` mí' eáang', osi e güi'naa' cóo~ dseañu` osi dseamí` i o' quí-naa', osi lí' doñí' ee` e 'lí' e jíe'gui é, o'gui e jmoo~naa' ta` jítng` osi ta` dsihuítng` quiá'- dsea` rú'naa' é. 14 Co' o' lajo e 'né- jmée^ 'nú', co' lí' lí' 'né- e teá'gui nisítng'-na' cóo~ júu^ quiá'- Fíinaa' Dsea` Jmáang- e jmáang~na' ta` jalé' e jmí'øng` yaang~na' e nicacuø'r' 'nú' lí' laco'gui jalé' e jmí'øng` 'ñia' jaang` 'lée-. Jogui ja` 'nó'na' jial e nijmi'íáang` óo'na' cóo~ jalé' e ga` e lí' óo'na' e sea` fí' jmigüí la.



## 14

*Ja`en' dsea`rún' dsea`quíá' Dsea`Jmáang`*

<sup>1</sup> Jo fíi`guíi`'nú', dsea`rú`'naa' dsea`quíá' Dsea`Jmáang`, íing`na' røø`jaléng` dsea`quíá' Dsea`Jmáang` i ja`mí`'goo`teáng` teá`còo` júu`quíá' dsea`do, jo ja`jmoo`na' ta`jíng`còo`r` uíi`quíá' jalé` e í`óó`na'. <sup>2</sup> Co' seem` dsea`quíá' Dsea`Jmáang` i í`dsíi` e cuøøm`lí`dø'r` lí`doñi` ee`jmiñi`, jogui`dsu` seem`bi`cajo i jia`bi`mí`teá`sing`còo`júu`quíá' Dsea`Jmáang` jo í`dsíi` e jíi`ja`ba`cuøøng`lí`dø'r`. <sup>3</sup> Jo co`lajob`líi`, joba`i dsea`quíá' Dsea`Jmáang` i í`dsíi` e cuøøm`lí`dø'r` lí`doñi` ee`jmiñi`, joba`ja`cuøøng`fa' e jmiñløng`'ñia`r` uíi`quíá' i dsea`rúíi` i gø`layaang`ja`do; jogui`i dsea` i í`dsíi` e cuøøm`lí`dø'r` layaang`ja`, joba`ja`cuøøng` e ni`éiñ` i dsea`rúíi` i í`dsíi` e cuøøm`lí`dø'r` lí`doñi` ee`jmiñi`. Jo dsu`quíá' Fidié`ja`ee`líi` e gø`dsea`lajalé', co`nica`ím`bre i dsea` i líng`lajo.

<sup>4</sup> Jo ja`dseeng`fa' e ni`éen`jaang`dsea`i jmóo`ta`quíá' jaang`gui`dsea`. Dsaco`cuaiñ`quíá' i fii`quiá' ta`quíá'r`dob song`ca`uíng`guiá`lajíi` ta`jmóor`osi`ca`uíng`ga`é. Jo dsu`guiáb`ni`uíng`quíá'r`, co`eám`'gøng`Fíi`naa' Dsea`Jmáang`, jo í`bing`i nijmicòo` e ni`uíng`guiá`quíá' i dsea`do.

<sup>5</sup> Jogui`cajo: Seem`dsea`quíá' Dsea`Jmáang` i í`dsíi` e niing`gui` e líng`jmiñ`, jogui`seem`bi`cajo i í`dsíi` e røøb`líi`lajalé` jmiñ`jo ja`sea`jmiñ`fa' e niing`gui. Jo dsu`lajaang`lajaam`dsea`'né` e ta`dsíi`røø`còo`lajíi` e í`dsíi`do. <sup>6</sup> Jo co`i dsea`quíá' Dsea`Jmáang` i í`dsíi` e niing`gui` e

lãng~ jmi~ jo jmóor` lajo e laco' nijmi'gór` Fíi`naa' Fidiée`. Jogui i dsea` quiá'- Dsea` Jmáang- i í dsíi' e cuøøm` lí dór` lí^ doñí ee` jmiñ` jo jmóor` lajo e laco' nijmi'gór` Fíi`naa' Fidiéeb` cajo, jogui cuø`bre gui'máang` dsea` do. Jogui i dsea` quiá'- Dsea` Jmáang- i í dsíi' e lajii` ja'ba' cuøøng` lí dór` jo jmóor` lajo e laco' jmi'gór` Fíi`naa' Fidiée` jogui cuø`bre gui'máang` dsea` do cajo.

<sup>7</sup> Jo jii` jaang` jneaa`aa', dsea` líi`naa' dsea` quiá'- Dsea` Jmáang-, see`-naa' la ne`naa' yee`naa' o'gui júung`-naa' la ne`naa' yee`naa' cajo. <sup>8</sup> Co' song see`-naa' fí' jmigüi` la, líi' lajo e laco' e jmi'goo`-naa' Fíi`naa' Dsea` Jmáang-; jogui song catí' í' e nijúu`naa', líi' lajo e laco' e nijmi'goo`-naa' Fíi`naa' Dsea` Jmáam- cajo. Jo ja' e líi' song see`-naa' fí' jmigüi` la o'si nijúu`naa' é, co' dsea` quiá'- Dsea` Jmáam- líi`naa'. <sup>9</sup> Jo cajúng- Dsea` Jmáang-, jo mi`cangí' jo, caji'tur calé` catú-; jo calí- lajo e laco' nilíiñ` Fii` qui`-naa', dsea` see`-naa' fí' jmigüi` la, jogui lajob líiñ` Fii` cajo quiá'- jaléng` dsea` quiá'r- i nicajúng-.

<sup>10</sup> Jo co' lajob líi', joba' ja' fí' sea` quií'- fa' e ni'éen` dsea` rún` dsea` quiá'- Dsea` Jmáang-, o'gui fa' e nijóøn`re e uóng`-gui cajo. Co' téé' óo`na' e lajaang` lajaam` jneaa`aa' 'né` ngiing`naa' fí' quini` Dsea` Jmáang- mi` tí' lí' nití- í' lajo e laco' dsea` do niquidsir' í' qui`-ii' laco' sí'í'. <sup>11</sup> Co' lalab fé' Fíi`naa' Fidiée` fí' ni` jì' quiá'r-:

Jnea` Fidiée` fá'-a e dseáng'- e já'-ba' e seen-,  
 jogui fí' quini`baa lí' nisí' lajãng` dsea` uø` jnir` e  
 laco' nijmiféiñ' jnea~,  
 jogui nijíñ'- e jii` jneab` Fidiée`.

Jō lanab fé' Fidiéé' fí' nî' jî' quiá'r'.

<sup>12</sup> Jō cō' lajōb nilí', jōba' lajaang` lajaam` jneaa~aa' 'né' e niguiéé^naa' júu^ fí' quini~ Fidiéé' mi~ tí' lí' nití' í' e niquidsir' í' qui~ii'.

*Ja`jmoo`e niténg`dsea`rún`fí`ni~dsee`*

<sup>13</sup> Jō cō' lajōb líí', dsea` rú'na' dsea` quiá'~ Dsea` Jmáang~, jōba' ja` 'né' e éeng~naa' jaléng` dsea` rú'naa'. Cō' lí' lí' 'né' e nijmi'úung`na' e ja` ni-jméé^na' jii'~ cōō' e ga` e dseáang'~ e niténg` dsea` rúng`na' fí' nî' dsee~ osi e nitár' e já'~ lííiñ` júu^ quiá'~ Dsea` Jmáang~ é. <sup>14</sup> Jogui jnea~, la'eáang' e lín'n jaang` dsea` i jmóo`o lajii'~ e iing~ Fíi'naa' Dsea` Jmáang~, jōba' eáam' nita~ dsii~ e lajaléb" e quiee~naa' e sea` fí' jmigüi' la jmang'~ e guiáb~ líí'. Jō dsu' seem` dsea` i í' dsíí' e seab' e ja` dseeng~, jōba' lajōb líí' dsu' lajii'~ quiá'~ i dsea` íb'. <sup>15</sup> Jogui song cōō'~ jalé' e cō'na' seem` dsea` rúng`na' dsea` quiá'~ Dsea` Jmáang~ i ja` tí' dsíí' jalé' e jmoo`na' do, jō song lajōb líí', jōba' lafa' ja` jmi'neáam`ba' i dsea` rúng`na' do jóng. Jō uíi'~ e lajōb líí', jōba' fíi' i 'nú' e ja` cuóøng` e cōō'~ jalé' e cō'na' nijmé~ e niténg` dsea` rúng`na' fí' nî' dsee~, cō' uíi'~ i dsea` íbing' e cajúng~ Dsea` Jmáang~ fí' dse' crúu'. <sup>16</sup> Jōba' fíi' i 'nú', ja` jmoo`na' jii'~ cōō' e laco' dseáang'~ e nifé' dsea` ga` uii~ quiá'~ jalé' e í' óo'na' e guiá'. <sup>17</sup> Jō mi~ Fidiéé' quier' nifí' qui~naa', jō quiá'gui ta~ qui~ii' fa' jalé' e quiee~naa' osi jalé' e 'né'naa' é, cō' e laba' e eáang'gui 'né' nijmó'oo' la'eáang' cōō'~ Jmiguí' quiá'~ Fidiéé', e see~naa' e jmoo~naa' laco' iing~ Fidiéé', jogui e see~naa' juguiá~ júu^ røø, jōgui e iáang` dsi'naa' cajo. <sup>18</sup> Jō i dsea` i jmóo` lana cōō'~ lajii'~ e ta~ e cangíiñ` quiá'~ Dsea` Jmáang~,

joba' i dsea`î jmi'iaam`bre dsí' Fidiée` jogui guiáb` fé` jaléng` dsea` rúin` uí` quiá'r` cajo.

<sup>19</sup> Jo lana fñ`i` 'nú', dsea` rú'naa', e contøøm` 'né` e nijmi'úung`naa' e nijmó`oo' jalé` e laco' nilisee`naa' juguiá` júu` røø` cóo`~ jaléng` dsea` rú'naa', jogui cajo e nijmicóo`~ rú'naa' e laco' nilí'naa' e teá'gui nisíng`naa' cóo`~ júu` quiá`- Dsea` Jmáang`. <sup>20</sup> Jo uí` cóo`~ jalé` e cø`na' ja` jmoo`na' e laco' dseáng`~ ni'íng` lajii`~ e jmoo` Fidiée` cóo`~ lajaang` lajaang` dsea` quiá'r`. Jo dseáng` e jáb`, guiáb` lajalé` e gø' dsea`, dsu' e doba' ja` dseeng` e song cóo`~ jalé` e cø`na' do nijmé` e niténg` dsea` rúng`na' dsea` quiá`- Dsea` Jmáang` fí` ni` dsee`. <sup>21</sup> Joba' guiá`gui e ja` cø`na' ngúu` o'gui u`na' jmi`^ mí`^ huíng` jø`^ o'gui jmée`na' jii`~ cóo` e laco' dseáng`~ e niténg` dsea` rúng`naa' dsea` quiá`- Dsea` Jmáang` fí` ni` dsee`. <sup>22</sup> Joba' fñ`i` 'nú' e jii`~ yaam`ba' 'né` ñí`na' fí` quini` Fidiée` jial tí' já`- líng`na' cuaiñ` quiá`- e jo. Jo eáam` juguiá` quiá`- i dsea` i ta` dsí' e guiáb` jalé` e jmóor`, co' ja` cuø' dsee` 'ña'r` lajee` e jmóor` lajo. <sup>23</sup> Jogui dsu' song sea` cóo` jmiñi` e ta` dsí' i dsea` î e ja` cuøøng` lí` dó'r` jo song cagó'r` e jo, joba' dseeb` ca'éer` jóng fí` quini` Fidiée`, co' dseáng` ja` tab` dsí'r` e cajméer` e guiá`- mi` cajméer` e jo.

## 15

*O' jii`~ uø'` 'né` jmi'iaang` o', co' lajob 'né` jme'` cóo`~ dsea` rún`*

<sup>1</sup> Jo fñ`-guí` 'nú', dsea` rú'naa' dsea` quiá`- Dsea` Jmáang`, e jaléng` jneaa`aa', dsea` eáang`gui teá` nitée`naa' cóo`~ júu` quiá`- dsea` do, 'né` e

nijmicóo'~baa' jaléng' dsea` rú'naa' i ja`gui teáng`  
 teá` cóo'~ e júu^ jo. Co' ja` 'né` jmó^oo' dseáng`  
 lajúi'~ e guiú` qui`naa' yee`naa'. <sup>2</sup> Jo lajaang`  
 lajaang` jneaa~aa' 'né` see`naa' e jmi'iaang`naa'  
 dsí' jaléng' dsea` rú'naa' e laco' ni'uíng` guiú`  
 quiá'r~, jo lajoba' cuøng` e teá`gui nisíñ'~ cóo'~ júu^  
 quiá'~ Dsea` Jmáang~. <sup>3</sup> Co' jì`gui Dsea` Jmáang~ ja`  
 ca'no'r~ jial laco' nijmi'iaang` dsír' ñia'r', co' lí^ lí  
 cangongúñ` jii'~ laco' fé` fí' ni` jì` quiá'~ Fidié` lí`  
 fé` lala: "Jalé" e ga` e café` dsea` uii` quií'~, jneab`  
 cangongúng` jalé" e jo." <sup>4</sup> Jo lajalé" júu^ e fé' fí' ni`  
 jì` quiá'~ Fidié` e cajme' dsea` lamali~gui eáng`  
 calí` lajo e lí^ laco' e' jneaa~aa' jialco' nijmó'naa'  
 té`ee' cóo'~ jalé" e huíng` e dsijé` qui`ií', jogui cuø'  
 jneaa~aa' bí cajo; jo lajoba' dseáng` nita` dsí'naa'  
 e nilisee`baa' cøøng` cóo'~ Fidié` fí' ñiff` quiá'r`  
 mî` nití` e í" jo. <sup>5</sup> Jo Fidiéeb` dsea` i cuø' jneaa~aa'  
 e jmoo`naa' té'naa' cóo'~ jalé" e dsingúng`naa' do  
 jogui e cuø'r' jneaa~aa' bí cajo. Jo uíi'~ e lajob líí,  
 joba' mii'~i dsea` do e güijmicóo'~bre 'nú' e laco'  
 røøb` niliseeng`na' lajee` la'ó' 'nú' lí^ laco'gui ca'ée`  
 Fí'naa' Dsea` Jmáang~. <sup>6</sup> Jo lajoba' nijmiféng'naa'  
 Fidié`, Tiquiá'~ Fí'naa' Dsea` Jmáang~, colíing`  
 lajii`naa'.

*Mi` canúu` dsea` i ja` lánng` dsea` Israel júu^ quiá'`  
 Dsea` Jmáang~*

<sup>7</sup> Jo lajob fii`guíi' 'nú', dsea` rú'naa' dsea` quiá'~  
 Dsea` Jmáang~, e íng'~ rúng'na' e íang` óo'na' lí^  
 laco'gui ca'íng' Dsea` Jmáang~ 'nú', jo lajoba' e  
 nijmiféng' dsea` Fidié`. <sup>8</sup> Jo jnea` fii`i' 'nú' e Dsea`  
 Jmáang~ cagüéñ` fí` jmigüí` la e laco' nijmicóo'r`  
 dsea` Israel. Jo calí` lajo e lí^ laco' cuø' lí` e dseáng`~

jmitib~ Fidiée~ júu^ quiá'r~ lí^ laco' júu^ e cacuø'r'  
 'lí~ dsea` áang' quí`ii', dsea` Israel, ie~ malí~gui do.  
 9 Jøgui cajá~bi Dsea` Jmáang~ cajo e laco' jaléng'  
 dsea` i ja` líng' dsea` Israel nijmiféiñ' Fidiée~ uí~ e  
 eáang' fí' líng~ dsea` do jaléng' i dsea` í lí^ laco'gui  
 la fé' fí' ni~ jì` quiá'- Fidiée~ lí~ fé' lala:

Jø nijmifén'n 'nù` jee~ jaléng' dsea` i ja` líng' dsea`  
 Israel,

jøgui nijmifén'n 'nù` cóo~ jalé' e øø~.

10 Jø lalab fé'gui cajo fí' ni~ jì` quiá'- Fidiée~:

jmi'liáang` óó'na', dsea` quiá'- Fidiée~ i ja` líng' dsea`  
 Israel,

colíng~ cóo~ jaléng' dsea` i líng' dsea` Israel!

11 Jø lalab fé'gui fí' ni~ jì` quiá'- Fidiée~ cajo:

Jmiféng'na' Fí'naa' Fidiée~ jaléng' 'nú', dsea` i ja`  
 líng' dsea` Israel,

i seeng` jalé' fí'jiu` jøgui jalé' fí' cóo~.

12 Jø lalab fé'gui fí' ni~ jì` quiá'- Fidiée~ e cajme'  
 Saí'~:

Nabi nijáa` jaang` dsea` siju` Isaí,

jø íb` i níquiá'- ta~ quiá'- jaléng' dsea` i ja` líng'  
 dsea` Israel.

Cø' cóo~ i dsea` i nijáa' do,

íb` i nicuø~ e ta~ dsí' jaléng' i dsea` í'.

Jø lanab fé' fí' ni~ jì` quiá'- Fidiée~.

13 Jøba' mí~i Fidiée~ i cuø' e ta~ dsi'naa' do e  
 güicuø'bre 'nú', dsea` já'~ líng'na' júu^ quiá'r~, e  
 seeng'na' e iáang` óó'na' jøgui e seeng'na' juguíá~  
 júu^ røø; jø lajøba', la'eáang' cóo~ bí' e 'gøng' quiá'-  
 Jmiguí' quiá'r~, dseáng'~ eáang'gui güijmitar~  
 óó'na' e niliseeng'na' cóo'r~ fí' ñí' quiá'r~ mí~  
 nití' e í' jø.

14 Dsea` rú`naa' dsea` quiá'- Dsea` Jmáang-, dseáng'- eáam' nita~ dsii- e 'nú' eáam' guiúng-na' cóo~ jaléng' dsea` rúng'na', jogui e guiáb- niñí'na' jial 'né- seeng'na', jogui cajo eáam' quií'na' jmí~ e cuó'^na' bí' rúng'na'. 15 Dsu' e fí' ní' jì la nicateá- dsii- e nicajmée'- e quií'-na' tú- 'ní' mí'^ júu^ e teáb'jiu; jo dsu' cajmé' e lajo e lí'^ laco' ni-jmiguíén'n áá'na' jalé' e jo. Jo lajòb cajmé'- e uíi~ e ta~ e nicangín'n quiá'- Fidiée~, có' dseáng'- eáam' guiúng- dsea` do cóo~ jnea~ e jíi~ ja' catín-n lajo. 16 Jo cajmээр` lajo cóo~ jnea~ e lí'^ laco' nijmee~ e lajíi~ e iing~ Dsea` Jmáang- fí' jee~ jaléng' dsea` i ja' líng' dsea` Israel. Jo cangín'n cóo' ta~ quiá'- Fidiée~ e lí'^ laco' niníi' i júu^ quiá'- jial láang' dsea` do jaléng' dsea` jee~ jalé' dsee- quiáin'. Jo jmóo'o lajo e lí'^ laco' cuóøng` nijøø'n' n fí' quinir` jaléng' i dsea` î' e liñ' do lafa' cóo' feá'- e jlo'^ jmeafíi' e nití- dsíir' jogui e nicaligüeang'^ la'eáang' cóo~ Jmiguí quiá'r-.

17 Jo dsea` quiá'- Dsea` Jmáang- líng' jnea~, joba' seab` uing~ quié'- e eáang' jmi'íáang' dsii- uíi~ jalé' e ta~ e nicangín'n e jmóo'o quiá'- Fidiée~. 18 Dsucó' ja' teá' dsii- e nifá'^ a jíi~ cóo' júu^ e jíe' gui jíi~ laco' e nicajmée' Dsea` Jmáang- cóo~ jnea~ e quiá'- e nicaguaa- júu^ jee~ jaléng' dsea` i ja' líng' dsea` Israel e laco' nijmíin'- do núu'r~ lajíi~ ta~ quiu' Fidiée~. Jo lajòb nicajmíin' do la'eáang' cóo~ jalé' júu^ e nicaguiá'- a cóo~ gui jial nica'ee- jee~ jaléng' i dsea` î', 19 jogui cóo~ jalé' e lí' e quií'- Fidiée~ jmí~ e jmóor' cóo~ e güea'^ e 'gøng' quiá'- Jmiguí quiá'r-. Jo lanaba' guiáb- nicateán'n e ta~ do quié' e e quiá'- e níi' i júu^ quiá'- Dsea` Jmáang-

quíá' jial laang` dsea` jee` jalé` dsee` quiá'r-, jo e jo canaan` fí' Jerusalén cartí caguié` e fí' lí` se' Iliria. <sup>20</sup> Jo nicajmé` e úung` e niníi` i júu` e quiá' jial laang` dsea` jee` jalé` dsee` quiá'r` dseáng' e fí' lí` ja` mí' canúu` dsea` júu` quiá' Dsea` Jmáang` jíi` coo` ya' lamí` jéeng` gui. Jo calí` lajo uíi` e jnea` ja` iin` n fa' e niníi` i e júu` jo fí' lí` nicajmée` dsea` lajo. <sup>21</sup> Co' cajmé` e lajo lí` laco' caliti` laco' la fé' fí' ní` jì` quiá' Fidiée` lí` fé' lala:

Jaléng` dsea` i dseáng' jíi` coo` ya' ja` mí' canúu` júu` quiá' Dsea` Jmáang-,  
 dseáng' ninú` bre e júu` jo;  
 jogui dseáng' ningám` e júu` jo jaléng` dsea` i ja` mí' canúu` e júu` jo cajo.  
 Jo lanab fé' fí' ní` jì` quiá' Fidiée`.

*Mí` ca'í` dsú' Paa` e nidsér` fí' Roma*

<sup>22</sup> Jo uíi` e ngii` ta` guía` júu` quiá' Dsea` Jmáang-, joba' ja` mí' cacuø` fí' quié` e fa' e niníi` i e ní' ee` e 'nú', dsea` rú' naa' dsea` quiá' Dsea` Jmáang` i neáng` fí' na fí' Roma, nañí` fa' jmiguiab` ya' nica'í` dsii` e nijmee` e lajo, dsu' ja` mí' calí` quié` e lajo. <sup>23</sup> Dsu' lanagui nicatób' ta` jmóo` e fí' guóo' uó` la; jo co' nngóob` ji e eáang` e í` dsii` e ní' ee` e 'nú', <sup>24</sup> joba' sijeén` e lajob` nilí` lajee` e iuun` fí' e ngóo' fí' guóo' uó` lí` sii` España. Jo mí` ningí` e nineeng` rú' naa' fí' na, joba' iin` n e jaléng` 'nú' nijmicoo` na' jnea` cóo` jalé` e 'né` e lajee` e ngóo' fí' España. <sup>25</sup> Jo dsu' nú` gui e ngóo' fí' na fí' Roma, jang' níng` teáa fí' Jerusalén e nicoo` capí` jalé` e 'né` dsea` quiá' Dsea` Jmáang` i tiñíng` i seeng` fí' jo. <sup>26</sup> Dsuo' jaléng` dsea` quiá' Dsea` Jmáang` i seeng` fí' Macedonia cóo` gui i



seeng` fí Acaya ca'f` dsíir' yaaĩñ` e lüing` e caseáiñ`  
 capí'` jogui e nisíñ` quiá'- dsea` rú'nnaa' dsea`  
 quiá'- Dsea` Jmáang` i` tiñíng` i` seeng` fí Jerusalén.  
 27 Jo guiáb` cajmée` i` dsea` í` uíi'` e ca'f` dsíir' e  
 nijmicóo'r` i` dsea` rúíñ` do lajo. Dsüco' jaléng`  
 dsea` quiá'- Dsea` Jmáang` i` lüing` dsea` Israel eáam`  
 nicajmicóo'r` jaléng` dsea` quiá'- Dsea` Jmáang` i`  
 ja` lüing` dsea` Israel e laco' teágui casíñ` yaaĩñ`  
 fí guiá` cóo'` Dsea` Jmáang`. Jo uíi'` e lajob líí,  
 joba' jaléng` dsea` quiá'- Dsea` Jmáang` i` ja` lüing`  
 dsea` Israel dseáng'` 'né`ba' lüing` ee`gö jmicóo'r`  
 jié'` júi'` quíi'r` jmiñ` cóo'` jaléng` i` dsea` Israel do.  
 28 Joba' dsifí mi` nité'` e ta` e nijmee` e do e quiá'-  
 nijáa'`a dsea` quiá'- Dsea` Jmáang` i` neáng` fí  
 Jerusalén jalé'` e caseáng'` do, joguiba' nijúu`u e  
 ninii` i` fí España jóng, jo lajee` e iuun` fí e ngóo'ó fí  
 jo, joba' í` dsii` e ningüin`n cateá' fí na fí Roma. 29 Jo  
 eáam` nita` dsii` e mi` niguiée` e e ni'ee` e 'nú' fí na,  
 eáam` guiá` nijmé` Dsea` Jmáang` cóo'` jneaa`aa'.

30 Dsea` rú'nnaa' dsea` quiá'- Dsea` Jmáang`,  
 la'eáang` cóo'` Fíi'naa' Dsea` Jmáang` jogui la'eáang`  
 cóo'` e Jmiguí quiá'- Fidiée` e cuø'` jneaa`aa' e  
 eáam` 'neáang` rú'nnaa' do, joba' lana mii'`i 'nú'  
 jmi'ee` e nijmicóo'` rú'nnaa' colüing` e nimii'`na'  
 Fidiée` uii` quié` e. 31 Jo mii'`na' dsea` do e nijmér`  
 í` jnea` jee` jaléng` dsea` i` ja` já` lüing` júu` quiá'-  
 Fidiée` i` neáang` fí lí se'` Judea. Jogui mii'`na'r cajo  
 e eáang` nili'íng` ta` quiá'- jaléng` dsea` rú'nnaa'  
 dsea` quiá'- Dsea` Jmáang` i` neáang` fí Jerusalén  
 lajúi'` e quiee` quiá'r`. 32 Jo ngí jo, song nicuø`  
 Fidiée` fí, joba' niguiée`baa fí na jóng cóo'` juguiá`  
 e ni'ee` e 'nú', jo lajoba' cuøøng` lí jmi'ín`n lajee`

see-naa' coling̃. <sup>33</sup> Jo m̃i' i Fidiée' i cuø' e seeng' dsea' juguiá- júu' røø' e güiliseem' bre cóo' jaléng' 'nú' lata'.

Jo lajob nili'.

## 16

*Júu' guicóo' quiá'- Paa' e catiing- dsea' seeng' fi' Roma*

<sup>1</sup> Dsea' rú'naa' dsea' quiá'- Dsea' Jmáang- i seeng' fi' na fi' Roma, lana fi' i 'nú' cuaiñ~ quiá'- jaang' dseam̃ i si' Febe i jmóo' ta~ jmicóo' jaléng' dsea' quiá'- Dsea' Jmáang- i seeng' fi' Cencrea. <sup>2</sup> Jo i dseam̃ la dsea' quiá'- Dsea' Jmáam- líiñ', joba' íim' ba're cóo' e guiá' lí' laco'gui catiing- e íng' dsea' i dsea' la'í. Jogui jmicóo' na're cóo' lí' doñí' ee' e 'né-', dsuco' eám' nicajmicóo'r~ jaléng' dsea' rúñ' lí' laco'gui la nicajméer' cóo' jnea'.

<sup>3</sup> Jogui guiéen' n júu' guicóo' quiá'- Prisca cóo'gui i dseañ' quiá'r- i si' Aquila, co' i dsea' na røøb' nicajmó'naa' ta~ guiá' júu' quiá'- Dsea' Jmáang- cóo'r~. <sup>4</sup> Co' laji' gám- i dsea' na jiñ' ja' mí' cajúum- bre dsu' uí' e nicajmicóo'r~ jnea'. Jo co' lajob nicajméer' cóo' jnea', joba' cuøø-øre gui'máang'; jo dsu' o' jí' jnea' jmóo' o' lajo, co' lajob jmóo' cajo jaléng' dsea' quiá'- Dsea' Jmáang- i ja' líng' dsea' Israel. <sup>5</sup> Jogui guiéen' n júu' guicóo' quiá'- jaléng' dsea' rú'naa' dsea' quiá'- Dsea' Jmáang- i seáng' fi' na fi' quiá'- Prisca cóo'gui Aquila. Jogui guiém' ba' júu' guicóo' cajo quiá'- i seen- røø' cóo' i 'neáan' eáng' i si' Epeneto, co' íb' la'uii~ dsea' i calíng- dsea' quiá'- Dsea' Jmáang- fi' la'úng- fi' lí' se' Asia. <sup>6</sup> Jogui guiém' ba' júu' guicóo' quiá'- Yá' cajo, co' eám' nicajméer' ta~

jmícóo'~ jee~ 'nú'. 7 Jogui guiéen'~n júu^ guicóo'~  
 quiá'~ dsea` góo'ó i sii` Andrónico cóo'~gui Junias,  
 dsuco' conrøøb` cajníng~naa' fí dsí' 'ñañí^ cóo'r~.  
 Jogui jaléng'~ dsea` apóo^ quiá'~ Dsea` Jmáang~  
 eáam' guiá~ fé'r' uii~ quiá'~ laji` gáng~ i dsea` góo'ó  
 na, jo i dsea` na jééng'guib calicúir` júu^ quiá'~  
 Dsea` Jmáang~ lacó'gui jnea~.

8 Jogui guicóob'~ i dsea` i sii` Ampliato, i dsea`  
 quiá'~ Dsea` Jmáang~ i eáang' røø` seen~ cóo'~.  
 9 Jogui guicóob'~ cajo i dsea` i sii` Urbano i jmóo' ta~  
 colíng~ cóo'~ jnea~; jogui guicóo'~bi cajo i dsea` i  
 sii` Estaquis i eáang' seen~ røø` cóo'~ cajo. 10 Jogui  
 guicóo'~bi cajo i dseañu' i sii` Apeles i nicagüi'íí'  
 guiá~ jee~ jalé' e huíng' e nicangongüiñ~ uí'~ e teá'  
 siñ' cóo'~ júu^ quiá'~ Dsea` Jmáang~; jogui guicóob'~  
 cajo jaléng' i dsea` sináú^ quiá'~ Aristóbulo. 11 Jogui  
 guicóob'~ cajo i dsea` góo'ó i sii` Herodión cóo'~gui  
 jaléng' i dsea` sináú^ quiá'~ Narciso, co' dsea`  
 quiá'~ Dsea` Jmáam~ líiñ' cajo. 12 Jogui guicóob'~  
 Trifena cóo'~gui Trifosa, co' laji` gám~biñ' na jmóor`  
 lajii'~ ta~ e nicangüiñ` quiá'~ Dsea` Jmáang~; jogui  
 guicóob'~ cajo i dseamí i sii` Pérsida i eáang' seen~  
 røø` cóo'~, co' i dseamí na eáam' nicajméer` ta~ e  
 nicangüiñ` quiá'~ Dsea` Jmáang~. 13 Jogui guicóob'~  
 cajo i dseañu' i sii` Rufo, jaang` dsea` i dsíng'~  
 ñí dsea` e cuíñ` Dsea` Jmáang~ jogui e eáam' teá'  
 siñ' cóo'~ júu^ quiá'~ dsea` do cajo; jogui guicóob'~  
 niquiá'r^ cajo, dsuco' í líng' lafa' niquíe^baa cajo.  
 14 Jo guicóob'~ Asíncrito cóo'~gui Flegonte cóo'~gui  
 Ermes cóo'~gui Patrobas cóo'~gui Ermas cóo'~gui  
 jaléng' dsea` quiá'~ Dsea` Jmáang~ i neáang' cóo'r~  
 do. 15 Jogui guicóob'~ Filólogo cóo'~gui Julia

cóo'~gui Nereo cóo'~gui i dseam' rúíñ' do, jogui guicóo'~ Olimpás cajo cóo'~gui lajñing' dseá' quíá'~ Dseá' Jmáang' i neáang' cóo'~ lajaléng' dseá' na.

16 Jogui jaléng' 'nú', dseá' líng'na' dseá' quíá'~ Dseá' Jmáang', lacoó' ya' mí' fõn' rúng'na' se' guoo' rúng'na'. Jo lajaléng' dseá' quíá'~ Dseá' Jmáang' i seeng' fí' la guíéiñ' júu^ guicóo'~ quí'na'.

17 Dseá' rú'naa' dseá' quíá'~ Dseá' Jmáang', iin~n nimí'~i 'nú' lahuñg' e nijmée' í' yaang'na' cóo'~ jaléng' i dseá' i ngí' ta~ jmóo' 'nií' jee~ jaléng' dseá' quíá'~ Dseá' Jmáang', jogui jmóor' quíj' jial nitá' dseá' fí' guíá'~ lí' niteáaiñ' cóo'~ Dseá' Jmáang', dsucó' cóo'~ jalé' e jmóor' do ja' cóong' røø' cóo'~ júu^ quíá'~ Dseá' Jmáang' e nica'ling'~ 'nú'. Joba' fí'~i 'nú' e ni'naam' yaang'na' jee~ jaléng' i dseá' í'. 18 Dsucó' jaléng' i dseá' la'í' ja' jmóor' ta~ e nicang'íiñ' quíá'~ Fí'naa' Dseá' Jmáang', có' jmóor' jíí'~ laco' í' dsíir' yaam~bre. Jogui fé'r' júu^ jlo'^ e róo' e lí'^ laco' lí'r' jmigóoiñ' dseá' i ja' quí'~ tñng' jmóo' jalé' e ga', jo lajoba' lí'r' jaléng' í'. 19 Jo lajñim' dseá' quíá'~ Dseá' Jmáang' ñir' e eáam' núu'~ 'nú' júu^ quíá'~ Dseá' Jmáang'. Jo uí'~ e líng'na' lajo, joba' eáam' íáang' dsii' cóo'~ 'nú' jogui iin~n e cóo'~ jalé' e niñí'na' do nilí'ling' ta~ quí'na' quíá'~ e nijmée'na' jman'~ jalé' e guíá'~ jo o' quíá'~ e nijmée'na' jalé' e ja' dseeng'. 20 Jo Fidiée' i cuó' e seeng' dseá' juguíá'~ júu^ røø', lajmináb' nijgiáaiñ' fíi' i 'ling'^ i sii' Satanás cartí' uii' tñ'na', jo lajoba' jo' cuóong' fa' e nilí'guir 'nú'. Jo má'~i Fí'naa' Dseá' Jmáang' e ni'ír' güea'^ quíá'r' fí' jee~ 'nú' lajñing'na'.

21 Jogui Timoteo, jaang' dseá' rú'naa' i jmóo'

ta~ quiá'- Dsea` Jmáang- coling~ cóo~ jnea~,  
guiém'bre júu^ guicóo~ quí-na' cajo, jogui lajobi  
jaléng' i dsea` góo' o i sií Lucio cóo~ gui Jasón jogui  
Sosípater guiém'bre júu^ guicóo~ quí-na' cajo.

<sup>22</sup> Jogui jnea~ Tercio, dsea` jmo'o e fí' ni~ jì' lajalé'  
júu^ quiá'- Paa~, guiém'baa júu^ guicóo~ quí-na'  
cajo, có' dsea` quiá'- Dsea` Jmáang- lín'n cajo.

<sup>23</sup> Jogui lajobi Gayo guiém'bre júu^ guicóo~  
quí-na' cajo, có' fí' quiá'-bre guing~ jnea~ lana,  
jo fí' job cajo lí~ seáng' jaléng' dsea` quiá'- Dsea`  
Jmáang- e jmiféiñ' Fidié'. Jogui Erasto guiém'bre  
júu^ guicóo~ quí-na' cajo, jo lana líiñ' dsea` i  
'mea' cuu~ quiá'- fí'; jogui lajobi jaang' dsea` quiá'-  
Dsea` Jmáang- i sií Cuarto guiém'bre júu^ guicóo~  
quí-na' cajo. <sup>24</sup> Jo güi' íb^ Fí'naa' Dsea` Jmáang-  
güea'^ quiá'r- jee~ jaléng' 'nú'. Jo lajob nilí.

*Júu^ lí~ cadséng- quiá'- Paa- e jmiféiñ' Fidié'*

<sup>25</sup> Jo majmifém'baa' Fidié', có' í'bing' i quí~  
jmí~ i nijmé- e teá'gui nisíng'-na' cóo~ júu^ quiá'-  
Dsea` Jmáang- lí'^ laco' la fé' e júu^ quiá'- Dsea`  
Jmáang- e guíá' jnea~ e quiá'- jial laang` dsea` jee~  
jalé' dsee~ quiá'r-. Jo e júu^ nab lí' e júu^ quiá'-  
Fidié' e lamí~ si'maang~ lajii'~ nú'-gui e nitiroo~  
jmigüí. Jo dsu' lanagui nica'jmijnéem'bre e jo, jo e  
júu^ job e guíá' jnea~ na. <sup>26</sup> Dsu' lanagui nicalíñib'  
dsea` e júu^ na la'eáang' cóo~ jalé' jì' e cajme'  
jaléng' i dsea` i café' cuaiñ~ quiá'- Fidié' malí~ gui  
eáang'. Jo calí~ lajo e lí'^ laco' niliti~ ta~ e caqui'~  
Fidié' i seeng` car` ngongí' jmí~ do. Jo dsu' e júu^  
e si'ma~ quiá'- Fidié' do, nica'jmijnéem'bre lana e  
lí'^ laco' lajaléng' dsea` jmigüí' nijá'- líiñ' e jo jogui  
e nijmér- nú'r- cajo.

27 Jo la'eáang' cóo'~ Fí'naa' Dsea` Jmáang- ma-  
jmifém'baa' lata~ jíí'~ Fidiéě, co' jíí'~ íb` ì eáang'  
tiing` ngáng'. Jo lajob nilí.

Jo lanab cató' e jí' e cajme' Paa- e catíng- dsea`  
quíá'- Dsea` Jmáang- ì neáang' fí' Roma.

**Júu 'má e cacuo fidiée**  
**New Testament in Chinantec, Comaltepec**  
**(MX:cco:Chinantec, Comaltepec)**

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

**Copyright Information**

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Chinantec, Comaltepec

**© 2002, Wycliffe Bible Translators, Inc.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 11 Nov 2022 from source files  
dated 29 Jan 2022

30c6f873-0dee-5863-8883-ba3c5eaa988c